

# কাল-পরিণাম ।

( সামাজিক নাটক )

৩ রামলাল বন্দ্যোপাধ্যায় প্রণীত ।

•  
১৯৩৫

শ্রীযুক্ত যাদবচন্দ্র বন্দ্যোপাধ্যায় কর্তৃক  
গানগুলি সুর লয়ে গঠিত ।

পঞ্চম সংস্করণ ।

কলিকাতা বুকডিপো লিমিটেড

২০৪নং বর্ণওয়ালিস ষ্ট্রীট, কলিকাতা ।

১৩৩৩-১

মূল্য এক টাকা ।

( ২ )

জন্মায়, ততক্ষণ তাহার উচ্ছেদের সম্ভাবনা আছে কি ?  
কাষেই পিশাচ পিশাচীর কদাকার চিত্র অঙ্কিত করিয়াছে ;  
নিজের ইচ্ছা অক্ষিছা বিবেচনা করি নাই ।

কলিকাতা ।

১৪নং রামধন মিত্রের গলি, শ্রামপুকুর }  
রবিবার, ২ই মার্চ ১৯০২ ।

তোমার মেহের,

রামলাল

## নাটোল্লিখিত ব্যক্তিগণ ।

### পুরুষ ।

জগদীশ দত্ত	...	কলিকাতার জনৈক ধনী ব্যবসায়ী ।
তিনকড়ি	...	জগদীশ বাবুর খাতাঙ্গী ।
তারকচন্দ্র ঘোষ	...	গ্রামপুকুরের জমিদার ।
সারদাপ্রসাদ বিশ্বাস	...	ঐ দৌহিত্র ( প্রথম কন্যার পুত্র ) ।
মণীন্দ্রনাথ রায়	...	ঐ ঐ ( দ্বিতীয় কন্যার পুত্র ) ।
অন্নদাপ্রসাদ বসু	...	মণীন্দ্রের খণ্ডর ।
মনু	...	মণীন্দ্রের পুত্র ।
শম্ভু	...	তারকবাবুর প্রতিবাসী; বাতিকগ্রস্ত বৃদ্ধ ।
রজ	...	সারদার সমবয়স্ক বন্ধু ।
উমেশ	...	মণীন্দ্রের পিতার আমলের নারেন্দ্র ।
কমলাকান্ত	...	এটর্নী ।
বিকাশবাবু	...	মাড়োয়ারী মহাজন ।
শিবদাস আগরওয়াল	...	মনুর সহপাঠী বালক ।
গণেশ	...	তারক বাবুর পুরাতন ভৃত্য ।
নব	...	অন্নদাবাবুর দরওয়ান ।
ডাক্তার বাবু ।	...	ঐ ( মামার আমলের )
তেওয়ারী	...	জগদীশ বাবুর সহিস ।
উল্লাস সিং	...	
ছেদী	...	

জেল সুপারিন্টেন্ডেন্ট, রক্ষিগণ, পুলিশ ইন্সপেক্টর, পাঠারওয়াল, পথিকগণ, ভিক্ষুক, বালকগণ, পরিচারক, মাধু ।

স্ত্রী ।

মোক্ষদ ... সারদার স্ত্রী ।  
কিশোরী .. মণীন্দ্রের স্ত্রী ।  
মণীন্দ্রের পিসীমা  
ভয়ক বাবুর বাড়ীর বী ।  
কালি ... ঐ বীর কন্যা ।  
বিষ্ণু মা ... কিশোরীর বী ।

মোক্ষদার কলিকাতার বাড়ীর বী, অন্নদা বাবুর পরিচারিক  
ইত্যাদি ।



- ক । রাম রাম রাম !!! অনুমতি করেন ত বিদেয় হই। আমি বৃদ্ধ ব্রাহ্মণ, এ সকল কথা শোনাও পাপ বিবেচনা করি।
- জ । ও বাবা! তোমার ত ঠাকুর ভারি নিষ্ঠে দেখতে পাচ্ছি। তা আমার ওপর রাগ কর কেন? আমাকে এই তিনকড়ে বললে যে কমলাকান্ত ঠাকুরই মনি বাবুকে মদ খাওয়াতে শেখালেন।
- তি । সে কি ম'শায়! আমি ত শুঁকে এই আজ সব দেখলুম; আমি আবার কবে আপনাকে মনি বাবুর কথা বলতে গেলুম!
- জ । এই তুই সে দিন আমার বলি, আর আজ বলচিস 'না'। আমি আরও তোকে বলুম যে না, কমলাকান্ত ঠাকুর বুড়া হয়েছে, ধর্মনিষ্ঠে লোক, সে কি মদ খায় তা তাকে খাওয়াবে। তুই বলি "হ্যা মশায়! আমি স্বচক্ষে দেখিছি মনি বাবু আর ঐ বুড়া ঠাকুর দোকানে বসে বসে মদ খাচ্ছে।
- তি । ( কমলাকান্তের পায়ে ধরিয়। ) ঠাকুর আপনার পায়ে হাত দে বলচি আমি এ কথার বিন্দু বিসর্গও জানি না। বাবুর আমাদের স্বভাব ঐ, একজনের সঙ্গে একজনের ঝগড়া বাধিয়ে দেওয়া। দোহাই আপনার, আপনি রাগ করবেন না।
- জ । আমোলা ও ব্যাটা আবার নাকে কাশা ধলে, দূরহ। ( কমলাকান্তের প্রতি ) তা তোমার বাবু আছেন কেমন গো?
- ক । আজ্ঞে তাঁর আর কেমন থাকাকথাকি বলব কি। সংসার অচল হয়ে দাঁড়াল। পৈতৃক ইটকাট বা ষতটুকু ছেল তা ত সবই গিয়েছে এখন দেশের ভদ্রাসন টুকুও টল টল কচ্ছে। বাবু দিন রাত্রি ভেবে ভেবে আধখানা হয়ে গেছেন। সে রূপ নেই—

- জ। তোমার বাবু আবার কোন কালে বিদ্যাসুন্দর ছেলেন গো—  
যে আঁ! রূপ নেই।
- ক। আজ্ঞে আপনি ঠাট্টা করুন, কিন্তু বাস্তবিকই এমনি হয়েছে  
যে বাবুর মুখের দিকে চাইলে আমার প্রাণের ভেতর আর  
কিছু থাকে না।
- জ। তা এ যে তোমার বাবুর ওপর বেয়াড়া ঝাওটো হওয়া বাবু।  
প্রাণের ভেতর কিছু থাকে না ত সরে পড় না—বাবু ত তোমার  
ধাধাও নয় খুড়োও নয় যে ছেড়ে যাবে কোথায়। আপনার  
দেশে গে মাগ ছেলের দিকে চেয়ে যাতে প্রাণের ভিতর কিছু  
থাকে এমন করগে না।
- ক। মনি বাবু আমার বাবা খুড়োর চেয়ে বেশী মশায়! ( কল্পিত  
স্বরে ) এই বুড়োর হাতে উনি মানুষ হয়েছেন—এখন ওঁকে  
ফেলে আমি বাব কোথায় বলুন ?
- জ। কোথাও যাবেনা ত কি শুধু আমার কাছে বসে বসে কাঁদবে ?  
বাবা দেখ, ঐ তিনকড়ে ব্যাটাকে নিয়ে ঘরে বোসগে। ও ব্যাটার  
শাওড়ির মুখের দিকে চাইলে ওরও প্রাণের ভেতর কিছু  
থাকে না. আর তোমার বাবুর মুখের পানে চাইলে তোমার  
প্রাণে কিছু থাকে না, ছ'জনে রাজযোটক হলে।
- তি। আজ্ঞে আমি তবে শ্রামধন বাবুর কাছে গমের দরটা গেনে  
আসি।
- জ। বোস, যাস্ এখন।
- তি। আমি চলুম—কে বসে বসে আপনার গাল খাবে বলুন ?
- জ। বোস্ বোস্। ( কমলাকান্তের প্রাণ ) মণির সে ছেলেটি ভাল  
হ'য়েছে ?

- ক । বাবু বরাবর জলপানী পেয়ে এসেছেন ।
- জ । আর মুন্সুকে কেউ কখন জলপানী পায়নি । কুইনভিক্টোরিয়া তোমার বাবুর জলপানী পাওয়ার কথা শুনে কালীঘাটে ডালা পাঠিয়ে দিছিলেন । তার পর বল ।
- ক । তারক ঘোষ মহাশয়ের প্রতিবাসী এক বকুর এক কণ্ঠা ছিল । তারক ঘোষের ইচ্ছে বাবুর সঙ্গে তার বে দেন । এমন কি এক রকম ঠিক ঠিকেনাই হয়েছিল । পাড়ার সকলে সে মেয়েটিকে মণি বাবুর কনে বলে ডাকত । তারক ঘোষ মেয়েটির বাপের জীবিতাবস্থায় তার কাছে প্রতিশ্রুত হয়েছিলেন যে তাঁর মেয়েকে নাভবউ করবেনই করবেন । মেয়েটিরও যেমন রূপ তেমনই গুণ । অল্প বয়সেই সে এত বই পড়েছিল যে তার সমবয়সী পাড়ার ছেলেরা কেউ তাকে এঁটে উঠতে পারতনা । আর ভগবানের কি মহিমা, সাত বছরের বেলা থেকেই আমার বাবু অন্ত তার প্রাণ । বাবু একদিন তাদের বাড়ী খেলা কত্তে না গেলে সে খেত না, কাঁদত । শেষে বাবু গিয়ে মিষ্টি কথায় ভুলিয়ে খাওয়াতেন, তবে খেত । বাবু যখন প্রথম জলপানী পেলেন সে যেন অহঙ্কারে ফুলে উঠল ! মেয়েটি বথার্থই যাকে বলে রূপে লক্ষ্মী গুণে স্বরস্বতী ।
- জ । ঠাকুর ! ঐ তিনকড়ে ব্যাটাকে বল ওর শাণ্ডী মাগীর কথা পড়লে ও ঠিক ঐ তোমার মত বর্ণিমে শুরু করে ।
- ক । যা বলছি । সারদা বাবু ( তারক বাবুর বড় দোয়ন্তুর ) বরাবরই আমার বাবুর হিংসে কত্ত, বাবুকে দেখতে পান্ত না, কাষেই ঐ মেয়েটি বাবুকে অত ভালবাসে বলে তাকেও দেখতে পান্ত না । মেয়েটিও সারদাকে বড় ঘেন্না কত্ত । কিন্তু প্রজাপতির



ক । আজ্ঞে হাঁ, দাসুরায়ের মত ছড়াটড়া কখন কখন লেখেন বটে, সেটা দৈব অনুগ্রহ ।

জ । দাসুরায়ের পিতাম'র মত । তার ছড়া তো বোঝা যায় গো । এর কি আর বোঝা বার জো আছে? ঐ যা বলেছ—দৈব, ঐ দৈব একটু বেশা ভর কল্লোই ঝাড় ফুক কস্তে হয় । তা বেশ, তা আমার কাছে তোমাকে তোমার বাবু আজ পাঠালেন কেন ?

ক । আজ্ঞে সেই ৫০০ টাকার কথা বলতে । গেল মাসে দোবার কথা ছেল তা গেল মাস ত গেছেই, এ মাসেও বোধ হয় হল না, সুমুণের মাসে যদি সুবিধে হয়—

জ । সুবিধে আর কি হবে? বেচারার আর কিছু আছে কি ?

ক । আজ্ঞে তা ঠিকই বলেছেন । তবে দয়া করে—

জ । এ যে তোমার অন্তায় ঠাকুর । আমি ত তুমি নয় যে তোমার বাবুর মুখের দিকে চাইলে আমার প্রাণের ভেতর কিছু থাকবে না । তুমি শোন—তোমার বাবুকে বোলো যে লুকিয়ে থাকলেই আমি ছেড়ে কথা কইব না । আমরা ব্যবসাদার মানুষ, টাকা বুঝি, তোমার মত দয়া করার ধার ধারি না বাবু । তোমার বাবুকে পরশু দিন আমার কাছে বেওজোর পাঠিয়ে দিও, তার সঙ্গে মোকাবেলা হলে আমি যা বিহিত হয় কর্ব । আমাদের ত আর তোমার বাবুর মত মহারাজা প্রতাপাদিত্যের বংশ নয় । আমার বাপ ১০০ টাকার সরকার ছিলেন, আমি তাঁর ছেলে, সুতরাং টাকাটা কিছু ভাল বুঝি ।

ক । তা যেমন আজ্ঞে কচ্ছেন তেমনিই কর্ব । তাঁকে পরশু আপনার

কাছে পাঠিয়ে দোবো। তবে আমি তাঁর অপেক্ষা তাঁর বিষয় ব্যবস্থার ভাল জানি, তাই বলচি যে অন্ততঃ এ মাসটা—

জ। ( তিনকড়ির প্রতি ) আমোলা ও বল্চে তা তোর কি ? ঠাকুর ! এদিকে দেখ্চ তিনকড়ে ব্যাটা আমার গা টিপে বল্চে—মশায় ! ওকে বিদেয় করুন, কি একশবার ব্যাজ ব্যাজ কচ্ছে ।

তি। ওমা সে কি ? কখন বল্লুম ? আমি ত লছমন দাস আগর-ওয়ালার চিঠীটা পড়ছিলুম ।

ক। আজ্ঞে, আমি তবে এখন চল্লেম ।

তি। ( কমলাকান্তের হাত ধরিয়্যা ) না ঠাকুর ! আপনি বাবুর কথা শুনবেন না। ঈশ্বর জানেন আমি কিছু বলিনি, এমন কি খানিকক্ষণ আপনাদের কথা বার্তাও শুনিনি ! আপনি বলুন ।

জ। ওমা, আবার বুড়ো বামুণের সঙ্গে হাত কাড়াকাড়ি কচ্ছে দেখ, যেন ওর সম-সমাদী। ব্যাটা কে গো, দেবতা বামুণে ভয় নেই ।

তি। নিন মশায় ! ঠাট্টা রাখুন—আপনার জন্তে ব্রহ্মশাপে পড়বার জো হয়েছি ।

জ। পড়বে বইকি বাবা—ওহলো বুড়ো ধর্ম্মনিষ্ঠে ব্রাহ্মণ—ওকে অপমান—এতেও ব্রহ্মশাপে পড়বে না ?

তি। ( কমলাকান্তের প্রতি ) আপনি আমার ক্ষমা করুন। আমি যথার্থ বলচি—

ক। ( তিনকড়ির প্রতি ) আপনি কি পাগল হয়েছেন ? বাবু আনন্দ-মহ, সকলকে নিয়েই একটু আনন্দ করেন আমি এক আর তা বুঝতে পারছি না। ( জগদীশের প্রতি ) তবে আজ চল্লেম ।

জ । বেশঠাকুর ! তিনকড়ে ব্যাটা ভাল মানুষ পেয়ে তোমাকে  
জল বুঝিয়ে দিলে । এস প্রণাম ।

ক । কল্যাণ হোক ।

[ প্রশ্নান ]

তি । না মশায় ! আপনার ভারি অগ্রায়—ও রকম যার তার সঙ্গে—

জ । এ বুড়ো বামণ বড় ভাল লোক রে তিনকড়ে । খাঁটা সেকেন্দ্রে  
ছাঁচ—দামী, বাজে নয় । আমি যাই বাড়ীর ভেতর তেল মাখিগে ।  
( যাইতে যাইতে ) হা দেখ, পরন্তু সকালে আমার খুসরে  
৫০০ টাকা চাই, আমাকে এই খানে দিয়ে যাস !

তি । যে আজ্ঞে ।

( উভয়ের প্রশ্নান )

দ্বিতীয় দৃশ্য ।

শ্যামপুর ।

সারদার বৈঠকখানা ।

সারদা ও মোক্ষদা ।

মো । যাই কে এসে পড়বে, এখানে ডাকলে কেন ?

সা । শোন না, কলকেতার যে সেরা কবিরাজ, যার চেয়ে বড় আর  
নেই—বুঝতে পারছ ?

মো । এত বড় শক্ত কথা, একি সহাজে বোঝা যায় ?

সা । না বুঝতে পার ত সরে পড় ।

মো। কোথায় ? হাটে না বাজারে ?

সা। দেখ দেখি রাগ ধরে না ? অত বড় একটা কবিরাজ কাল সকালে কলকর্তা থেকে এখানে আসবে, আর উনি কিনা পান খেয়ে নিচ্চিন্দি হ'রে গায়ে ফুঁ দিয়ে হাওয়া খেয়ে বেড়াচ্ছেন ।

মো। কে বলে নিচ্চিন্দি হ'রে হাওয়া খেয়ে বেড়াচ্ছি । আমি পাড়ায় এম্বোদের সব নেমস্তন্ন করে রেখেছি—তোমার ও বেলা হবিষ্টির যোগাড় করে রেখেছি—সে সব সেরে তোমার কাছে ছ'দল গোরা বাজনা বায়না করে রাখবার কথা বলতে এলুম । অত বড় কবিরাজ আসছে—

সা। কথায় এদিকে কাস্তুর ঠোকর বসে না, মাগ যেন ভট্‌চাষি । তোমার কি ঘরের ভেতর বসে রান্না বান্না সাজে ? একটা টোল খুলে বোস ।

মো। একখানা আটচালা, আর গণ্ডাকতক পোড়ো ঠিক কর না, তাই বসি ।

সা। দাদার আর ক'দিন ? ওকি সহজ ব্যথা ? তার ওপর ঐ ব্যেস । ঐ ব্যথা একদিন একটু জোরে ধলেই কৰ্ম্ম কাবার হয়ে যাবে ! তা হলেই—

মো। তা হলেই সোণার লঙ্কার হনুমানের নেতা ।

সা। মুখ সামলে কথা কও, আমি না তোমার স্বামী ?

মো। আমি কোন্ বলচি তুমি আমার ভগ্নীপতি ?

সা। মেয়ে মানুষ কেবল চাবুক খেলে ঠিক থাকে ।

মো। যদি তোমাদের পাতের হয় তবে—'আমাদের আগদোগ কি কিছু খেতে আছে ?

সা। হাসিও পার । বেজার আর তোমার সুখ্যাতি ধরে না । বলে

তুমি বেশ কথা কও। সে বলে সারা দিন রাত্তির হাঁ করে সে তোমার কথা শুন্তে পারে।

মো। যদি কিঙ্কিাকাও কই তবে—নইলে তোমরা বুঝতে পার না।

সা। এক এক সময় ভাবি তুমি যেন আমার মনের মতন।

মো। ও রকম হামেসা ভেবো না, শরীর খারাপ হবে।

সা। দেখ মাগেরা যদি মানুষের মত হয় তা হলে কি আর আমাদের বার রোগ জন্মায়? ঘরেই যদি রগড় পাওয়া যায়, কোন ব্যাটা বাইরের বেটীদের খোসামোদ করে বাবা? হ্যাঁগা কালীকে যে কদিন দেখিনি—সে কি কোথাও গিয়াছে?

মো। হবে—

সা। না কি কোন অসুখ করেছে?

মো। কি জানি—কেন?

সা। তাই জিজ্ঞেস করছি। দিন রাত্তিরই তোমার কাছে দেখতে পাই, আজ ছ'তিনদিন—

মো। এলে পাঠিয়ে দোন?

সা। হাঃ হাঃ, তা হলে ত মজাই হয়। বেশ জিনিস। একটু ঞাকা ন্যাকা—কিন্তু দেখতেও বেশ—আর কি গান গায় চমৎকার!! ওগো ভাল কথা—যা বলেছিলুম—আজ খাবে? সন্ধ্যার পর চুপি চুপি—

মো। কি?

সা। আহা—ঞাকা? কি? আব এক বছর ধরে খোসামোদ করছি। কেন, খেয়ে আর আমার মাথা কি কিনবে? তোমারই ফুঁটি। কলকাতায় আজ কাল ঘর ঘর ও রকম, বুঝলে? তুমি ত কলকাতার মেয়ে, ইস্কুলে পড়া, পাশ করা—এদিকে কংগ্রেসের কথা কও—আর এর বেলায় কি?

মো। হঁ ! মুখে যে বেশ গন্ধ বেরুচ্ছে—বাঃ ।

সা। আমার ত আর লুকোচুরি নেই—দিন রাত্তিরই খাই। এক দাদা ছাড়া ছনিয়ার কাকে ডরাই বাবা ? সত্যি বল না ? আচ্ছা একবার মুখে দিয়ে দেখ—একবার খেলেই কোন্ মরে যাবে ? তার পর যদি আর না ইচ্ছে হয়, আচ্ছা আর আমি সাধব না। আমার মাথা খাও, তোমার পারে পড়ি। আচ্ছা একবারটি খেয়ে দেখ—আমার কথা একটা নয় রাখলেই ।

মো। দেখা যাবে ।

সা। কোন্ কেতা থেকে ভাল জিনিস আনিয়ে রেখেছি। না খুলে বল—ভাব দেখি কদিন ধরে বলছি—খোসামোদ কচ্চি ? বল না থাকে ?

মো। বরাবরই ত বলি “না”—কেন জিগোস কর ?

সা। উঃ কি সতী গো—না খেতে হবে। আজ কিছুতেই ছাড়বো না।

মো। ( নিরুত্তর । )

সা। বাহবা, লেগেছা শুরু !! মৌনঃ লক্ষণঃ বাবা। কালীকেও রেখো ।

মো। আমি কালীকে রাখতে গেলুম কেন ? দরকার হয় তুমি রেখো ।

সা। রেখো না—আচ্ছা যদি তোমার একটা সুখবর দিই ।

মো। কি ?

সা। তোমার হবু-বর আসছেন যে ।

মো। বটে ! তাত আমার কেউ বলেনি—আমার আবার কি বের সম্বন্ধ হচ্ছে ?

সা। দূর তা কেন ? তোমার হবু-বর। যার জন্যে তুমি যাও-যাও। যাকে না দেখতে গেলে তুমি খেতে না—যে না পড়ালে তুমি পড়তে না—যার সঙ্গে বে হ'ল না বলে তুমি বিষ খেতে গিছলে—

স। একদিন সকালে—দাদা যখন মুখ হাত ধুয়ে বারাণ্ডায় চৌকিতে

বসবে, তুমি গিয়ে কথা পাড়বে—দাদার তোমার ওপর বড় ভক্তি—

শ। অনুগ্রহ করে ভালবাসেন, যেমন তোমরা বাস। তবে তোমরা হলে  
একবয়েসী—

ব। হরিবোল !

শ। চোপরাও শালা—জুতিয়ে তোর মুখ ছিঁড়ে দোব। ব্যাটাচ্ছেলে  
পাজি !

স। ওকি শব্দ ?

শ। তুমি বোঝ না—ব্যাটা পাজীর সদার—জুতো না খেলে ছোট লোক  
টিট থাকে না। বারদিগর হলে শালাকে পারে থেকে জুতা খুলে  
মারব।

স। ব্যাটার কি বেজা ?

ব। কিছু জানি না, দোহাট বর্ষ !

স। ( শব্দুর প্রতি ) আমি তোমাকে যেমন যেমন শিখিয়ে দোব, তুমি  
তেমনি তেমনি বলবে।

শ। আচ্ছা তুমি যা বলবে আমি তাই করব দাদা। তোমার জন্তে  
আমি মত্তে মারি।

ব। ( সুর করিয়া ) “হেলাতে রতন হারায়ো না মন, হরি হরি বল  
বদনে”—

শ। তবে রে শালা ! ( পাজী উন্মোচনান্তর ) যত বড় মুখ তত বড়  
কথা ? ইয়ারকি পেয়েছ ?

স। কি কর শব্দু তুমি কি পাগল হলে ? এ রকম ত তোমার কখন  
দেখিনি।

শ। পাঁচ শালায় যেন আমায় কি পেয়েছে দাদা। শালারা আমায় ঘর

ত্র। হরি বল ভাই—হরিবোল—হরিবোল। ( চীৎকার শব্দে হাত ছাড়াইয়া শব্দঃ, ও তৎসঙ্গে সকলের প্রস্থান । )

### তৃতীয় দৃশ্য ।

কিশোরীর কক্ষ ।

কিশোরী আসীনা—মণীন্দ্রের প্রবেশ ।

ম। মনু এখন কেমন আছে গা ?

কি। ভাল আছে ।

ম। সকালকার চেয়ে জ্বর একটু কমেছে ? গার তাত কেমন ?

কি। সেই রকমই ।

ম। তবে আর বিশেষ ভাল আছে কি বল ?

কি। ( নিরুত্তর ) ।

ম। কমল Temperature নিয়েছিল ?

কি। জানি না ।

ম। আচ্ছা কিশোরি ! এও জানি না ? ছেলেটার এই অস্থখ—আমার প্রাণটা বেরিয়ে গেল ভেবে ভেবে—ধাধা করে—আর তুমি নির্ভাবনায় বললে কি না জানি না। কি জানি ভাই—তুমি পাথর কি মানুষ—কিছুই ঠিক করে উঠতে পার্লুম না। 'হাঁ' 'না' 'দেখিনি' 'শুনিনি' সকল সময়েই সেই মাপা কথা ; পৃথিবীতে প্রলয় হলেও তার নড়চড় নেই। তোমার মনের একটানায় হাজার ঝড়েও



ক। বাইরে হাত ধুচ্ছেন আসছেন। কিছু করে আসতে পারেন বাবা ?

ম। সে করে আসতে পারে—এখন আজকে বোধ হয় আর হাঁড়ি চড়ল না। আজকের খরচের মত একটা টাকা এ সহর ঘুরে কারও ঠেন পেলুম না। কমল ! আর আমি পারি না।

( ডাক্তারের প্রবেশ )

ডা। এই যে আপনি এসেছেন। বড় obstinate বুঝলেন ? এ সব তড়িঘড়ির অসুখ নয়। তবে এখন যে বিশেষ ভয়ের কারণ তা ত আমি কিছু দেখতে পাচ্ছি না। তিন বৎসর কেটেছে, আরও এই রকম করে কোন রকমে দুটো বৎসর কাটাতে পারেন, একবার ছেলে পাঁচ বৎসরের হলে, আর Liverএর ভয় বড় নেই। আজকের Prescription Smithএর বাড়ী থেকে serve করিয়ে আনান। দুটো ওষুধ দেবে, আর একটা—Liniment। ওষুধ দুটো দামী, আট টাকার কমে দেবে না—Linimentটাও টাকাটাক। গোটা দু'এক ভাল Mellins food আনান। পরণ্ড যে দুটো আনিয়েছেন ও বাজারে, ও আমি reject করেছি। খবরদার ও খাওয়ান যেন না হয়। আর আমি advice করি আপনার ছেলের জন্তে একটা separate bedding করুন। ওই যে White-awayরা Iron-bed-stead বিক্রী করে সে গুলো মন্দ নয়। দুজন শুতে পারে, Say, 7 by 5, হলেই হবে। তাই একখানা নিয়ে আসুন, আর তার বিছানা বালিস সব featherএর করুন। ছেলে এখন হাড়ের মালা হয়েছে, শেষ মট করে কোন দিন পাশ ফিরতে একখান হাড় dislocated হয়ে পড়বে ? এ গুলোর একটু শিগ্গির বন্দোবস্ত করুন। আমি বলি আজই আপনি খেয়ে দেয়ে নিজের বেরিয়ে যান। আপনার একটা বিশেষ সুবিধে হচ্ছে—

লাগে বলেই, ইচ্ছে হয় এমনি একটু একটু আদর কর, তাই মাঝে মাঝে একটু আদরের আবদার করি। যারে বড় ভালবাসি, ইচ্ছা হয় সে দিন রাত্তির আমায় বলে “তোমায় বড় ভালবাসি”।  
মানব চরিত্রের ধর্মই এই—

কি। তেল আনি—

ম। না—একটু কথা কও। তেল মূনের কথা আর যেন শুনতে পারি না, আর যেন ভাবতে পারি না। ( বিলম্বে ) না যাই বেকুই—  
দেখ, কত সরস প্রাণ আমার—হৃদয় হতে যায় বেলা—উম্মনে এখন আশুন পড়েনি—সারা সকাল ঘুরে একটা পয়সা সংগ্রহ করতে পারেনি না—ছেলে মানুষ তুমি, এত বেলা দাঁতে কুটো কাটনি, আমি এখন একটু প্রণয় করতে চাচ্ছি। আমার চাদর খানা দাও, আর একবার ঘুরে আসি।

কি। রান্না হয়ে গেছে—তুমি নাও।

ম। কোথেকে হল ?

কি। আমার কাছে বার আনা পয়সা ছেল।

ম। একটা করে টাকা মাসে মাসে তোমায় খাবারের দেব মনে করি—  
তা অই মনেই করি। যদি ছমাস বাদে একটা টাকা কখন হল, দিলুম—তাও তোমার এইতেই যায়। এমন অন্নপূর্ণা আমার সংসারে থাকতে, আমি কি হতভাগা, আমার সংসার অচল।  
কিশোরি ! ছুখে, ক্লেণে, ভাবনার, চিন্তায় আমার মাথার ঠিক নেই, নইলে তোমার ওপরও মাঝে মাঝে রেগে উঠি।  
হায় হায়, আমার কপালে তুমি আমার হাতে পড়েছিলে।  
চখের ওপর ওমুখ তোমার দিবানিদ্ৰি মলিন দেখা তার চেয়ে আর সাজা কি ?

৩০/১১/২০/১৯

কি কানা হয়েছে? হোক, জন্ম জন্ম হোক—তু' চক্ষের মাথা থাক—ভাতে হাত দিতে নরকে হাত দিক—আমি দেগি—তবে আমার মনের কালী ঘোচে ।

ম। কি পিসি পাগলের মত হাউ হাউ কচ্ছ? তোমার কোলের গোড়া থেকে খেয়ে গেল তুমি দেখলে না দোষ হল পাড়াপড়সীর? ছিঃ ছুধটা নষ্ট করলে—তার ওপর মিছিমিছি কতকগুলো চীৎকার ।

পি। তা ত বলবিই রে—তোতে কি আর পদাথ আছে—তোকে যে রাক্ষসে খেয়েছে । আমার যেন একটু ঘুমই এসেছিল—তোর ভাল যারা সে আবাগীরা ত জেগে ছেল—কেন, তারা দেখতে পেলেন না? দূর একচোকো—এই পাপেই তোর এত হচ্ছে—নইলে কি আর ভিটে মাটি চাটী হয় । বেশ ত আমাকে তাড়িয়ে দে না—দিয়ে চার হাতে থা না । আমি যেখানে গতির খাটাব সেইখানেই খেতে পাব—তোর পাঁচ কথার কি ধার ধারি রে ছোঁড়া? অই হারামজাদী রাখতে পারে না? অই রাক্ষুসী, ভালথাকী, কাল থেকে যেন রাখতে যায় । আমি আর পারব না—আমি বলে রাখছি । অই বাঁ্যাটাথাকী সর্কনাশী শুমুক, আমি আর পারব না । আমি রইছি তাই বুকে শেল বিঁধছে? আমি মুখুজ্জদের বাড়ী চল্লুম, তাদের পারে জড়িয়ে কেঁদে বলব, তারা পাঁচজনে একটা ব্যবস্থা করুক লঘুপাপে গুরুদণ্ড? বিনি তক্ষিরে আমাকে এই যাচ্ছে তাই বলা? আচ্ছা, ভগবান আছেন ।

( প্রস্থান )

ম। হা ভগবান ! ( কিশোরীর প্রতি ) কেন কাঁদচ, কতবার তোমার কাঁদতে বারণ করিছি—পাগলের কথায় রাগ কর কেন ভাই? ওকি সহজ মানুষ, সহজ মানুষে কি এই রকম কথা কয়?

বিরেম নেই। মুখে আগুণ, মাথা যেন দুধ-সুন্দুর। লজ্জা নেই, একুনিতে ভয় নেই, ক্রমাগত চুল পাকাচ্ছে, আর দাঁত পড়াচ্ছে—তাইতেই আরও সর্বনাশ হয়ে গেল। মাগ যেন পিতোমুই! মেয়ে মানুষকে গোড়ায় আঙ্কারা দোবার ফল, আমি যেমন হাড়ে হাড়ে পেলুম এমন আর কেউ পায়নি। একটু যদি প্রাণে ভয় থাকত তা হ'লে কি আমার মতের বিরুদ্ধে কাজ করতে পারত?

( সারদা ও উমেশের প্রবেশ )

- সা। এই যে শত্ৰুচাঁদ! ঘর আলো করে রয়েছে—মাইরি! কি চেহারার চটক ভাই। এমন মিস কালো চুল আমি কম দেখিছি।  
উঃ আমার যদি এমন চেহারা হত, ফাটিয়ে দিতুম বাবা।
- শ। ( সন্তোষে ) সারু সারু—তোরাই কি কম রূপ রে—আমার বোধ হয় আমার চেয়েও তোরা চেহারার চং বেশী—কি বল উমেশ খুড়ো—
- উ। পাগল নাকি—তবে সারদাও কিছু কুচ্ছিত নয়। আর আমি বলি ও রূপ ফুপ্ বাজে কথা, সব বয়সে করে, শত্ৰুর বয়সে আমাদেরও শ্রী ছেল।
- শ। আহা হা! যাও উমেশ খুড়ো তুমি বাবা বড় হুঁই। একেবারে আমি যেন কচি খোকা, আর তুমি যেন আশী বছরের বুড়ো। আমার চেয়ে তুমি কত বড় হবে গা, জিজ্ঞেস করি। বাস্তবিক আমি দিকি করে বলতে পারি, তোমাদের দুজনকে আমি কি চক্ষে দেখি তা বলতে পারি না। সারু! কর্তার কাছে গিছলুম, কি কতকগুলো কাগজ পত্র নে তিনি আজ ব্যস্ত রয়েছেন, বলে এলুম পরশু সকালে আবার আমি আসব, কতকগুলো কথা আছে। মণের আসতে এখনও তো পাঁচ ছ দিন।

শ। সারদা ! আমাকে একজন সাধারণ ইতর ব্যক্তি ভেবো না. আমি একজন প্রাচীন—

ব্র। রাগের মাথায় সর্বনাশ কোরা না, সত্যি কথা বলে ফেলো না—

শ। আমি একজন প্রাচীন লোকের কাছ থেকে শুনিছি—

ব্র। যে আমি পঁচানব্বুয়ে পড়িছি, এবং বেজা আমার প্রিয়তম নাতি—  
আর ?

শ। আমার যেতে দাঁও, যতদিন এ বাড়িতে ও আসবে ততদিন এ বাড়ীতে আমি পদার্পণ করব না ।

স। ছি শম্ভু ! রাগ কোরো না, তুমি কি আজ নতুন হলে ? বেজাটা চিরকৈলে বন্ধ পাগল, তার কথা শুনে—

শ। রাগে আমার গা কাঁপচে—

ব্র। রাগে না দাদা, রোগে—বয়সে—রক্তের জোর কমাতে কাঁপচে ।  
চুলের কলপ বাড়চে বলে রক্ত ত আর বাড়চে না । আহা হা,  
শ্রীহরি, শ্রীহরি, শ্রীহরি, হরিবোল !!

শ। ( উন্মত্তভাবে ) দূর শালার বেটা শালা ! পাজি ছুঁচো !

ব্র। বল হরি হরিবোল—

শ। তোরা বাবার মাথায় মারি জুতো রে শালা, হারামজাদ ! ( বেগে  
প্রস্থান করিতে করিতে ) আর না শালা. আর না দেখি, দেখি  
তোরা কত বড় হ্যামাত ?

( শম্ভুর প্রস্থান )

স। কেন বুড়োকে চটাস বেজা ? আজ বড় বাড়াবাড়ি  
কল্লি । তুই জানিস না, ও বুড়ো পাগল আমার অনেক  
কাজে লাগে ।

ব্র। তোমরা জান না । আমি বাড়াবাড়ী করিনি, বাড়াবাড়ী

জ। বাবা! এক গাছা বেত নিএস—নিএসে আমার ঘা কতক তার বাড়ী দাও—দিয়ে ছুটো কাণ মল—শেষে আমার বাপান্ত করে চলে যাও।

তি। মহাভারত—মহাভারত!! কার সঙ্গে কি কথা কন? আমি আপনার চাকর—

জ। আমি ত তাই ভাবতুম গো—কিন্তু কথাবাত্তা কইছ যেন আমার শ্বশুর কি জাসশ্বশুর যে বাবা। দিতে হবে, দেওয়া চাই, একি চাওয়া না ছকুম করা?

তি। আজে বাবার ব্যাম, নইলে ছুটি চাইতুম না। এটুকু অনুগ্রহ আপনাকে কত্তেই হবে।

জ। অমনি ভেঁা করে একটা ‘অনুগ্রহ’ চুকিয়ে ফেলে, বলিহারি। তোমার বয়স হল ৬৫, তোমার বাবা—তার আবার ব্যাম কি বাবা—সে ত মরেই রয়েছে। আগে তোমার মত গুণধর ছেলেকে নিয়ে ভুগেছে, এখন বয়সে ভুগছে, কবেই বা সে সুখে ছেল বল? তার ত মলেই ভাল।

তি। না মশায়, সকাল বেলা আর অনর্থক কতকগুলো গালাগাল দেবেন না। যাই, আমি খাতাটা সারি গে—

জ। না না, বোঝাও না। যে দিন থেকে তুমি ভূমিষ্টি হয়েছ, সে দিন থেকেই ত সে মরণ প্রার্থনা কচ্ছে। তা এত দিন যা হোক কুঁতিয়ে কাঁতিয়ে লেগে পড়ে থেকে বেচারী মরণটিকে হাত করবার যোগাড় করেছে, একটু সুখে মরুকই না কেন। কেন আর এ সমস্তটা তুমি গিয়ে তাকে হাড়ে নাড়ে জালাবে বাবা?

তি। বেশ মশায়! আপনার যুক্তিকে ধন্যি। টাকা ৫০০, অই মেজের ওপর রইল, ভুলে ফেলে রেখে যাবেন না। (তিনকড়ির প্রস্থান)

জ। ( মণির প্রতি ) তা ও জোকা জুব্বিগুলো খুলে ফেল হে।  
( তিনকড়ির প্রতি ) তোমার স্বপ্নের মশায়কে একটু তামাক  
খাওয়াও।

তি। আনি।

( তিনকড়ির প্রস্থান )

ম। তোমার সঙ্গে একটু বিশেষ দরকার আছে ভাই—

জ। তা কি বুঝিনি? মহা ইতর লোক তুমি, বিনি দরকারে কি  
তুমি পথ চল? আবার বলা হয় প্রতাপাদিত্যের বংশ—মুখে  
আঙুল!

ম। তা বলতে পার বটে—অনেক দিন তোমার এখানে আসি নি।  
দেখ সত্যি—সময় পাই না।

জ। আগে ত ২৪ ঘণ্টা এখানে পড়ে থাকবার সময় পেতে। কদিনের  
ভেতর একেবারে কি কেঁটদাস পাল হয়ে পড়লে, যে সময়  
হয় না?

ম। দেখ, তখন আর এখানে ঢের তফাত। তখনকার তখন আর  
এখনকার এখানে স্বর্গ মর্ত্য তফাত। ভাব দেখি যখন ইস্কুলে  
পড়তুম, সে কি দিন গিয়েছে। ভাবনা, চিন্তা, তখন কোন দেশে  
থাকত জানতুম কি? না, হাসা, খেলা করা, ফুল তোলা, ভাল-  
বাসা, এ সব ছাড়া ছনিয়াতে আর কিছু কখন কত্রে হবে, ভেবে-  
ছিলুম? তখন রেতে ঘুমুতে হত বলে কাতর হতুম; আনন্দ  
সমষ্টির কতকটা ভগ্নাংশ অজ্ঞান অবস্থায় কাটবে কেন? প্রভাতে,  
প্রভাত বায়ুর স্পর্শে, পাখীদের সঙ্গে একত্রে জেগে উঠতুম, নবীন  
প্রাণে অপরিমিত সন্তোষের চক্ষে পৃথিবীর পানে চাইতুম, করুণাময়ী  
প্রকৃতির স্নেহের যেন পরিমাণ কত্রে না পেরে প্রাণের আবেগে

ঠাঁর কোলে ছুটোছুটি করে বেড়াবুম । এখন রজনীতে শান্তির  
আশা কার, নিদ্রার সংসার সমর-ক্লাস্তির কণিক বিরাম সম্ভব, কল্পনা  
করি । তখনকার জীবন এখনকার স্বপ্ন, এখনকার জীবন ছিল  
তখনকার স্বপ্নাতীত ।

( তিনকড়ির তামাক লইয়া প্রবেশ )

জ । তিনকড়ে ! সেই আগেকার মত ধরেছিল বাবা—যেই তুই  
বেকলি, আমি সেই “পাখী সব করে রব” শুরু করে । আমি  
মনে মনে ভগবানকে ডাকাঁছিলুম, আর তুই কতক্ৰমে আসিস  
ভাবাঁছিলুম । ( মণির প্রতি ) তা এখনও কবিতা টকিতে লেখা  
চলছে ?

ম । ( তামাক খাইতে খাইতে ) তুমি পাগল, প্রাণে কি আর কবিতা  
আছে, না কোমলতা আছে দাদা ? প্রাণ এখন ঝামা হয়ে গেছে,  
রোদ জল খেয়ে ঝামা হয়ে দাঁড়িয়েছে, as hard as steel, আর  
তাতে দাগ বসে না । তখনকার প্রাণ কি আর আছে—সে মরে  
গিয়েছে ।

জ । তা এখনকার প্রাণ কি তার ভূত হ’য়ে রয়েছে ?

ম । কথাটা নেহাৎ মন্দ বলনি—প্রাণ তাই ।

জ । সে আজ প্রায় ছ’সাত বছরের কথা হল । একদিন ছপুর বেলা  
কি কাজে ওদের উদিকে গিয়েছিলুম । বোধে কি জট্টিমা, বুঝনি  
তিনকড়ে ! বিস্তর ঘুরিছি, ফিরে আসবার সময় মনে কল্পম এদিকে  
এসেছি ত একবার মণির সঙ্গে দেখা করে যাই । ওর বড়ীতে  
যেতে ও ত মহাখুসী । বলে, তুমি এয়েছ তোমাকে আর কি দিয়ে  
সস্তোর করব, তা আমি এইমাত্র একটা কবিতা লিখিছি সেইটে  
তোমার পড়ে শোনাই এস । আমার একে ত ঘাম হচ্ছিল, ঐ শুনে



জ। তোমার সে দিন সেই বামুনটি এসেছিলেন, তার ঠেন তোমাদের ত সব গুনলুম ; মাতামোর দোরে ত তোমার ঢোকবার জো নাই—  
বে করে সে পথ খুঁয়েছ ।

ম। ৬৭ বছর যাইনি । একবার আজকালের ভেতর সেখানে বেড়িয়ে  
আসব ভাবছি ।

জ। অন্তদার মেয়েটা কেমন—তোমার wife ? সে যখন খুব ছেলে  
মানুষ তখন একবার আমাদের বাড়ীতে এসেছিল, তা আমার মনে  
পড়ে না ।

ম। সে এক অদ্ভুত জীব—as unimpressionable as a statue ।  
কথা কারও সঙ্গে কখন কখন না । তুমি হাজার কথা কও জবাবটা  
এক ঘাড় নেড়ে সারবার চেষ্টা করবে, নেহাত তাতে না হয় ত 'হাঁ'  
কি 'না' । পৃথিবীতে প্রলয় হোক তার কিছু এসে যায় না । তবে  
অভিমানটুকু আছে আঠার আনা । একটা কড়া কথা বললেই চক্ষের  
জলের Pacific Ocean—সুতরাং unimpressionable একে-  
বারে বলি কি করে । কখনও কখনও বড় বিরক্ত বোধ হয় ; আবার  
কখনও ভাবি তার উপর মিছে বিরক্ত হওয়া । আর হয় কি জান,  
wife হলেও একটু demonstrative হওয়া চাই, অত icy cool  
নে ঘর চলে না, তবে as artless as a child । আর পিসী  
ঠাকরণের hotness এর দরুণ এর coolness তত feel করতে  
হয় না, সেই যা বল । মার জন্যে আমার বাড়ীতে কাক চিল  
বসবার জো নেই, ২৪ ঘণ্টা কিচ-কিচ-কিচ । যত রাগ আমার  
পরিবারের ওপর, অথচ সে কথাটাও কখন না, কথা কইতে সে ত  
জানেই না ।

জ। তা হলে তোমার পিসি তার ওপর অতটা চটা কেন ? তোমার

দিনরাত্তির আমায় সে কথাটা মনে করে দিতে আস, যাতে দিন-রাত্তির আমি তোমাদের ঐ ধ্যানেই থাকি । সেই টাকা কটার জন্তে আমি আদালতে গিয়ে তোমার নামে নালিশ করব ভেবে তুমি আজ আমার হাত ধরতে এসেছ—নীচ-প্রকৃতি তুমি নয় আমি ? দিক তোমায় ! সংসারে চুকে অনেকে নষ্ট হয়, কিন্তু এত শীঘ্র তোমার মত নষ্ট হতে কাকেও দেখিনি । তুমি আমাদের ক্লাসে আদর্শ ছেলে ছিলে—তোমার মন, তোমার প্রাণ, তোমার চালচলন, আমরা অনুকরণ করতে পাল্লে আপনাদের ধন্য ভাবতুম—একি সেই তুমি ? দিক তোমায় ! ! আর কি বলব । অর্থে লোকের প্রাণকে সঙ্কুচিত করে জানি, কিন্তু আজ জানচি অর্থের অনাটন লোককে একেবারে অপদার্থ করে, তার উজ্জল প্রমাণ তুমি ।

ম ! ভগদীশ । আমায় মাপ কর—আমায় ক্ষমা কর । আমি তোমাকে জেনেও তোমায় সন্দেহ করেছিলুম । কিছু মনে কোরো না—হীনাবস্থায় আমি হীন-প্রকৃতি হয়েছি বটে ।

জ । কই এতদিন যে ছেলেটা ভুগছে তার দরুণ ত একদিন লোক পাঠাওনি ? একদিন ত আমায় ডেকে পরামর্শ করবার দরকার ভাবনি ? যে তুমি আমার বাড়ীতে বই থাকতে না, আমার সঙ্গে বই বেড়াতে না, যে দিন থেকে টাকা কটা নিয়েছ আর তোমার চুলের টিকি দেখবার জো নেই । ছিঃ ! শেষ নালিশের ভয়ে আমার হাতে ধরতে এসেছ—তাও লোক পাঠিয়ে সারবার চেষ্টায় ছেলে, যখন তাতে হল না, তখন নিজের মনি ! দিক তোমায় ! তোমার কাছে থেকে আমি যদি টাকা নিই, তা হলে আমার টাকা ধার করেছি ভাবতে হবে । যখন টাকা নিয়ে

## দ্বিতীয় অঙ্ক ।

—:~:—

প্রথম দৃশ্য ।

তারক বাবুর শয়ন গৃহ ।

তারক বাবু, সারদা, নব ।

তা । আমরা যা ভেবেছিলুম তা নয়—কবিরাজ বলেন এ ব্যাধির অপেক্ষা  
হৃদিকিংশ্র ব্যাধি আর নাই । এর উৎপত্তি অন্তঃকরণে—ঐ যে  
বেদনা ধরা, ঐ সর্বনাশেরমূল, ঐ বেদনাতেই আমার মৃত্যু হবে ।  
আরোগ্য এ যাত্রা আমার অদৃষ্টে নাই, তা আমি পূর্বেই অনুমান  
করেছিলাম । তবে তিনি একটা ঔষধ দিয়ে গেলেন, বেদনা ধরবা  
মাত্র ঐ ঔষধ এক কাচা পরিমাণে সেবনীয় । যেই বেদনা ধরবে  
তৎক্ষণাৎ ঐ ঔষধ প্রয়োগ করা চাই, অন্যথা তৎক্ষণাৎ মৃত্যু  
সম্ভব । নবই আমার কাছে ২৪ ঘণ্টা থাকে, ওকে ত বলে  
রেখেইছি, আর তুমিও কচিৎ কখন আমার নিকটে থাক, তাই  
তোমাকেও বলে রাখলাম । ঐ স্নুথের দেয়ালটা খুলে, ওর  
ওপর তাকে ঔষধের বোতল আছে, বার কর দেখি ।

সা । ( ঔষধের বোতল লইয়া ) এই ত ?

তা । হাঁ, বেদনা ধরলে আমার বাকরোধ হয় জান ? ধর এই তোমাতে  
আমাতে কথা কইতে কইতে আমার বেদনা ধরল, আর আমি  
মুখ ফুটে কিছুই বলতে পারব না । তোমার অবিলম্বে ঐ ঔষধ

ছিল—আমার সমস্ত সত্বাই ছিল আমার অভিমান, অহঙ্কার—  
আমি নির্ভীক হৃদয়ে সংসারে প্রবেশ করেছিলাম, জানতেম  
হীনতা আশ্রিতে অসাধ্য, অসম্ভব, আমি নির্জীবন হবার পূর্বে  
নিরহঙ্কার হতে পার্ক না। কি দুর্দম শত্রু সংসার! স্ত্রী পুত্র কি  
বিষম শত্রু! সে সব আমার কোথায় গেল? জলের তোড়ে  
কুটোর মত সে সব আমার কোথায় গেল? আমি কি হয়ে গেলুম?  
নীচতার ক্রম্পেপ করি না, হীনতা গণনা করি না, স্বার্থের দাস—  
অধোগমনে আমি অপেক্ষা সাহসী বীর কজন আছে? অর্থের  
জন্তু তোমার বুকো ছুরি মাতে পারি, তুমি তা জান? অর্থের  
জন্তু, শৃগাল কুকুরের মত যে দূর করে দিয়েছে, তার কাছে  
আত্মীয়তা কত্বে বাচ্ছি। যদি কিছু ভিক্ষা পাই—পদাঘাতে  
কুণ্ঠিত নই, যদি ভিক্ষা পাই। হা অর্থ!! হা সংসার!!

ক। ভেবো না বাবা ভেবো না! মা সূদিন দিলে আবার তোমার  
দোরে হাতি বাঁধা হবে, তুমি দেখো। যখন যেমন তখন তেমন  
কত্বে হয়।

ম। যেতে দাও, আমার সব কথা তুমি ধোরো না। পাইতাড়ার  
বিষয় বিক্রীর কি হল? কাল চিঠি পাবার কথা গেছে না?

ক। পেয়েছি। বড় জোড় পনের দিন। সব ঠিক হয়েছে, হতে  
কত্বে আর ১৫টা দিন। তা আর ছাড়াবে না। তার ভেতরই  
তুমি টাকা পাবে।

ম। টাকা পেলেই আগে জগদীশের টাকা শোধ করা চাই। বড় উচু  
লোক, বড় ছাতি। ৫০০ টাকা খত খানা টুকরো টুকরো  
করে আমার স্মুখে ছিঁড়ে ফেলে। আবার ৫০০ টাকা দিতে  
চার।

ম। স্নানের পর তোমায় বড় সুন্দর দেখায়। প্রভাতের শিশির-সিক্ত পদ্মফুলের মত দলে দলে তুমি যেন বিকশিত হয়ে ওঠ। একবার আমার কাছে এস না ভাই! তোমার মুখখানি ভাল করে দেখি। (কিশোরীর নিকটস্থ হইয়া) আমি গরীব? তুমি আমার—আমি গরীব? সাত রাজার ধন আমার ঘরে, আমি তার অধিপতি, আমি গরীব? এতটা খাঁটী সোনা আর কার ঘর আলো করে আছে? বার কেউ নেই তার ভগবান আছেন—আমারও তেমনি কিছু নেই—ধন নেই, মান নেই, সুখ নেই, শান্তি নেই, কেবল তুমি আছ—সব না থাকার ক্ষতি পূরিয়েও তুমি আমার অটল হয়ে আছ। দুঃখে শোকে শান্তি, আক্ষেপে আত্মীয়, খেদে বিশ্বাসিত, অভিমানে অশ্রুজল, বিপদে বন্ধু, অনাটনে লক্ষ্মী, সুখে সন্তোষ, একাই তুমি আমার অগণ্য। এ পাকের অন্ধকার সংসারে সহস্র দল বিস্তার করে আলো করে আছ তুমি, কি পুণ্যে আমার?

কি। আজকেই যাবে কি?

ম। যাব, যেতেই হবে।

কি। কাল আসবে?

ম। কাল হবে না, পরণ্ড সন্ধ্যা নাগাত যদি পারি।

কি। প-র-ণ্ড?

ম। তোমায় ছেড়ে যেতে মন চায় না—কখন তোমায় রেখে কোথাও যাইনি, কি করি—

কি। কাল এস।

ম। চেষ্টা করব—কাল আসা কিছু সম্ভব নয়। সাবধানে খেকো—পিসী যদি ঝগড়া ঝাটা করে, আমার মাথা খাও কেঁদো কেটো

ম। পিসী ও ছেলেমানুষ, আহাম্মক, ওর ওপরেও তুমি রাগ কর ?

আমি তো তোমার সেই আছি।

পি। তুমি কি আমার সেই আছি বাছা ? তা হলে আর ভাবনা কি বল। তোকে যে রাখসে খেয়েছে রে ! নইলে ঐ আবাগীর ভেড়া হয়ে থাকিস ? অমন পরিবার আমার হলে ওকে আসবটা দে কেটে আমি টুকরো টুকরো করতুম। তবে আমার মনের ঝাল মিটত। মনের কালি ঘুচত। হারামজাদীর এত অহঙ্কার, এত তেজ ? পড়ত আজকালের দজ্জাল শাপুড়ী-দের হাতে, তবে যেমন কুকুর তেমনি মুগুর হত। আজ কাল কি ভালমানুষের কাল ? এই যে পাড়ার সব এক মুখে বলে, যে পিসী তোমার ধনি সাজ্জ ! তাই অই ছোট-লোকের মেয়েকে নিয়ে তুমি খর কর।

ম। তা বটে, তোমাকে এ কথা বলতে যাওয়াই আমার অস্থায় হয়েছে। পিসি, তোমার কাজ থাকে ত যাও, আমি একবার বেরোব।

কি। তাই ত বটে রে ! আমি তোর কে যে আমাকে বলনি ? তোর পিসি বই ত নয়, পিসশাপুরী ত নয়। আমাকে সংসারের কথা বল্বি কেন ? দূর কালামুখো বেহায়া !! লজ্জা, ঘেন্না, কি তোকে একেবারে ছেড়ে গেছে ? যাকে বলবার নয়, তাকে তাই বলিস ? তোর হল কিরে মনে। বল্ বল্ আমাকে দাঁতের কস ভেঙ্গে ছই ছাবা দেবীতে যাচ্ছেতাই বল্। হত একেলে পিসি তা হলে ধুধুড়ি নেড়ে দিত। ভালমানুষ সেকলে বড়ী পেয়েছিস, মুখে রা'টা নেই, তাই আমাকে এই হ্যানস্থা ? ভগবান আছে, এর বিচার হবে।

তা। (স্বগত) লোকটা খেপেছে। (প্রকাশ্যে) আর কি ?

স। আপনার মে অমুখটা এখন কেমন আছে ? আমি উঠি তবে। সকাল সকাল নাইতে হবে, আজ একটু ডুবসাঁতার কাটন ভাবছি।

তা। বটে ? বেশ। শম্ভু বাবুর সাঁতার দেওয়া বেশ আছে ?

স। তা জানেন না বুঝি, একদিন আপনাকে দেখাব। চিতসাঁতার দে এমন মড়া ভাসতে পারি, হুবহু !! দেখলে আপনি অবাক হয়ে যাবেন !

নব। (স্বগত) দূর বুড়ো বাঁদর !!

তা। বাঃ ! তা শুনিছি, আমাদের সারদা বাবুর সঙ্গে শম্ভু বাবুর বড় বন্ধুত্ব।

স। (মানন্দে) হাঁ-আ-আ। এঁট একটু বিকেলে তাস টাস খেলা যায়, গান টান গাওয়া—না ও কথা নয়, এঁট আর কি। আবার সন্ধ্যার আগেই আমি বাড়ী চলে যাই। সন্ধ্যার পর আমায় বাড়ীর বাইরে কেউ রাখতে পারবে না, সে যে বতট ককক।

তা। উত্তম। তা তুমি সারদা বাবুকে বলো শম্ভুবাবু,—যে ছোকরা বড় হলেই বুড়ায় দাঁড়ায়। বুড়োরা যে ভুঁইভোড়, তা নয়। আমিও এক সময় ছোকরা ছিলাম, বরাবরই এমন বুড়ো নয়। আজকালকার ছোকরা বাবুরা বুড়োদের যত আহাম্মক ঠাওরান, বুড়োদের ঠকান যত সহজ ভাবেন, বস্তুতঃ ততটা নয়। তুমি বোলো সারদা বাবুকে, আনার পিঠে তিনটে চোক। তিনি যা লুকিয়ে চালাচ্ছেন ভাবচেন, তা লুকিয়ে চল্চে না ; আমি অক্ষরে অক্ষরে তা জানতে পাচ্ছি ! যত শক্ত, যত বড় গাছই হোক, যদি ফলের আশা না থাকে, পোকা ধরা সার হয়, ত আমি মিছিগিছি

বাড়ী আওলা করে রাখব না। আমার এখনও হাতে জোর আছে, আমি এখনও কুড়ুল ধরতে পারি। বোলো, একটা গাছ বে কুড়ুলে কেটেছি—সে গাছটায়ও পোকা ধরেছিল—যদি পোকা ধরে, আর একটা গাছও সেই কুড়ুলের ঘরে ভূমিশায়ী কত্তে কুণ্ঠিত হব না। একই ত গাছ সেটাও যা এটাও তা, ফলের আশা থাকে ত বড়ের বটে, নইলে আগাছা বই ত নয়। বুঝেছ শঙ্কুবাবু! তুমি বোলো। হরিবোল—হরিবোল—হরিবোল—তুমি বোলো সারদা বাবুকে।

স। (ব্রহ্মভাবে উঠিয়া) ছিঃ মশায়! আপনি ও বেঙ্গা ব্যাটাচ্ছেলের মতন—না—তা নয়, তা বলব—এখন চল্লুগ। (প্রস্থানোত্তম)

তা। আঃ, বোস ভাই! বোস বোস। এখনও বেলা হয়নি, তোমার সঁতার দেওয়া আটকাবে না। আমার হরিনামের মালা আন। হরি হে—

শ। না মহাশয়! আমাকে আর বস্তুতে বলবেন না, আমি বুঝিছি, আমি বোকা আর আপনারা সকলেই সেয়ানা, না?

ন। হরিনামের মালা আনব?

শ। হাঁ রে ব্যাটাচ্ছেলে আনবি, তা আবার চ্যাচাচ্চিস কি কাণের গোড়ায়? ব্যাটা পাজি—

ন। কি মশায় তুমি মিছিমিছি গাল দাও আমায়? তোমার নিজের চাকর থাকে ত তাকে গাল দাওগে, আমি তোমার কি ধার ধারি? হরিনামের মালা?

শ। তোর বাবাকে গাল দেব ব্যাটা! চাকরগুলোকে আপনি মাথায় তুলেছেন আঙ্কারা দিয়ে দিয়ে। ও আমার চাকর হলে আমি ওকে জুতিয়ে সোজা কত্তুম।



- তা। ছি ছি শঙ্কুবাবু! কি এ? ও কি করেছে তোমার? কেন ও বেচারাকে গাল দাও—ও ত তোমার কোন কুখাই বলেনি। আমাকেই জিজ্ঞেস কচ্ছে যে হরিণামের গালা অনাবে?
- ন। উনি যত বড়ো হচ্ছে তত সং হচ্ছে, বাবু! কেবল ছোকরা বাবুদের সঙ্গে বেড়াবে, আর এত বড় পাপী যে গুর স্মুখে কারও হরি বলবার যো নেই, হিরণ্যকশ্যপ মশায়! হরি বলেছে ত রেগে লাল—
- শ। দেখ দেখ, ব্যাটার কথা শোন—
- ন। না বলবে না? আমি বেশ করব বল্ব—হরিবোল, হরিবোল, হরিবোল—
- শ। (লাফাইয়া) তবে রে গুথেকোর ব্যাটা!
- তা। (শঙ্কুকে বসাইয়া) বোস, বোস, শঙ্কুবাবু বোস। আমার কথা শোন, রেগো না।
- শ। (কম্পিতাবস্থায়) আমি রাগিনি। যে দিন থেকে সারু আমার ঐ কথা শুনে রাগ করতে গানা করেছে, আর আমি রাগ করি না। তারক বাবু! আপনি ঠাণ্ডা হয়ে আমার কথা শুনুন—বেশ করে স্থির হয়ে আমার কথা শুনুন—
- ন। না রাগেমি—রেগে থর থর করে কেঁপে মচ্ছেন, আবার বলছে রাগিনি—দেখুন হারামছাদ, ব্যাটার কথাগুলো শুনুন। আপনাকে প্রমাণ করতে হবে যে আমি রেগিছি, নইলে আমি ছাড়ব না, গুর মুণ্ডু লাথিয়ে চুরমার করব। ও বল্লোও হবে না, আমি বল্লোও হবে না। আচ্ছা দশজন ভদ্র লোককে জিজ্ঞেস করুন,—তারা যদি প্রমাণ করতে পারে যে আমি রেগেছি, তা হলে গৌ ভরে আমি বাড়ী চলে যাব! আর নইলে ওকে আগ মারব, মারব, মারব। মেরে ফাঁসি যাব। আচ্ছা,

জান বলেই জিজ্ঞেস করছি । আচ্ছা, আজ তিথিটে কি বল দেখি ?

আজ কখন থেকে পূর্ণিমে পড়বে মা ?

মো । কাল কি তিথি গেছে বল দেখি ?

বী । ( চিন্তার পর ) কাল বুঝি একাদশী গেছে, না মা ?

মো । তবে কাল রাত্তির থেকেই পূর্ণিমে পড়েছে ।

বী । তবে তাকে কি বলব, নে, যাবে ? আহা একটা মেয়ে—আবার কি ভালমন্দ হবে—বল না ? নে যাবে কি বল ?

মো । নে যাক না ।

বী । না, নেযাবে না ?

মো । নাই নে গেল ?

বী । তোমায় দণ্ডবৎ । সাবাস্ মেয়ে তুমি ! আমার যেমন মরণ, তোমায় এইছি জিগেস কর্তে—আর ত লোক পেলুম না । এতক্ষণ আমার বাসন মাঝা হয়ে যেত—যাই ।

( বাইতে বাহতে ফিরিয়া ) ।

তোমার পায়ে পড়ি মা বল না—আহা সেজো বউ আমার পথ চেয়ে রয়েছে । আচ্ছা, এখন কি বারবেলা ?

মো । না ।

বী । তবে বারবেলা পড়বে কখন ?

মো । শেষ রাত্রে ।

বী । ( মোক্ষদাকে প্রণাম করিয়া ) তোমায় নমস্কার মা !

( প্রস্থান )

( কালীর প্রবেশ )

কা । হিঁ হিঁ হিঁ দিদিবাবু । মা বেরিয়ে গেল, না ?

মো । নয় ত এমন আর কে ? কালি, একটা গান গা' ত-

কতু ভাবি—ভাবনার

প্রিয় আমি—সে আমার—

এ জীবনে সেই সার,

( আমার ) সেই শুধু অনুগত !

ন। বাঃ চমৎকার ! এমন মধুর গান ত শুনিনি। গানটি কি সুরের,  
কি কথার, কবিত্তে যেন মাথামাথি।

মা। না ? তবে তুমি পা হাত ধোও—আমি বাইরে যাই।

ন। আমি বাইরেই পা হাত ধোব—চল একত্বরেই যাওয়া যাক। আমি  
ভাবছিলাম মোক্ষদাকে কি মোক্ষদা বলব, না বউদিদি বলব ?  
বউদিদি বলাই ভাল, কি বল বউদিদি ? চল।

( সারদা ও মণির প্রস্থান )

ন। ( হস্তস্থিত পুস্তক দূরে নিক্ষেপ করণাস্তর গৃহাভ্যন্তরে প্রস্থান ও  
দ্বার রুদ্ধ করণ )।

কা। হিঁ হিঁ হিঁ দিদিবাবু ! রাগ কলে ? আর একটা গাইব ?

দিদিবাবু ! দিদিবাবু ! দোর খুলবে না ? হিঁ হিঁ হিঁ, আমি  
পেছনদিকের দোর দে গিয়ে ডাকচি, দাঁড়াও। ( প্রস্থান )

পঞ্চম দৃশ্য ।

তারকবাবুর কক্ষ ।

তারকবাবু ও নব ।

তা। কখন এল ?

ন। ঘণ্টা দু'এক হল এসেছেন।

তা। সেহে আছে।

ন। তার সঙ্গেই কথাবাত্তা কচেন।

তা। আমার কাছে আজ আসবে নাকি ?

ন। এখন আসবেন, আমায় বল্লেন।

তা। এলে, বলিস আমার বড় অসুখ, আমার সঙ্গে দেখা হবে না।

ন। আমি যে এই মাত্র বলে এলুম, আপনি ভাল আছ।

তা। আমায় না জিগ্যেস করে, কেন বলতে গেলি ?

ন। তা কি জানি—বাবু আমায় জিজ্ঞাস কলে আপনি কেমন আছ,  
আমি বল্লুম ভাল আছ।

তা। এলে বলবি বাবুর এখন অসুখ করেছে।

ন। আজ্ঞে।

তা। খবদার আমায় ডাকাডাকি করে কেউ না ব্যাজার করে।

ন। আজ্ঞে।

( ভারক বাবুর প্রস্থান )

ন। কদিনের পর ছোট বাবু এল, তা একবার দেখা কলে না গো ! বড়  
বাবুগোকদের রকমই আলাদা।

( সারদা ও মণীন্দ্রের প্রবেশ )

সা। দাদা ভেতরে নবা ?

ন। বাবু অসুখ করেছে।

সা। এই না তোমার সঙ্গে কথা কচ্ছিলেন ? আমরা আসবার সময়  
যেন তাঁর আওয়াজ পাচ্ছিলুম না, দাদা ?

সা। মণি এসেছে বালছিস ?

সা। বাবু তা শুনেছে।

সা। ( মণির প্রতি ) তা' চল ঘরের ভেতরই যাই।

পাব না ; আর খরচেও তা হলে কুলুবে না । হাঁটা বই উপায়  
মেই । সারা রাত্রিরটা আবার ট্রেনে প্ল্যাটফর্মে পড়ে কাটাতে হবে ।  
কাল ৭টার আগে গাড়ীও নেই । বেশ বেশ !! জয় ভগবান !!  
( প্রকাশ্যে সারদার প্রতি ) তা আর কি হবে, চল যাওয়া যাক ।

সা । চল, কাপড় চোপড় ছেড়ে খাওয়া দাওয়া কর—কাল তখন দাদার  
সঙ্গে দেখা কোরো ।

ম । সে সব ব্যবস্থা বাইরে গে করা যাক না, এখানে দাঁড়িয়ে আর  
ফল কি ?

সা । ( স্বগত ) বাবা ! কেমন কল টাঁপছি ! হুঁ হুঁ ; এ বড় সোজা  
ছেলে নয় । দেখাটি পর্যন্ত কল্লে না—কালও দেখার নামে অষ্টরস্তা—  
দেখা করবার হলে আজই কত । হুররে ! এ জন্মে আর মুখটা  
পর্যন্ত দেখবে না । কি মজা ! ( প্রকাশ্যে ) চল, বাইরেই যাওয়া  
যাক ।

( সকলের প্রস্থান )

ষষ্ঠ দৃশ্য ।

মোক্ষদার কক্ষ ।

মোক্ষদা ও বীর প্রবেশ ।

মো । বলিস কি ?

বী । বেরুচ্ছিলেন, এমন সময় আমি গে তোমার কথা বলুম যে, মা জল  
খেতে আপনাকে বাড়ীর ভেতরে ডাকচেন ।

মো। এই ত এল—এর মধ্যে চলে যাচ্ছে ? তার পর কি বল্লে ?

কী। জলখাবার কথা শুনে ত হাসতে লাগলেন । তোমার নাম করে বল্লেন, তাঁকে বোলো কি' আর একদিন এসে পাব । তা আশিত কিছুতেই সে কথা শুনলুম না—শেষে বল্লুম, বেশ খাওয়া দাওয়া করুন, একবার বাড়ীর ভেতর এসে দেখা করে যান, বিশেষ একটা কথা আছে । জানি একবার এলে তুমি না খাইয়ে ছাড়বে না ।

মো। আসবে ?

কী। আসবেন—এলেন বলে । বলেন, আমায় শিগির যেতে হবে—আবার বাড়ীর ভেতর যাব, দেৱী হয়ে যাবে—আচ্ছা চল । তাই আমি চলে আস্চি । অট নে পায়ের শব্দ হচ্ছে—আমি ও ঘরে খাবার উজ্জুগ করিগে ।

( কীর প্রস্থান )

( মণীন্দ্রের প্রবেশ )

ম। মোক্ষদা ! আমায় ডাকলে ?

মো। তুমি এখনি যাচ্ছ ?

ম। হুঁ—বিশেষ দরকার । ছেলেটার সেখানে বড় অসুখ দেখে এইচি—

মো। তা বলে এই এতটা পথ এলে, মুখে জল দেওয়া নেই—

ম। তা হোক, এত আর কুটুম্ব বাড়ী নয় । এইবার এসে খাব ।

মো। আসছ ত রোজ—আজ কদিন বাদে আমাদের দেশ মাড়িয়েছ, জান কি ?

ম। তিন চার বছর আসা নেই বটে—

মো। তিন চার বছর ? আজ সাত বৎসর, চার মাস—প্রায় আট বৎসর—

ম। তবে আর দেৱী করব না, এগন যাই ।

ম। কখন না কখন দেখা হবে ।

মো। কবে যে হবে—

ম। মোক্ষদা! আমি তাই ।

মো। না। না খেয়ে গেলে আমি বড় হুঃখিত হব। এতদিন বাদে এলে—নিজের ঘর, একটা দিন কি আমাদের ভেতর থাকতে ইচ্ছে কচ্ছে না? কলকাতায় ত রোজই আছি, আমরা ত আর সেখান থেকে অন্য দিন ডাক্তারত যাই না। ও ঘরে খাবার জায়গা হয়েছে, চল ।

ম। মোক্ষদা! এ বাড়ীতে আমি জল খাব না। নিজের বাড়ীতে কুকুর বেড়ালটা এলেও লোকে তাকে তাড়ায় না, আমি এত দূর থেকে এতদূর এলেম, দাদা আমায় তাড়ালে। না হয় আমি কু, না হয় আমি গরীব, না হয় আমি অপদার্থ; তবু দাদার ত আমি সেই, দাদাত আর কু নয়। আদত কথা তা নয় মোক্ষদা! বড় অভাগ্য আমি—তোমায় বড় ভালবাসি বলে বলছি—বিনা চক্ষের জলে আমার এখন দিন যায় না। দাদার দোষ কি? আজ দাদা না তাড়ালে, হয় ত আজকের দিনটা শুকনো চোখে যেত—কাজেই ভাগ্য আমায় তাড়ালে, দাদা নয়। তবে একটা কথা এই, এ সব আমার নতুন নয়, অভ্যাসে দাঁড়িয়েছে। তাচ্ছিল্য, অপমান, অপ্রতিষ্ঠা তোমাদের এখন যতটা লাগবে, আমার তত লাগবে না, আমার গা সওয়া। আর ভগবান করুন জন্মজন্মান্তরেও যেন আমার হাওয়া তোমাদের গারে না লাগে, পরম শত্রুরও না লাগে। মোক্ষদা! আর আমার অনুরোধ কোরো না, অনুরোধে কল হবে না, আমি খাব না, আমি চল্লুম ।      ( প্রস্থান )

( বিলম্বে কীর প্রবেশ )

ঝা । কি ভাবচ মা ! কাকা বাবু কোথায় ?

মো । ( ঈষৎ চমকিত ভাবে ) আঁ—চলে গেছে ?

বামুন মা যে ও ঘরে খাবার দিয়েছে ।

তুলে রাখতে বল ।

ঝা । তুমি খেতে বলেছিলেনত ?

মো । যাও—তার তোমার দাদা বাবুকে একবার এ ঘরে আসতে  
বোলো ।

ঝা । আচ্ছা ।

( কীর প্রস্থান )

( সারদার প্রবেশ )

সা । ডাকবার আগেই এসিছি । মনে গেছে ?

মো । গেছে বুঝি ।

সা । খেলে দেলে না ?

মো । না ।

সা । বলেছিলুম কলকটা টিপব । বাবা ! দাদা দেখা পর্যন্ত কল  
না । নবাকে বলছে—আমরা খাবার সময় গুনতে পাচ্ছি—মনে  
এলে বলিস আমার অসুখ করেছে, খবদার আমায় না ডাকে ।—  
তা চাবীটা দাও, বোতলটা বার করি । ( চাবী লইয়া ) ও বাবা !  
এমন ত একদিনও দেখিনি । অন্ত দিন চাবী দিতে হাজার কথা  
কও, আজ যে বিনি কথায় চাবীর তোড়াটা কেলে দিলে ?

( দেওয়াজ হইতে বোতল ও গেলাস বাহির করিয়া )

চালি ?

মো । চাল ।



গান ।

হৃদয়-নিকুঞ্জ-বনে

আসন পেতেছি—এস হে ! এস হে !

সাজায়ে ডালি প্রাণ মন ঢালি,

তুলে দিব করে—ধর হে ! ধর হে !

পারাবার ভারি—মাঝে তারি তারি—

কেবা কাণ্ডারী—যে বহে—সে বহে—

লহ কর্ণ তার ভব কর্ণ-ধার !

এ তুফানে পার—কর হে ! কর হে !

কত নিশি জাগি—তোমা-অমুরাগী,

আধি-জল-ভাগী—বুক বাহি' বহে,—

দীনতা, হীনতা,—তুমি না জান তা'—

তুমি কি বুঝবে—বিরহে কি দহে !

কা। হিঁ হিঁ হিঁ, ওমা দাদা বাবু রগেছে যে ?

মো। দাদা বাবুর স্বর্গলাভ হয়েছে । তুই আর একটা গান গা, তার

পর তোার সহ-মরণের বন্দাবস্ত করব ।

কা। হিঁ হিঁ হিঁ, আমার নজ্জা করে দিদিবাবু—

মো। নজ্জা করে মুখ মুকায়িত কর, মোদা কথা একটা গা' । সে

গানটা—সেই “তোমারই শাগিয়া”

গান ।

আমি

তোমার লাগিয়া

কলঙ্ক কিনেছি,

জগতে হ'ল না ঠাঁই ;



- ম। কি হয়েছে খুলে বল—ও রকম কল্পে বুঝবো কি ? এরা সব কোথায় ? কার কথা বল্চো—কে মিন্‌সে ?
- পি। ( ভগ্নস্বরে ) সেই মুদভরাস্ মিন্‌সে বাবা—তোমার স্বপুত্র বাবা—সেই আট-গতোর-থেকে বাবা—মিন্‌সে যেন যমদূত বাবা !
- ম। তুমি উঠে দাঁড়াও দেখি—আমার স্বপুত্র মশায় এয়েছিলেন ? তার পর কি হয়েছে পরিষ্কার করে বল—তোমার ত একটা কথাও আমি বুঝতে পাচ্ছি না।
- পি। ( উঠিয়া দাঁড়াইয়া ) ও বাবা ! মিন্‌সে হঠাৎ এলো। এখন তুমিও সে দিন সেই বাড়ী থেকে বেরুলে, সে ছোট লোকের মেয়ে আবাগীতো আমায় দাঁতের কস ভেঙ্গে যাচ্ছেতাই বলতে শুরু করে। তা করুক—আমার বউ, আমার ঘরের লক্ষ্মী, আমার যাচ্ছেতাই বলবে না তো কি পাড়াপড়সীদের ডেকে যাচ্ছেতাই বলতে বাবে ? হ্যাঁ গা বলো না—আমি চুপটা করে বসে বসে রাঁধ্‌চি, কাঁদ্‌চি, আর ভগবানকে ডাক্‌চি,—এমন সময় সেই ঝ্যাটা-থেকে মিন্‌সে গট্ গট্ করে বাড়ীতে ঢুকলো। ঢুকেই বাবা ! বললে না পিত্যয়ে যাবে—বাপে মেয়ে কি ফিন্‌ ফিন্‌ না করে, অম্‌নি গাড়ী নে এলো ; অম্‌নি মেয়েকে গাড়ীতে তুলে—যেন এই মারে ত এই মারে—এই হুম্‌কে হুম্‌কে আসে—( ভগ্নস্বরে ) সেই মাতাল মিন্‌সের ভয়ে আমি ঘরে দোর দিলুম্ বাবা !
- ম। হঁ—তখন কমল ছেল ?
- পি। ( বর্জিত স্বরে ) ছেল কি না ছেল বাবা জানি না গো ! বাবা গো ! ও বাবা ! সেই রোগা মাণিককে হিঁচড়ে টেনে নে গেল গো ! বাবা গো !—

ম। পিসি থাম—মরা কান্নাটা আগেই কেঁদে রাখ কেন বাবু ! একটা  
যাকে হোক মত্তেই দাও—তারপর পা ছড়িয়ে বসে 'বাবাগো'  
কোরো । ( কমলের প্রবেশ । )

ম। এ সব ব্যাপার কি—কমল !

ক। আপনি কি এই আসছেন ?

ম। এই ত সব বাড়াতে চুক্‌চি—আমার খঁড়র এসে সব নেগেছেন  
নাকি ?

পি। ( বদ্ধিত-শ্লোদিনা ) আমার ঘরের লক্ষ্মীকে কোথায় বিসর্জন দিলে  
গো !—বাবাগো !—ও বাবা !—

ম। পিসি—একটু ও ঘরে যাও না—আমাকে কথাটা জানতেই দাও ।

পি। জান বাবা ! জান ; এর একটা বিহিত কর । সেই চামার মিন্‌সের  
নাকে দড়ি দিয়ে যদি এইখানে টেনে আনতে পারিস, তবেই আমার  
মনের কালি ঘোচে বাবা ! বাবারে ! এমন ছোট লোকের ঘরে  
বে করেছিলি বাবা !

( পিসীর প্রস্থান ) ।

ম। ব্যাপার কি কমল ? আমি বাড়া নেই, ছেলের অই ব্যাম, তিনি  
এসে হট করে নেগেলেন, কি রকম ? এ দিকে ত কে রইল,  
মল, একবার উদ্দেশ্যও নেন না—হঠাৎ এতটা অনুগ্রহের কারণ কি,  
বল দেখি ?

ক। বোধ হয় তিনি এদিকে কোথাও এসেছিলেন—ফেরত বেলায়  
মনুকে দেখবার মতলবেই বাড়াতে আসেন । আপনি যাওয়ার  
পর থেকেই আপনার পিসি ঠাকুরণ সপ্তমে উঠেছিলেন । মা  
চুপটা করে মনুর কাছে বসে বসে কাঁদছিল, তিনি ত এসে দেখ-  
লেন এঁট । কাজেই মানুষের চামড়া, পিসীর সঙ্গে তাঁর ছ'এক

কথা হয়ে গেল। কেন চব্বিশ ঘণ্টা তাঁর মেয়েকে পিসি অমনটা করে বলেন—

ম। তিনি পিসীকে বলবার কে? আমি বলবো, আমার পিসি—  
আমার পরিবার। তিনি এ বাড়ীর কে—বা আমার পিসীর  
কে—যে তিনি তাঁকে বলতে আসেন?

ক। এই রকম ছুচার কথা হবার পর, তিনি কিছু না বলে, বাড়ী থেকে বেরিয়ে গেলেন। খানিক বাদেই দেখি, গাড়ী এনে উপস্থিত। মাকে বলেন, এস। মা আমার কাদায় গড়া, যে যা বলে তাইতেই 'যে আছে'। আমি বলুম, বাবু বাড়ী নেই তিনি আসুন। এসে নয় পাঠিয়ে দেবেন—তাঁর অবর্তমানে নেগেলে তিনি রাগ করতে পারেন। তাতে আপনার খুশুর উত্তর কল্লেন—রাগ করেন, আমার এমন ভাত আছে, আমি আমার মেয়েকে খাওয়াতে পারবো, এখানে এ রকম ভাত যাতে আর ওকে না খেতে হয়, তার বিহিত করবার জন্তেই আমি মেয়ে নে চলুম। এর ওপর আমি আর কি বলবো বলুন?

ম। বটে,—তিনি সেই আমহাষ্ট' ট্রীটের বাড়ীতে এখন আছেন, না?

ক। বোধ করি।

( পিসীর প্রবেশ )

পি। মিন্‌সে বেন ছুগ্‌গো প্রীতিমের চোরা বাবা—এমন বদ্‌চেহারা দেখিনি বাবা!

ম। আমি আস্‌চি।

( প্রস্থানোত্তম )

ক। ঠাণ্ডা হোন্ খাওয়া দাওয়া করন্। এই ছ'তিন দিন তো খাওয়াই হয়নি, ও বেলা যাবেন। এই তেতে পুড়ে, শেষ একটা রাগারাগী করে আসবেন।

আমি মাঝের দোরে তোর জন্তে দাঁড়িয়ে থাকবো অখন, তুই পা টিপে টিপে রকটুকু পার হয়ে আমার কাছে এলেই, আমি তোকে হাত ধরে নেয়াব অখন । বেশ ত দু'জনে কত ঠাকুরদের কথা কইব অখন, তার পর তোর যখন ঘুম পাবে, তখন তোকে আবার রেখে যাব ।

কা। হিঁ হিঁ হিঁ, বেশ ত দিদিবাবুও রামায়ণ শুনবে ?

মা। শোনালে ত শুনবে—ওকে কি আমি ভালবাসি, বে'ওর কাছে রামায়ণ পড়বো ? তোকে আমি কত ভালবাসি, তুই যখন গান গাস্ আমার কত ভাল লাগে । নক্ষিটী যেও—যেন তোমার দিদিবাবুকে দোলো না । আচ্ছা, তোকে পুঁতি কিন্তে টাকা দোবো অখন । অই তোর দিদিবাবু আস্চে—যা ও ঘরে যা, আনিও যাই—খানিক বাদে আবার আস্বে অখন—যাস, নক্ষিটী !  
( উভয়ের প্রস্থান )

( মোক্ষদার প্রবেশ )

মো। ঝি !

( বীর প্রবেশ )

বী। কেনগা মা—তুমি বুঝি কত্তার ঘরে গিছলে ওপরে—হ্যাঁগা, এখন কেমন আছে ?

মো। ভাল আছে ।

বী। আ হ্যাঁগা, তা' কাকা বাবুর সঙ্গে দেখা কল্লেই না বা কেন ।—নিজেই দেখা কল্লে না, আবার কাকা বাবু চলে যেতে, নবর ওপর কি রাগ ! আচ্ছা তার দোষ কি ? তাকে তুমিই বারণ করে দিয়েছ—সে আবার কি করে কাকা বাবুকে তোমার

ঝাঁ। তবে যাঁই শুইগে ।

( বীর প্রস্থান )

মো। একটা দিন নয়, একটা সপ্তাহ নয়, একটা মাস নয়, একটা বছর নয়, একটা জন্ম নষ্ট হয়ে গেল। মিছিমিছি, অকায়ে, আক্ষেপে, একটা জন্ম নষ্ট হয়ে গেল—একি কম পরিতাপ? কোন ভুলে—কার ভুলে—কার দোষে—এত বড় লোকসানটা হল? কই আমি ত চুকিনি, চুকলে খেলতে বসে, যার সঙ্গে বসেছিলুম সে—তার অপরাধে এ ভোগ আমার কেন? ( বোতল ও গেলাস পাড়িয়া, পান ) চুকলে সে—বড় চুক চুকলে, সুমুদুরে জল নেই ভেবে, পুকুরে নাবলে; পুকুরের কতটুকু প্রাণ তা বুঝলে না,—বর্ষার পূর্ণতা দেখে ভুলে গেল, বৈশাখের কথা ভাবলে না, যখন শুকিয়ে যাবে। সুমুদুর যে চিরকাল ফোলে, সুমুদুরে যে বর্ষা নিদাঘ নেই, তা ভাবলে না। আমার বুকের ভেতর ধরে না, আমার যে ভালবাসা এত—সে যে অফুরন্ত, অপরিমাণ—দিন রাত্তির, জেগে ঘুমিয়ে, তাকে ভালবেসে যে আমার শ্রান্তি হত না, তা সে দেখলে না ত। ( পানাস্তে ) খেলতে বসেই চুকলে, পড়তা নষ্ট হল; সে উঠে গেল, খেলা ভাঙ্গল না, কাত-বদল হল। গোড়ার মাছ খুলে গেলে আর কি ছিপে মাছ পড়ে? না গোড়ায় ভুলে আর খেলা শোধরায়? পড়তা জলে গেল। হৃদয়টা হারে আমার দুঃখ হত না, কিন্তু এক গড়ে আট-তুরূপের ভোগ আর কত ভুগি? এখন ভরসার মধ্যে দান গুড়োনো—তা কখন হবে, কি জানি? ( পানাস্তে ) ভবে বড় মর্মান্তিক এঠি, তার চুকে ভুগলুম আমি—দোষ তার, সহিতে হল আমার—সে অবোধ বলে, আমার জন্মটা খানে-খারাপ হয়ে গেল। তাও একটা জন্ম কি

কটা গ্নম, তাই বা কে জানে? (পান) এ জীবন যখন  
গিয়েইছে তখন আর পরিতাপ কেন? বয়ে গেল!! গা ভাঙ্গান  
দিয়ে আছি, হাওয়া যেথায় ঠেকাবে সেথায় ঠেকব। হাওয়ায়  
চলচি—মন্দ কি?

( সারদার প্রবেশ )

স। বেই মানুষ হলে, অমনি হাঁড়ি-ভেল্ল বাবা!

মো। তুমি ত আর আমার ভাই নও, যে ভেল্ল হব!

স। (বসিয়া) হলে বৈকি—আপনি আনাচ্চ, আপনি রাখচ, আপনি  
খাচ্চ, কই যে খুঁটে খাওয়াতে শেখালে তার ত একবার গোল  
নাও না।

মো। খাও না—আমি কি বারণ করি?

স। (পান) মনে ব্যাটাছেলে গে পর্য্যন্ত তুমি যেন একেবারে নিরহিংস  
ভাব হয়ে পড়েছ—ছেলে বেলার পিরীত ফুটে উঠেছে বুঝি—

মো। ভাইকে না হলে, ব্যাটাছেলে আর কাকে বলবে?

স। (দাঁড়াইয়া) আলবোত বলব—অমন ভায়ের মাথায় মারি জুতা—  
আর যে ব্যাটা বেটীদের সে ভায়ের নামে মুখে নাল পড়ে, তাদের  
বাবার মাথায় মারি জুতা। কোন ব্যাটা বেটার আমি তোয়াক্কা  
রাখি?

( প্রস্থান )

মো। (সারদার পথ চাহিয়া) কত ঋণে জড়াচ্চ? আমার যে আমার  
মায় সুদ পরিশোধ করতে হবে, সেটা ভাবচ না?

( পানাস্তে )

লোকে ভগবানকে ডাকে, আমি পাপকে ডাকচি—এস পাপের  
অনুভাব! কে আছ, একবার নরক ছেড়ে আমার হৃদয়ে এস!



তৃতীয় দৃশ্য ।

আমিহাষ্ট্রীট—অন্নদা বাবুর বৈঠকখানা ।

অন্নদা বাবু ও কিশোরী ।

কি । কাকে চিঠি লিখচ বাবা ?

অ । মামার ম্যানেজারকে ।

কি । তোমার মামার বাড়ী ত কল্কেতাতেই ?

অ । তা হলেও, যাওয়ার চেয়ে চিঠি ভাল । কে বড়লোকের বাড়ীতে চোকে ? পঞ্চাশ বেটা অকস্মা গোড়া বন্দুক ঘাড়ে ঘুচ্ছে—আমার দেখলে হাড় জ্বলে যায় । এক এক ব্যাটার কুড়েমির দাম মাসে ১০।১৫ টাকা ; আর ব্যাটার মেন সব সাজাহানের পৌত্তর ।

কি । কেন চিঠি লিখচ ?

অ । মামার ছেলেটির বড় অসুখ, তাই লিখতে হয় লিখচি ।

কি । আমি আসবার আগের দিন আমাদের পাড়ায় বড় আশুগ লেগেছিল, তোমায় বলেছিলুম ?

অ । বলেছিলি ত ?

কি । তুমি সে দিকে গিয়েছিলে, তা হলে দেখতে পেতে—

অ । আমার কথা ছেড়ে দাও, ইহজন্মে আর তোমাকে কখন সেদিক-মুখো না হতে হয়, তার বন্দাবস্ত করোঁ। একটা হাঘোরে ছোঁড়ার হাতে পড়ে মেয়েটার কি দশা না হয়েছে । ভাগ্যে সে দিন গিছলুম, আর দিন কতক না গেলে কি মেয়ে ফিরিয়ে পেতুম ?

( কিশোরীর প্রস্থান )

অ। কিশোরী!

( কিশোরীর পুনঃ প্রবেশ। )

কি। কেন বাবা!

অ। কাল রাতে তোর কি অসুখ করেছিল?

কি। না—

অ। হ্যাঁ, তোর ঝাঁ বলে তুই রাতে কিছু খাস দাস নি।

কি। ভাল ক্ষিদে হয় নি।

অ। সকালেও তো গুনলুম খেতে বসেছিলি মাত্র। নাড়ী মরে গেছে—  
না খেতে পেয়ে নাড়ী মরে গেছে। কাল থেকে একটা ওষুধ  
খা, নইলে তোর শরীর সারবে না।

কি। ওষুধ কি হবে? অসুখ করেনি ত।

অ। সে আমি বুঝব। এখানে হু' একজন লোক আসবার কথা আছে,  
ঐ দোরের শেকলটা টেনে দিয়ে, তুই ভেতরে যা।

( কিশোরীর প্রস্থান। )

চিঠিখান সেরে ফেলি।

( পত্র শেষ করিয়া পাঠ )

( মণীন্দ্রের প্রবেশ )

ম। মনু কেমন আছে?

অ। ( পত্র পাঠ। )

ম। মনু কেমন আছে?

অ। ( পত্র পাঠ। )

ম। ( বিলম্বে ) মনু কেমন আছে—আপনি গুনতে পাচ্ছেন না?

অ। কেমন আর থাকবে? ভালই আছে।

- ম। এই কাহিল অবস্থায় নানানাড়ি না করে, সে একটু সারলে সব আনলেই পারতেন ।
- অ। ওই পরামর্শটুকু দেবার জন্তে তুমি যদি তোমার বাড়ী থেকে এতদূর এসে থাক, তা হলে ফিরে যেতে পার । কোনরূপ পরামর্শের আমার এখন বিশেষ অনাটন নাই ।
- ম। হতে পারে, কিন্তু আপনি ভুলে যাচ্ছেন যে মনু আমার ছেলে—আমার অজ্ঞাতে তাকে স্থানান্তরিত করা আপনার অধিকার-ভুক্ত কার্য হয়নি ।
- অ। আমার কন্যাকে স্থানান্তরিত করা আমার অধিকার-ভুক্ত ।
- ম। আপনার কন্যা আমার স্ত্রী ; আমি বর্তমানে তার ওপরই বা আপনার কিসের অধিকার, তাওতো ভাল বুঝতে পাচ্ছি না ।
- অ। বাবু ! আমার অন্ত কাঙ্গ আছে—অধিকার-বোধ শিক্ষা প্রয়োজন হলে তোমায় সংবাদ দেব, এখন আমার অব্যাহতি দাও । কথা বার্তা ত বেশ চাণক্য পণ্ডিতের মত, এদিকে ত স্ত্রী পুত্রের গ্রাসাচ্ছাদনের সংস্থানে অক্ষম ।
- ম। আপনার ও আক্ষেপে এখন ফল কি—কন্যার বিনাহের পূর্বে পিতার অবিবেচনাশীলতার পরিচায়ক মাত্র । সুপাত্রে কন্যাদান করেননি কেন ? যাক্, আমি আপনার বাড়ীতে অহোরাত্রে অস্ত্র আসিনি—আপনি কার্য করুন, আমি একবার বাড়ীর ভিতর মনুকে দেখে চলে যাবি । বিহিত যা পরে ধার্য্য হবে !
- অ। মনু এখন একটু ঘুমুচ্ছে, তাকে গিয়ে বিরক্ত করো না ।
- ম। তার বিরক্তি অবিরক্তি আপনা অপেক্ষা আমি কি ভাল বুঝি না ?
- অ। তোমার বাড়ীতে তুমি ভাল বোধ, আমার বাড়ীতে আমি ভাল বুঝব । অকর্মা, অক্ষম, লোকগুলো মাত্রেরই ফাজিল হয় । আমার

ম। চাই না—তোমার মেয়েকে চাই না—আমার ছেলেকে দাও, নইলে  
আমি পুলিশ ডাকব—

অ। নিকাল দেও—হাম বোলতা হামারা জুতি লেও জুতি মারকে  
নিকাল দেও—শুয়ারকা বাচ্ছাকো—( মণির দিকে পশ্চাত ফিরিয়া  
অন্নদা বাবুর পাদচারণা )

তে। ( মণিকে প্রহার করিতে করিতে বহিষ্করণোত্তম )

ম। গেলুম। মনুকে দাও, তোমার কন্যাকে আমি ত্যাগ কলুম—  
জন্মের মত পরিত্যাগ কলুম—পাপিষ্ঠা রমণী আমার এই নির্যাতন  
উপভোগ কচ্ছে। আমার মনুকে দাও—এ নরকে এক  
মুহূর্ত্তও আমি থাকতে চাই না ত আমার পুত্র আমার ফিয়ে  
দাও।

তে। শালা মাতোয়াল! চিল্লানেকো আউর জায়গা মিলা নেই?  
নিকালো— ( ধাক্কা প্রদান )

( মণির দ্বারবহির্ভাগে পতন )

হাম, মালুম কিয়া শালা আপকো কই তাঁবেদার হোগা, ও  
কোন হ্যায় ?

অ। বয়ঠো বাহার—অন্দরমে ও আউর নেই ঘুসে, খবরদার।

তে। যো হুকুম। ( ঝীর প্রবেশ )

ঝী। ( সোৎকণ্ঠায় ) বাবা শিগ্গির বাড়ীর ভেতর আসুন! বাইরে  
গোলমালের সময় দিদিমণি তাড়াতাড়ি সিঁড়িতে ষেই নাবেব,  
অমনি পড়ে গে অজ্ঞান হয়ে গেছে, দাঁতকপাটী নেগেছে;  
আমি মুখে মাথায় এত জল দিলুম জ্ঞান হচ্ছে না। কেমন  
বোধ হচ্ছে, শিগ্গির আসুন, ডাক্তার আসুন।

অ। অ্যা! ( উভয়ের বেগে প্রস্থান )

চতুর্থ দৃশ্য ।

শ্রামপুর ।

পথ ।

সারদা ও ব্রজ ।

ব্র । শব্দ আসছে—

সা । তাই ত, তুই একটু সরে দাঁড়া—ওকে আমার একটা কথা  
জিজ্ঞেস করতে হবে, তাকে দেখলে দাঁড়াবে না ।

( ব্রজর বৃক্ষান্তরালে অবস্থান )

শব্দুর প্রবেশ

সা । আরে শব্দুচাঁদ যে । এত দিন একবারে গা চালে দেছ কেন,  
বল দেখি ? আমি এই তোমারই বাড়ীর দিকে যাচ্ছিলুম ।  
চল, আমাদের বাড়ী চল ।

শ । না । ভাই ! আমি আর বাড়ী থেকে বেরোব না প্রতিজ্ঞা করিছি ।

সা । আমাদের অপরাধ ? মাইরি ! তোমাকে ক'দিন না দেখে এমন  
মনটার ভেতর হয়েছে । সে দিন বেজাও তোমার জন্যে ছুঁখু  
কচ্ছিল ।

শ । ঝাঁটা মার ব্যাটার মুখে । সেই ব্যাটাই ত আমার সর্বনাশের  
গোড়া । এখন দেশ শুধু লোক আমার পেছনে লেগেছে ।  
রাস্তায় বেরলে সব ব্যাটারা, যেন বাঘের পেছনে ফেউ লাগে ।  
এত দেশে মড়ক হয়, এ লক্ষ্মীছাড়া দেশে ত হবে না ।

সা । সে দিন কর্তার সঙ্গে অতর্কণ ধরে কি কথাবাতা হল, তা আমাকে  
একবার বলোও না ।

সা। আচ্ছা, আমার হাতে হাত দাও দেখি। বল, আর মোটে রাগবে না, যে যা বলবে হেসে ওড়াবে, শুনেও শুনবে না, যেন কে কাকে বলছে—

শ। আচ্ছা, এই তোমার গা ছুঁয়ে দাঁকি কল্পম, হেসে উড়িয়ে দোব—  
আমার গায়ে গণগণে আঙুল ছড়িয়ে দিলেও আর আমি রাগ করব না, হেসে উড়িয়ে দোব।

সা। দেখো ?

শ। দেখো।

সা। দেখো ?

শ। দেখো।

সা। দেখো ?

শ। দেখো।

সা। বস্ তিন সতি। তবে বিকেলে আমাদের বাড়ীতে যাবে ?

শ। কায় কি ভাই ? সেই বেজা ব্যাটাচ্ছেলে—আছে।

সা। আবার সেই কথা ? আর বেজা কোথায় ? বেজাতো শব্দা গত—তার যে বড় ব্যাম—সে যায় যায়—জ্বর, বাত, উঠতে পারে না।

শ। অই দেখ, অত বাড়াবাড়ী সইবে কেন ? বাড়লেন আর পড়লেন। এমনি মজাটি—আমার সঙ্গে বাদ করে ক'দিন বাঁচবে যাহু ? তাকে কি আর উঠতে হবে ? অই শোয়া শেষ শোয়া। তুমি দেখে নিও সারু ! আমার কথা মিলিয়ে নিও।

সা। যাক, তা'হলে ও বেলা যাচ্চ।

শ। নিশ্চয়, যাবই। আমি কদিন যাব যাব ভাবছিলুম, হয়ে গঠনি।  
( সত্রাসে ) সারু, এখন যাই। ( দ্রুত গমনোক্তম )

সা। খুব হাঁসিয়ার ভাই! হেসে ওড়াও, হেসে ওড়াও, হাস—হাস।

শ। ( কষ্টে হাসিয়া ) আমি যাই ভাই, পাঁচ গুথেকোর ব্যাটারদের মুখ না দেখাই ভাল। যে ছোটলোক ব্যাটারি হেসে উড়িয়ে দিলেও তবু বলে, তারা কি আবার মানুষ ?

( বালকের দলের প্রবেশ )

বা দ। বল হরি, হরিবোল, বুড়ো মড়াকে খাটে তোল।

সা। ( শস্তুর প্রতি ) ভালা মোর দাদা! এই সময় হেসে ওড়াও।

শ। হাসাচি ত সারু! তবু ব্যাটারি ছাড়ে না কেন ভাই? তুমি একটু বলে দেখ না।

সা। হেসে ওড়াও, হেসে ওড়াও, হাঁসিয়ার! রাগ কোরো না।

( শস্তুরকে বেঠন করিয়া )

বা দ। বল হরি, হরিবোল, বুড়ো মড়াকে খাটে তোল—

শ। আচ্ছা, না রেগে হাসতেই হাসতে ব্যাটারদের যমালয়ে পাঠাই। দেখ সারু! পালাস কেন—ওরে ও ছোটলোকের ছেলে ব্যাটারি, পালাস কেন ?

বা দ। বল হরি, হরিবোল, ( ইত্যাদি )।

( হাসিয়া উড়াইতে উড়াইতে শস্তুর বালকগণের সহিত সম্মুখ

সময়, পতন, উত্থান, পলায়ন এবং

বালকগণের পশ্চাদ্ভাবন )

ব্র। হেসে ওড়ালে না, উড়ল।

সা। এ হল কি ?

ব্র। কঠিন ব্যায়াম।

( উভয়ের প্রস্থান )

পঞ্চম দৃশ্য ।

মণীন্দ্রের বৈঠকখানা ।

\*

কমলাকান্ত ও তিনকড়ি ।

ক । কত দেরী হবে ?

তি । এলেন বলে । তবে এসেই আবার তাঁকে এখনি যেতে হবে । আজ মেইল ডে, আজ সারাদিন তাঁর নিখেস ফেলবার অবকাশ নেই । তবে সেই সন্ধ্যাবেলা একেবারে নিচ্চিন্দি হয়ে এসে, খানিকক্ষণ থাকতে পারবেন । আজ ক'দিন হল ?

ক । তিন দিন । পরশু দুপুরবেলা অর হয়েছে, সেই দিন, রাত্তির থেকেই অজ্ঞান । জ্ঞান আর কিছুতেই হচ্ছে না । দু'দিন দু'রাত্রি চোক চাননি । কি হবে তিনকড়ি বাবু ?

তি । ভয় কি ? মা রক্ষা করবেন । কিছু ভয় নেই ।

ক । বাবু কি বিরক্ত হলেন ?

তি । মহাভারত ! বাবু কি বিরক্ত হবার লোক ? এ কালে অমন মানুষ জন্মায় না মশায় ! বিশেষ মণিবাবুর ওপর তাঁর প্রাণ ঢালা । এই যে গাড়ী লাগল ।

( জগদীশবাবুর প্রবেশ )

জ । ( কমলাকান্তকে প্রণাম করিয়া ) তার পর—ব্যাপার কি ? বিচ্ছেদ থেকে উঠতে পাচ্ছে না ?

ক । ( কাঁদিতে কাঁদিতে ) কি হবে বাবু—কি হবে । বাবা দু'দিন দু'রাত্রি চোক চাননি, অজ্ঞান, ডাকলে সাড়া নেই । বাবু ! রক্ষা করুন ।



ডা। আজ সকালে পাকী করে নেগেলে না কেন ?

জ। সে ব্যায়রামী—তার ওপর পাকী আনিরে তাকে তুলে আপনার কাছে নেযান—তার চেয়ে আপনি সুস্থ শরীর, নিজের গাড়ী ঘোঁড়াও আছে, রোজ সকালে সারা সहरটা ঘুরেও বেড়াতে হয়, সেই ঘোরার মাথায় একবার নয় এসে দেখেই গেলেন, তাতে আর মহাভারতটা অশুদ্ধ হয়েছে কি ? মোকদ্দমা ত গোটাকতক টাকার, তা হবে এখন, আপনি ঠাণ্ডা হোন। আর গরীবের আট দশ-হাজার ত খেয়েওচেন—

ডা। You are a fine chicky fellow ! কে তুমি ?

জ। বাবা ! তোমার সঙ্গে এখন চোদ্দ পুরুষের শ্রদ্ধ কত্তে পারি না। এক দেখ্বে ত দেখ, নইলে পাতলা হও, আমরা অস্ত্র ডাক্তারের ব্যবস্থা করি।

ডা। You may please yourself any way you like.

জ। সেই ভাল। তিনকড়ে !

তি। আজ্ঞে।

জ। গাড়ী নিয়ে ডাক্তার হরিশ বাবুর কাছেগে মণির অবস্থাটা বলে আমার নাম করে বলবি, আধ ঘণ্টার ভেতর যেন তিনি আর একজন কি দুজন বড় সাহেব ডাক্তার সঙ্গে, এইখানে আসেন। বা খরচ লাগে। আর বাড়ীতে গে দুজন চাকর, একটা বামুন, পাঠিয়ে দিবি। তিনচার দিন, যে ক'দিন মণির অস্থখ সারে, অন্ততঃ কমে আমি এখান থেকে নড়তে পার্দি না। কোন বিশেষ দরকার হলে, বা দরকারী কাগজ পত্র এলে, বাবুদের এখানে নি' আসতে বলবি, বুঝনি ? আর তুই বিকালে আসবি।

তি। যে আজ্ঞে—আজ মেল ডে—

পরন্তু তাঁহাদের ওয়ারেশ অবর্তমানে, তাঁহাদিগের অধিকার-স্বত্ব উক্ত মণীন্দ্রনাথকে বা তাঁহার ওয়ারেশগণকে পহঁছাবে। আপনার সঞ্চিত নগদ টাকার ৫০০,০০০ আপনি আপনার গৃহস্থ পৈতৃক বিগ্রহের নামে উৎসর্গ করিলেন, ঐ টাকার স্তূপে তাঁহার সেবাদি সম্পন্ন হইবে। বক্রী সমস্ত টাকার মধ্যে দাস দাসী এবং অন্যান্য দুই এক জনকে আপনার ইচ্ছানুযায়ী দান বাদে অবশিষ্ট, আপনার প্রথমোক্ত দৌহিত্র মণীন্দ্রনাথ, বা তাঁহার অবর্তমানে তাঁহার ওয়ারেশগণ, সম্পূর্ণ অধিকারী। আপনার স্থাবর সম্পত্তি—

তা। আচ্ছা ঐ হলোই হবে। রেজেষ্টারী হবার আগে আমাকে একবার আপনারা দেখাবেন ত, না দেখে ত আর আমি সহি কচ্ছি না।

বি। তার আর সন্দেহ আছে? কুড়িবার যদি আপনার ইচ্ছা হয়, তো কুড়িবারই আমাদের বদল করতে হবে।

তা। তা বড় আশ্চর্য্য নয়, কত দিন যে এমন করে আমাকে বাঁচতে হবে, তা কিছুই বলতে পারি না। নবা! বাবুর স্নানাহারের উজ্জ্বল কর।

ন। যে আজ্ঞে। বাবু আপনি বাইরে আনুন।

বি। চল ( তারক বাবুর প্রতি ) যাবার আগে আপনার সঙ্গে সাক্ষাত হবে ?

তা। হবে বৈ কি।

( বিকাশ বাবুর ও নবার প্রস্থান )

তা। শ্রীহরি! শ্রীহরি! শ্রীহরি!

শ। ছি ছি ছি আপনার—আমি এখন তবে যাই মশায়!

তা। আচ্ছা শঙ্কু বাবু! এখন যাও। আমি তোমার ডেকেছিলাম,

তোমাকে আমার উইলের একজন সাক্ষী হতে হবে । তা আজ  
হল না, যেদিন দরকার হবে তোমার খবর দেব ।

শ । আচ্ছা, এখন তবে আসি ।

( প্রস্থান )

তা । হতভাগা আমাকে ছুরী মেরে, নিজের মল ! ভগবান ! ভুলের  
মাশুল যে ভয়ানক বুক-শূল দেখছি ।

( বীর প্রবেশ )

বী । কর্তাবাবু গো ! আমার কি কল্লো গো ! ওগো তুমি কুইল কচ্চ  
গো ! ওগো আমার কালীর কি কচ্চ গো ! ওগো আমরা যে  
জন্মের মত গিইচি গো ।

তা । রাম রাম ! আমি চম্কে উঠিছি । আমি কুইলই নয় কচ্চি,  
আমি ত এখনও মরিনি বাছা ! তুমি অত চীৎকার করে কাঁদচ  
কেন ?

বী । কেন কাঁদচি তা কি বলব । ওগো মাথার ভেতর যে আশুণ  
জ্বলচে । ওগো কুইলে আমাদের মা বীর একটা বন্দোবস্ত কর ।  
আমরা কোথায় দাঁড়াব গো, আমাদের ভিক্ষে চাইগে, ভিক্ষেও যে  
কেউ দেবে না গো !

তা । তুমি আমার বাড়ীতে বিস্তর দিন দাসীবৃত্তি করেছ, কচ্চও । যে  
রকম উচিত বুঝিছি সেই রকম বন্দোবস্ত তোমাদেরও করিচি ।  
আর এক কথা, আমার মৃত্যু যদি হয়, তো সারদা বাবুর কাছে  
থাকবে, তোমাদের ত কেউ তাড়ায় নি ।

বী । বাবু ! সেদিন যেন না হয় । তাহলে এ বাড়ীতে আর জল ছাঁব  
না । আমরা দুঃখী গরীব, ছোটলোক , তা বলে কি আমাদের  
যেনা নেই ? নদীতে ডুবে মরুক, না খেতে পাই দীতে দীতে টিপে

মাত্র কেঁদে এসে পড়েছিল, এবং তোমার স্বামীর নাম তার কণ্ঠার নামের সঙ্গে সংশ্লিষ্ট করে, একটা কুৎসিত অভিযোগ কচ্ছিল। তোমার জ্ঞানতঃ সে অভিযোগ কি প্রকৃত ?

মো। আমার জ্ঞানতঃ প্রকৃত ।

তা। প্রকৃত ?

মো। আমার জ্ঞানতঃ প্রকৃত ।

তা। তুমি সত্য বলছ ?

মো। আপনার স্মৃথে আমি কখন মিথ্যা বলিনি, আর অকারণে মিথ্যা বলাও আমার অভ্যাস নয় ; আর এ মিথ্যার আমার গৌরব নেই—বরং—

তা। তোমার স্বামীর সঙ্গে তোমার সন্তাব নাই ?

মো। আজ তিন বৎসর আমরা পরস্পর পরস্পরের মুখাবলোকন করিনি ।

তা। কারণ জিজ্ঞাসা কতে পারি ?

মো। জিজ্ঞাসা করবেন না। তবে আপনি আমার পরম শত্রু যে— তাঁকে জিজ্ঞাসা করবেন—আমার স্বামীকে জিজ্ঞাসা করবেন, তিনি ভিন্ন আমার অন্য শত্রু নাই—এ অসন্তাবের কারণের লোকাচার-অসুযোগী অপরাধ, আমার ভাগে নয় ।

তা। তোমাকে অবিশ্বাস করি না ! যাও ।

মো। আপনি এখনও স্থান করেন নি ?

তা। করি । আর এক কথা, সপ্তাহ মধ্যে আমি কল্কেতার যাব স্থির করেছি, তুমি প্রস্তুত হয়ো ।

মো। ( সচকিতে—স্বগত ) পরমেশ্বর ! এ কি শুন্লেম ! ( প্রকাণ্ডে )  
হব । ( মোক্ষদার প্রস্থান )

পুড়ুনি থেকে নিস্তার পায় না। বাপ খুব লেখাপড়া শিখিয়েছে, যত্নে স্নেহে ডুবিয়ে রেখেছে, সেই যত্ন স্নেহই যেন তার আরও কাল হয়ে উঠেছে। বাপকে বড় ভয় করে—কাকেই বা সে ভয় করে না—পাছে বাপের কষ্ট হয়, বাপের অভিশাপে পড়ে—তা নইলে এক এক দিন দেখিছি, অবাক অজ্ঞান হয়ে সন্ধ্যার সময় আকাশের দিকে চেয়ে আছে, ডেকেছি উত্তর পাইনি, বোধ হয়েছে যেন খালি দেহটা পড়ে আছে—প্রাণ তার কোথায়, কোন্ দেশে, উড়ে চলে গেছে। সেই পাজি, স্বার্থপর ছোঁড়া নিজের জেদে নিজেকে ত মলট, আর এই নিশ্চল সরল মেয়েটাকে খুঁচে খুঁচে মাল্লে। তার ওপর বাপের এত বড় আক্রোশ, যদি কেউ কখন ভুলে মণের নাম করে তো একেবারে অগ্নিমূর্তি ; স্মৃতির তাই তার কথা ভাবে, তাও ভয়ে, সঙ্কোচে ; আড়ালে ; যেন কেউ না জানতে পারে। কেবল ছেলেটার দিকে চেয়ে একটু হাঁপ ছাড়ে।

তি। ছেলেটা দেখতে কেমন ?

জ। চাঁদ ! তিনকড়ে ! রাজপুত্রুর—এমন রূপ দেখিসনি—

তি। আহা ! ঐ ছেলের জন্যে মণি বাবুর এই অবস্থা।

জ। সে মণে মারা গেছে নিশ্চয়। আমি আর খোঁজ করতে বাকি করিনি ; থাকলে আমার জানা গুনো লক্ষ লোক বিদেশে রয়েছে, কারো না কারো চখে পড়তই। আর নয় তো কোন জঙ্গলে, ফঙ্গলে, পাহাড়ে ফাহাড়ে, সন্নিহিত হয়ে আছে।

তি। সন্নিহিত হননি, মারাও যাননি, তবে মারা যাবার চেষ্টায় আছেন। যেতেও বেশী দেরী হবে ব'লে বোধ হয় না।

জ। বণিহারি ! বাপকা বেটা ! তোর বাপ না তোদের গাঁয়ের একজন গণককার ছেল, বলতিস্। আধ সের চাল, পাঁচটা সুপুри, পেলেই

কাল কি চুরী গেছে, কে নিয়েছে, সব বলে দিতে পাত্ত। পৈতৃক ব্যবসা তুটুও ছাড়িসনি, দেখ্‌চি ।

তি । আজ্ঞে, এ ক্ষেত্রে পৈতৃক ব্যবসা খাটাতে হয়নি, মনি বাবুর সঙ্গে কাল আমার দেখা হয়েছিল ।

জ । কি ?

তি । মনিবাবুর সঙ্গে কাল আমার দেখা হয়েছিল ।

জ । ( ত্র্যস্তভাবে ) কোথায় ? কখন ? কি বলে ? এখানে এসেছে—থাকবে ?

তি । কাল বিকেলে আমার একবার খিদিরপুর যেতে হয়েছিল । ট্রামওয়ে যখন পোলের উপর এসেছে, দেখি পোলের দক্ষিণ ধারের রেলিং ধরে আমাদের গাড়ীর দিকে পেছন, কালীঘাটমুখে হয়ে একজন কে দাঁড়িয়ে রয়েছে ! দেখেই আমার শরীরে যেন কেমন একটা চমক এল মশায় ! মনে কল্পুম নাবি । আবার ভাবলুম, দূর । যা নয় তাই, কত লোকের সঙ্গে কত লোকের আদল আসে । এমন সময় গাড়ীর শব্দে যেমন গাড়ীর দিকে ফিরেছেন অমনি আমার সঙ্গে চোখোচোপী । প্রথমেই আমাকে চিন্তে পারেন নি—চিন্তে পেরেই হন্ হন্ করে গড়ের মাঠ মুখে চলতে লাগলেন ; বোধ হয় ভেবেছিলেন, আমি তাঁকে ঠাণ্ডর পাইনি । আমি টকাং করে ট্রামওয়ে থেকে নেবে, এক ছুটে তাঁকে ধরে ফেলুম । আর পালাবেন কোথায় ?

জ । কেমন আছে ?

তি । সে কথা আর জিজ্ঞেস করবেন না । হঠাৎ দেখলে চেনা যায় না । আমার গায়ের বর্ণ হয়েছে, গেলেই হয় । এখানে তিন দিন এসেছেন, আবার শিগ্গিরই যাবেন ।

কণ্ঠ সেথায় পঁউছিবেনা । অভিশপ্ত দেবতা, শাপ নিগ্রহে ছুদিন জগতে এসেছিলেন—কদিন থাকবেন ? শাপান্তে স্বর্গে, স্বদেশে স্বজন-সান্নিধ্যে, সানন্দে বিহার কছেন । মাগো ! মাগো ! আমি বিধবা, আপনি আপনাকে বিধবা করেছি, স্বামী-স্ত্রী, আমার কি হবে—আমার কি হবে ?

( মনু ও অন্নদা বাবু প্রবেশ )

ম। মা ! তুমি কাল যখন জানালা গলিয়ে খাবার সব বাইরে ফেলে দাও আমি তখন কিছু ঘুমুইনি—সব দেখতে পেয়েছি, দাদাবাবুকে বলে দিইছি ।

অ। কিশোরি, আমি তোমার পিতা, তুমি সুশীলা, সচ্চরিত্রা, অতএব তোমার চক্ষে আমি তোমার মহাপুরু। আর আমার মমতার স্নেহের, তোমার অংশী নাই। এ অবস্থায় আমার কাছ থেকে তোমার কিছু গোপন থাকা উচিত নয়। আমি গুনচি তুমি কিছুই খেতে পার না, দিন দিন দুর্বল হয়ে পড়চ, পাছে আমি জানতে পারি বলে খাবার বাইরে ফেলে দাও ; ছি ছি ! এসব কি ? রোগ রয়েছে, আমার কাছে গোপন কচ্চ, সেটা কি ঠিক ? তুমি যদি আমার মমতার একরূপ অবজ্ঞা কর ; তা হলে আমাকে দেশান্তরী হতে হবে । কাল ডাক্তার আসবে, তুমি আবার ওষুধ খাও। ডাক্তার যদি বলে, তো নয় আবার সিমলা কি ডিরাডুনে তোমায় নেযাব। তোমার চেহারাও বড় দুর্বল দেখছি। চল নিচে দত্ত সাহেব এয়েচেন, গাড়ী তৈয়ের, কিছু খেয়ে নাও, বেড়াতে যেতে হবে ।

কি। বাবু ! আমার অণ্ড অসুখ কই আমি কিছু টের পাইনি, তবে • অজ্ঞ সকাল থেকে বড় মাথাটা ধরেছে । আজ আপনি আমার কমা করুন, আজ আমার বেড়াতে যেতে ইচ্ছা নাই ।

তোমার মনু—এখন নীরোগা ; মনুকে দেখবে এস, মনুকে কোলে  
নেবে এস । মনুর জন্তে যে—

( শয্যায় মুখ লুকাইয়া রোদন । )

### চতুর্থ দৃশ্য ।

দ্বিপ্রহর অবকাশে বালকগণ—সমাচ্ছন্ন কালেজ স্ফোরিত ।

মণীন্দ্রনাথ আসীন—দরওয়ানের সহিত মনুর প্রবেশ ।

দ । খোকাবাবু ! খোকাবাবু ! এইখানে বইঠো, কোথাও যেইও না,  
আমি একবার বাহার থেকে আস্চে ।

মনু । আচ্ছা, আচ্ছা । ( একটা বালককে দেখাইয়া ) আমি ঐ গণেশের  
কাছে বসিগে, তুমি যাও । ( ছুটিয়া গণেশের নিকট গমন ও  
উপবেশন । )

( দরওয়ানের প্রস্থানোচ্চোগ । )

মণি । ( সোদেগে ) দরওয়ানজি ! তোমার সঙ্গে ও ছোলেটা কোন্  
বাবুদের ?

দ । কাহে বাবুসাব ?

মণি । না এই জিজ্ঞেস করি, দিকি ছোলেটা ! ওটা কাহের ছোলে ?

দ । চোরবাগানকো অন্নদা বাবুকো বেটীকো লেডকা, মনুবাবু ।

মণি । ওঃ ! ( দরওয়ানের প্রস্থান । )

পরন্তু সারাদিন খুঁজে গেছি, কাল সারাদিন খুঁজিছি, আজও  
দাঁড়িয়ে দাঁড়িয়ে নিরাশ হয়ে প্রায় কিরে যাচ্ছিলুম ! মা মুখ তুলে  
চেয়েছেন, যার জন্তে কল্কেতায় আসা, এতক্ষণে তা হল ।



আহা! মনু আমার অত বড় হয়েছে! পাপী আমি—একবার মনুকে না দেখে বোধ হয় প্রাণ আমার কিছুতেই দেহ থেকে বেরুত না, এখন নিচ্চিন্দি হয়ে মত্তে পার্ব।

( মনুর নিকট অগ্রসর হইয়া ও মনুকে সঙ্ঘোধন করিয়া । )

হাঁ গা বাবু! তোমার বাড়ী কোথায়?

মনু। কেন, চোরবাগানে—আপনার বাড়ী কোথায়?

মণি। আমার বাড়ী—আমার বাড়ী—আমি খিদিরপুরে থাকি। তোমার বাপের নাম কি বাবা?

মনু। শ্রীযুক্ত বাবু মণীন্দ্রনাথ রায় মহাশয়।

মণি। ( স্বগতঃ ) ওঃ! শ্রীযুক্তই বটে। ( প্রকাণ্ডে ) তোমার বাবা বাড়ীতেই থাকেন?

গণে। মনু! বোস্ ভাই! আমি নিশ্চলের ঠেন ছুটো পরমা পাই, আজ দেবে বলেছে, চেয়ে নে আসি।

( গণেশের প্রস্থান । )

মনু। না তিনি বিদেশে থাকেন।

মণি। বছরে বছরে আসেন?

মনু। ( নিম্ন দৃষ্টি ) না—আ।

মণি। কতদিন অন্তর আসেন?

মনু। আসেন না।

মণি। আসেন না? তুমি তাঁকে দেখনি?

মনু। খুব ছেলেবেলায় দেখিছি, তখন আমার বড় ব্যায়রাম।

মণি। তাঁকে তোমার তবে মনে পড়ে না?

মনু। ভাল মনে পড়ে না?

মণি। তোমার বাপ ত বড় নিষ্ঠ র, তোমাদের ভালবাসেন না?

মমু । বাবা আমাকে বড় ভালবাসতেন, আপনি জানেন না । মা বলেন আমার ব্যায়রামের সময় তিনি আহ্নার নিদ্রা কতেন না, কেবল আমার কাছে কাছে থাকতেন । কত ডাক্তার ঔষধ দিয়ে আমাকে আয়াম করেছিলেন ।

মণি । যদি এত ভালবাসেন তবে তোমায় দেখতে আসেন না কেন ?

মমু । এখন আসতে পারেন না, এর পরে আসবেন, ছুটি পেলেই আসবেন ।

মণি । ( স্বগতঃ ) আহ্না ! ভব-যজ্ঞগা থেকে কবে ছুটি পাব ? ( প্রকাশ্যে ) তোমার বাবা বুঝি বিদেশে চাকরী করেন ?

মমু । হ্যাঁ, চাকরী করেন ।

মণি । কোন দেশে চাকরী করেন, তা জান ?

মমু । তা জানি না ।

মণি । তোমার বাবা ছুটি পেলে যখন ফিরে আসবেন, তখন তাঁকে ডিস্তে পার্ক ?

মমু । তা পার্ক ।

( মমুর নিকট উপবেশন ও মমুর মাথায় হাত

বুলাইতে বুলাইতে )

মণি । তোমার মাথার চুল এত বড় হয়েছে, কাটনি কেন ? কপালে এটা কি ; একটা ফুস্কুড়ি, চূণ দিয়ে রেখো, নইলে বিঁষিয়ে উঠবে । আচ্ছা, এখানে তোমাদের বাড়ীতে তবে আর কে কে আছে ?

মমু । কেন, আমার দাদাবাবু আছেন. মা আছেন, হারা ঠানদি' আছেন, নলে মামা—

মণি । তোমাকে সকলে ভালবাসেন ?

মমু । সকলে ভালবাসে ।

মণি । তুমি এখন খাবার খেলে না ?

মমু । না, আমি বাড়ী গিয়ে খাবার খাট ।

মণি । এখন কিছু খাওনি ?

মমু । না ।

মণি । ( পকেট হটতে খাবারের ঠোঙ্গা বাহির করিয়া । ) আমার ছেলেও  
ইস্কুলে পড়ে, আমি তার সঙ্গে দেখা কত্তে এসেছিলুম—

মমু । তার নাম কি ?

মণি । তার নাম ? তার নাম—তাকে তুমি চিন্তে পারবে না । সে  
তোমাদের ইস্কুলে পড়ে না—তার জন্তে খাবার এনেছিলুম, সে সব  
খায়নি ; বেশ ভাল খাবার, বাবা ! তুমি খাবে ?

মমু । না, আমি খাব না । দাদাবাবু বক্বেন । ( চমকিয়া ) এ কি ?  
কোথেকে এক ফেঁটা জল আমার গায়ে পড়ল ? বৃষ্টি আস্চে ?  
( আকাশের দিকে চাহিয়া ) কই মেঘ করেনি ত ?

মণি । খাও না, কেউ বক্ববে না । খাও না বাবা ! আমি দিচ্ছি, না  
খেলে আমার মনে দুঃখ হবে । পরের মনে কি দুঃখ দিতে আছে ?  
এই নাও ।

মমু । ( কিংকর্তব্য-বিমূঢ় অবস্থায় খাবার লইয়া ) দাদাবাবু, মা, কি  
বলবে ?

( আহারারম্ভ ) ( দরওয়ানের প্রবেশ )

দ । ( খাবার কাড়িয়া লইয়া দূরে নিক্ষেপ করণানন্তর ) মমুবাবু ! মমু—  
বাবু ! আমি আজ বড়বাবুকে বলিয়ে দেবে, তুমি লুকিয়ে খাবার  
কিনে খাচ্ছে ; অসুখ কবে তা জানচে না ?

মণি । দরওয়ানজি ! আমিই খাবার দিচ্ছিলুম । ভাল খাবার—অসুখ  
কত্ত না, তুমি কেন ফেলে দিলে ?

দ। আপত বড়ি বেয়াকেল হ্যায় বাবু! বড়বাবুকা হামারা উপর এস মাফিক হুকুম, যো মনুবাবুকা ইয়ে দোকানকা সড়া চিজবস্ কুচ নেহি খানে মিলে। ইয়ে মনুবাবু যব বহুত ছোটা থা, ইনুকে বহুত বেমার ছয়া রহা, কেয়া মরণে বয়ঠা ও আপকো মালুম নেহি হোগা—ঐ স্বভাবসে বড় বাবুকা উনকো বহুত হসিয়ারিমে রাখনে হুকুম।

মণি। সে কথা আমার কেমন করে মালুম থাকবে, দরওয়ানজি! আমি মনুবাবুর ব্যায়রামের কথা কি করে জানব বল? না জেনে খাবার দিছ লুম, রাগ কোরো না।

দ। নেহি বাবু! গোসাকো বাত কেয়া। আপ কিন্তুরে জানে গা? আপকো জানেকা হাল কেয়া?

মনু। ঐ ঘণ্টা বাজ্ ল, ইস্কুল বসেছে। আমি যাই। দরওয়ান! তুমি আমায় ঘুঁড়ি কিনে দিলে না?

দ। দেবে বাবু! দেবে, তুমি ইস্কুলে যায়। যাবার সময় কিনে দেবে।  
( মনুর প্রস্থান )

ম। দেখ দরওয়ানজি! আমি বিদেশী, কল্কেতায় আমার বাড়ী নয়; অনেক দিন আমি দেশে যাইনি, আর এখন অনেক দিন দেশে যেতেও পার্ক না। দেশে আমার একটা ছেলে আছে, ঠিক তোমাদের মনুর মতন। তার জন্তে আমার মন কেমন করে। আজকে মনুকে দেখে আমার মনে হচ্ছে, যেন আমি আমার সেই ছেলেটাকেই দেখছি; ( দুইটা টাকা বাহির করিয়া ) দেখ বাবা আমি বড় গরীব, এই দুটা টাকা তোমায় দিচ্ছি, তুমি নাও; আমি যদি চোরবাগানে কোন দিন যাই তো, তোমাকে ডাকব, তুমি চুপি চুপি লুকিয়ে মনুবাবুকে আমার কাছে এনে দিও, আমি

ম। মালুম থাকবে—দরওয়ানজি !

দ। বন্দেগি বাবু ! বন্দেগি ।

( দরওয়ানের প্রহান )

পঞ্চম দৃশ্য ।

কিশোরীর বসিবার ঘর ।

কিশোরী ও মনু ।

ম। মা ! তোমার আজকে আবার মাথা ধরেছে ?

কি। না মনু ! আজ ত আমার মাথা ধরেনি ।

ম। তবে তুমি এতক্ষণ গুয়েছিলে কেন ?

কি। বসে বসে ভাল লাগছিল না, তাই গুয়েছিলুম ।

ম। মা তোমার বাক্সের ভেতর এত টাকা কেন ?

কি। তোমার দাদাবাবু মাসে মাসে আমার খরচ কত্তে দেন, সেই টাকা । ( স্বগত ) । ঐ টাকার জন্তে একজন হাঙ্গামে করে বেড়িয়েছেন—কত অপমান, কত লাঞ্ছনা, ভোগ করেছেন, আর আমার বাক্স আজ টাকা ধরে না । ভাগ্যের এ কি কঠোর বিক্রম !

ম। কি ভাবছ মা ? হ্যাঁ মা ? তুমি টাকা খরচ কর না কেন ? আমার যদি দাও, আমি এখনুনি তোমার ঐ সমস্ত টাকা খরচ কত্তে পারি ।

কি। কি খরচ কর ?

কল্লেন, আমরা কোথায় থাকি জিজ্ঞেস কল্লেন, আর ও কত কি জিজ্ঞেস কল্লেন ।

কি । তুমি কি বললে ?

ম । বাবার নাম বল্লুম ।

কি । কি বল দেখি ?

ম । আমি বুঝি বাবার নাম জানি না ? কেন—শ্রীযুক্ত বাবু মণীন্দ্র নাথ রায় মহাশয় ।

কি । কি ?

ম । শ্রীযুক্ত বাবু মণীন্দ্রনাথ রায় ।

কি । কি ? আবার বল । আমি ভাল বুঝতে পার্লুম না ।

ম । ( বিরক্ত হইয়া ) আমি যখনই বাবার নাম বলি, তুমি 'কি' 'কি' কর, বল বুঝতে পারি না ।

কি । তুমি যে জড়িয়ে বল, কায়েই ঠিক বুঝতে পারি না । বেশ পরিষ্কার করে আস্তে আস্তে বল দেখি ।

ম । শ্রীযুক্ত, বুঝতে পেরেছ, বাবু, বুঝতে পেরেছ, মণীন্দ্র, বুঝতে পেরেছ, নাথ, বুঝতে পেরেছ. রায়, বুঝতে পেরেছ, মহাশয়, বুঝতে পেরেছ ?

কি । বুঝতে পেরেছি, এইবার একত্রে বল । ও রকম করে তো লোক লোকের নাম বলে না ।

ম । ষাও, তোমার সঙ্গে আমি বকতে পারি না । হরিণটাকে ছেড়ে দিইগে । শ্রীযুক্ত বাবু মণীন্দ্রনাথ রায় মহাশয়, বুঝতে পেরেছ ?

( দৌড়িয়া প্রস্থান )

কি । পাগল ছেলে । বাবার জন্তে এ বেলা কি খাবার কচ্ছে, দেখে আসি ।

( প্রস্থান )

( অনন্দা বাবু ও জগদীশ বাবুর প্রবেশ )

অ। কই কিশোরী ত এখানে নেই। কোথায় গিয়েছে—বোধ হয় গা হাত ধুচ্ছে—এখনই আসবে, বোস।

( উভয়ের উপবেশন )

দেখ, জগদীশবাবু! কিশোরীর ভেতরে ভেতরে অসুখ আছে ভাই। নইলে এত দুর্বল হয়ে পড়বে কেন? অক্লি, কিছুই খেতে পারে না, পাছে আমি টের পেয়ে ডাক্তার আনি ভয়ে, খাবার লুকিয়ে ফেলে দেয়। জিজ্ঞেস করে বলে বেশ আছি, আমার কোন অসুখ নেই, সে কেবল ডাক্তারের ভয়ে। নইলে দিন দিন শুকিয়ে যাচ্ছে কেন? দত্ত সাহেব বলছিলেন, একবার একজন ভাল ডাক্তারকে দে বেশ করে Examine করিয়ে ফের কোন পাহাড় অঞ্চলে change এ যাই।

জ। দত্ত সাহেব কে?

অ। কেন, তোমার সঙ্গে তাঁর আলাপ নেই? আমার বাড়ীতে তিনি হামেসাই তো আসেন।

জ। তোমার বাড়ীতে এখন অনেক সাহেব হামেসাই আসবেন, সেটা ত বিশেষ পরিচয় নয়।

অ। দত্তসাহেব একজন বেশ Educated rising Barrister। তিনি বলেন, তিনিও তা হলে আমাদের সঙ্গে থাকতে পারেন। তাঁরও health ইদানী বড় indifferent হয়ে পড়েছে।

জ। তাঁকে আমার compliments দিয়ে বলো যে Materia Medica ও Civil Procedure Codeএ একটুকু তফাত আছে। মক্কেলের পকেট, আর রোগের diagnosis এ ছয়ের অভিজ্ঞতা ভিন্ন জাতীয়।

- অ। তোমার জ্যাঠাম রাখ । তোমার তবে মত কি ?
- জ। কৈলাশ পর্বতে মহাদেবের ঘাড়ের ওপর একখানি বাংলা তৈয়ের করে, তাতে থাকলেও কিশোরীর শরীর সারবে না । কিশোরীর এ দৈনন্দিন ক্ষয় রোগে বিশেষ ভয়ের কথাও আছে ।
- অ। কি করি বল দেখি ! কাকে এনে দেখাই বল দেখি ।
- জ। তোমার সেই নিরুদ্দেশ জামাইকে এনে দেখান ভিন্ন কিশোরীর এ মনোবিকারের অণু প্রতিকার নাই । তুমি বিদ্বেষ-বিষাক্ত, তাই বুঝতে পাচ্চ না ।
- অ। পাত্র ও বিষয় বিশেষে বিক্রম বিধি, জগদীশ বাবু !
- জ। এর মত নির্মল সত্য আমি অল্প উচ্চারণ করেছি ।
- অ। যদি তাই হয়, তা হলে আমার এং কিশোরীর জীবন থাকতে সে আশা অল্প ।
- জ। সম্ভব তাই । কারণ কিশোরীর জীবন আর অধিক দিন নয়, আর কিশোরী অবর্তমানে তোমাদের পরস্পর সাক্ষাতের কোন প্রয়োজন বা সম্ভাবনা নাই ।
- অ। সেটার নাম উচ্চারণ আমরা পাপ মনে করি । আজকের দিন আমাদের জীবনের একটা কু'দিন বলে গণনা কর্ব ।
- জ। তুমি কর বা করবে বল । 'আমরা' বলবার তোমার অধিকার কোথায় ? কিশোরীর মনোভাব তুমি অবগত নও । কিশোরীকে কখন জিজ্ঞাসা করে দেখনি ।
- অ। জিজ্ঞাসা অপ্রয়োজন, তাই করিনি । আমি জানি কিশোরী আমার কণ্ঠা ।
- জ। নিশ্চয় । কিন্তু তার স্ত্রী, অর্দ্ধাঙ্গ ।
- অ। কিশোরীর চিত্তবৃত্তি যে দিন সে প্রকার অধোগামিনী দেখব, সে



দিন স্বহস্তে কিশোরীকে হত্যা করে আত্মঘাতী হব ! কিশোরী এখন বড় অস্থখে আছে, আগে বড় স্থখে ছিল, না ?

জ। ও কথা তপ্তমস্তিক মূর্খ দান্তিকের মুখে শোনা যায়, শিক্ষার অতি অল্পমাত্র অভিমানও যে পোষণ করে, তার মুখে নয় ।

(একজন দরওয়ানের প্রবেশ ও অন্নদাবাবুকে অভিবাদন)

দ। দো সাহাব আকে বাহার মে বৈঠা, আওর আপকো সেলাম ভেজা ।

অ। বোলো, আবি নীচু আওয়েগা ।

জ। যো হুকুম ।

( প্রস্থান )

অ। বাক, ও কথার আন্দোলনে কিছু ফল নাই, কেননা চন্দ্র সূর্য্যে আলিঙ্গন সম্ভব, তথাপি ও পাপ বিষয়ে তোমার আমার মত দৈবম্যের তিরোভাবের সম্ভাবনা নাই। সুতরাং ও প্রসঙ্গের পরিহারই বিধেয় । আমি একবার নীচে থেকে আসি, তুমি বোস ।

জ। আমিই বা বসে কি করি—

অ। বোস না, আমি এখনই আসছি । যাবার সময় কিশোরীকে ডেকে দে যাচ্ছি । ( প্রস্থান )

জ। অমন লেখা পড়া শেখার মুখে আঙুল জ্বলে দাও । অমন পণ্ডিত হওয়ার চেয়ে, শত জন মূর্খ হয়ে থাকি সেও ভাল ।

( কিশোরীর প্রবেশ )

জ। এস মা ! কোথা গিছলে ?

কি। মামা ! একবার রান্নাঘরে গিছলুম । বাবা রাত্তিরে কি খাবেন, তাই ব্যবস্থা করে এলুম ।

জ। কেমন আছ ?

কি । ভাল আছি । মামীমা, ছেলেরা, সব ভাল আছে ?

জ । ভাল আছে । কিশোরী ! তুমি ভাল আছ, এটা কি সত্য কথা ?

কি । কই, আমার শরীরে তো কোন অসুখ টের পাই না ।

জ । শরীরে অসুখ টের পাও না, সে কথা মিথ্যা নয় বটে । মা !  
অধিক চিন্তায় আয়ুক্ষয় হয় ।

কি । মামা ! বিধবার দীর্ঘ জীবনে ফল কি ?

জ । বালাই, কে বলে তুমি বিধবা ?

কি । আপনি ত সব জানেন—

জ । সব জানি—আরও জানি যে মণি ভাল আছে, তুমি সম্পূর্ণ সধবা ।

কি । মামা ! মামা—

জ । কি বলছিলে বল ।

কি । ( নিম্নদৃষ্টি ও নিরুত্তর )

জ । মা ! আমার বলা উচিত নয়, তোমার পিতার ইচ্ছা বিরুদ্ধ ; কিন্তু তোমার জীবন আগে রেখে এ ক্ষেত্রে সাংসারিক 'উচিত অসুচিত' একবার পেছনে রাখলে ধর্মহানি হবে না ; তাই বলছি, তুমি মণি সম্বন্ধে কুচিন্তা করো না । মণির সঙ্গে আমার সম্প্রতি দেখা হয়েছে । সে আজ ৫৬ দিন হল কলকাতায় এসেছে, আবার কিন্তু ৫৭ দিনের মধ্যে চলে যাবে । তাকে যেত আমি কিছুতেই দেব না, আর গেলে সে বাঁচবে না । তার আকার দেখলে ভয় করে । দুঃখে দুঃখে, মনকষ্টে, অনাহারে, অনিদ্রায়, সে মরণকে খুব নিকট করে এনেছে । আর হতভাগার জীবনের উপর একটা বিকট তাচ্ছিল্য এসেছে, তাই-তেই আরও সর্বনাশ কচ্ছে । আমার সঙ্গে যে দিন দেখা

হল, সে দিন আর তার আগের দিন, দিনে রেতে শুধু ছ'পয়সা শুকনো মুড়ির ওপর দে কাটিয়েছে। তুমি ভেব না! যে কোন রকমে হোক একটা প্রতিকার আমি করছি। তবে তোমার বাবা মহা প্রতিবন্ধক। তাঁর ধনুক-ভাঙ্গা পণ, তার মুখ দেখব না—মেয়েকে হত্যা করি, নিজে মরব, তবু তার মুখ দেখব না। আর সেও স্বভাবতঃ দারুণ অভিমানী; এক অভিমানেই তার চিরকাল সর্বনাশ করেছে, আর দারিদ্র্যে সে অভিমান বিশৃঙ্খল বেড়েছে। সুতরাং বাপার সোজা নয়।

কি। ( জগদীশের পায় পড়িয়া ) কি হবে মামা! কি হবে?

জ। ওঠ মা ওঠ, ভয় কি? ভগবানকে ডাক। তিনিই ব্যবস্থা করে দেবেন।

কি। মনুর কথা—

জ। তোমাদের প্রসঙ্গও না—কোন কথাই ভিজ্জেস কল্পে না। বরং আমি যতবার তোমাদের কথা পাড়তে গেলুম, পাঁচটা পাশকথায় চাপা দিলে।

কি। ( কাতর স্বরে ) মামা—

জ। কোন ভয় নাই। আমার ওপর নির্ভর কর। তুমি ব্যাকুল হয়ে অসুখে পড়লে, সব নষ্ট হবে। তোমার বাবাকে এখন কিছু বোল না। আমি যাই। তোমার বাবা আসবেন বলে গেলেন, তা' কই এলেন না তো। এলে বোলো, আমি চলে যাচ্ছি, আমার আর এক জায়গার হয়ে যেতে হবে।

কি। ( পুনর্বার জগদীশের চরণ ধরিয়া সরোদনে ) মামা! আর যেন যান না। আপনি দেখবেন, আপনার কাছে রাখবেন—আর উপোস কত্তে দেবেন না। মামা! অনেক দিন উপোস

করে আসছেন, উপোস তাঁর অভ্যস্ত হয়ে গেছে, আপনি সে অভ্যাস থেকে তাঁকে মুক্ত করবেন। তাঁর জীবনে তাচ্ছিল্য জগতের অকৃতজ্ঞতায়। যাদের জন্তু ভিখারী, তারা সুখের সমুদ্রে ভাসচে, তারা আজ হৃৎক স্বতে পরিপুষ্ট, তাঁর ভাগ্যে মুড়ি। তিনি একাকী; সমস্ত জগতে 'বোস' এ কথা বলবার লোক নেই। রৌদ্রতাপে, বারিধারায়, শরতে, শীতে—একাকী; আর তারা আজ সহস্র সহস্র সেবক-সেবিকা-পরিবৃত। তাঁর চেয়ে দুঃখী নাই, তাঁর চেয়ে অভাগ্য নাই। মামা! আপনি দেখবেন, আপনি রাখবেন—আমি আর আপনাকে কি বলব। আমার প্রসঙ্গ তাঁর কাছে তুলবেন না, তা'হলে তাঁকে কিছুতেই রাখতে পারবেন না; আমার ঘৃণায় তিনি সমগ্র মানব জাতিকে ঘৃণা করেন।

কঃ ( কিশোরীকে জোরে তুলিয়া ) ছি মা—কেঁদ না, এমন দিন থাকবে না। তুমি নিশ্চিত থাক, ভগবান ভালই করবেন।

( প্রস্থান )

( মমুর প্রবেশ )

। ও কে গেল মা—কাল দাদা না ?

কি। মমু—মমু! ( মমুকে কোলে তুলিয়া ও মুখচুষন করিয়া ) বাপ আমার—

ম। মা, তুমি কাঁদছিলে ?

কি। চুপ কর বাবা! তোমার দাদাবাবু আসছেন।

( অন্নদাবাবুর প্রবেশ । )

অ। এই মাত্র তুমি কোথা গিছলে, কিশোরী! জগদীশ চলে গেছে ?

কি। হাঁ, তাঁকে আর কোথায় যেতে হবে, তাই আর বেশীক্ষণ বসতে পারেন না, আপনাকে বলতে বলে গেছেন ।

অ। কিশোরি! তোমার চেহারা দিন দিন বড়ই দুর্বল দেখাচ্ছে, অথচ কি রকম অসুখ তুমি অনুভব কর, তা আমাকে বল না। ডাক্তার আনতে গেলে বারণ কর ।

কি। ডাক্তার আনবার আবশ্যিকতা দেখি না, তাই আনতে বারণ করি ।

অ। কিশোরি! তুমি জান, আমাদের সংসারের একমাত্র বাঁধন তুমি? তোমার সুখ, তোমার স্বাস্থ্য, তোমার সচ্ছন্দতায়, আমার সুখ, আমার স্বাস্থ্য, আমার সচ্ছন্দতা ।

কি। তা আমি জানি। আপনি আমাকে সহস্র সুখেই ত রেখেছেন ।

অ। আমি তোমায় সুখে রাখতে পারি, কিন্তু তুমি সুখে আছ কি? চুপ করে রইলে কেন? বল ।

কি। ( নিরুত্তর )

অ। তবে জগদীশের সৎকর্মেই সত্য। তুমি সেই হতছারা পাজি ছোঁড়াটার চিন্তা করে আপনাকে রুগ্ন করে তুলচ। তোমাকে শিক্ষিত করার আমার ফল এই? যে কদাচার মূর্খ তোমার পারের ধুলো মোছবার উপযুক্ত নয়—

কি। বাবা! আমাকে ক্ষমা করুন। অবধা কটু ভাষার প্রয়োগ করবেন না। তিনি আমার স্বামী, এবং তিনি সংসারে আদর্শ মানব। শত শত জন্মের শিক্ষাতে বা সম্পদে, আমি তাঁর উচ্চতা উপলব্ধি করতে পারি না।

অ। বটে—বটে—বটে? আমার আদরের, যত্নের, স্নেহের, মমতার, এই ফল বটে? আমার যে অপমান করে, সে সংসারে তোমার চক্ষে দেবতা? স্ত্রী পুত্রের গ্রাসাচ্ছাদন-সংগ্রহে যে অশক্ত,

সে সংসারে মহাপুরুষ? শোন কিণোরি! শেষ কথা আমার শোন। যদি তার চিন্তা তুমি হৃদয়ে আর পোষণ কর, যদি কখন ভবিষ্যতে আমার বাটিতে সে পাপ নামের উচ্চারণ আমার কর্ণে আসে, তা হলে তোমার প্রতি আমার মমতার স্রোত, অভিশাপের অগ্নিকুণ্ডে পরিণত হবে—আমি আত্মহত্যা করব, তুমি পিতৃহত্যার পাতকিনী হবে—তোমার সর্বনাশ হবে, তোমার ইহকাল পরকাল জলে বাবে তোমার—

কি। (হস্ত ধরিয়া) বাবা! বাবা! কি কচ্ছেন—কি বলছেন?  
রক্ষা করুন, চুপ করুন, আমায় ক্ষমা করুন, নিবৃত্ত হোন—

অ। এই আমার শেষ কথা।

(প্রস্থান)

কি। (দীর্ঘ নিশ্বাসের সহিত) হা ভাগ্য!!

(বিষুর মার প্রবেশ)

বি মা। এই ঘরে খাবার আনব?

কি। আন।

বি মা। আনি।

(প্রস্থান)

কি। বিষুর মা!

বি মা। এই যে। ডাকলে দিদিমনি?

কি। বেক্স ঠাকুরগণকে আজ সারাদিন দেখেছ?

বি মা। কই না। আজ কই তার দোরণ্ড খোলা দেখিনি। এমন ভাল মানুষ দেখিনি দিদিমনি। মুখে রা'টী নেই। মানুষ বড় হলে কত খিটখিটে হয়; তা এত বড়ো হয়েছে, এত শোক পেয়েছে, এত কষ্টে আছে—কিন্তু এমন বামনের মেয়ে।

কি। দেখ বিষুর মা! আমি এইমাত্র শুনলুম বেক্স ঠাকুরগণ আজ

সারাদিন উঠতে পারেনি। আপনি খায়, তা আজকে খেতে  
পায়নি, পয়সা নেই। আমার কাছে এলে পাছে আমি কিছু  
দিই বলে, আমার কাছে আসেনি। আমায় বলে, যা তোমার  
• নিরেছি তাই আগে শোধ দিই, তবে আবার নোব। তা  
বিষুর মা! তুমি একটা কাষ করবে ?

বি মা। কি কাষ, কেন কর্জ না, বল না।

কি। তুমি চুপি চুপি—দেখো গোল হলে, সে যদি টের পায় আমি  
পয়সা দিয়ে আনিরেছি। তা' হলে কোন কার্যই হবে না সে  
কোন রকমেই নেবে না—কেউ না জানতে পারে, এমন করে  
এক ভরি আপনি এনে আমার কাছে দিয়ে যাও, আমি বেঙ্গ  
ঠাকরণকে—মেজ ঠাকুমা আপনি খায়, তার কাছে থেকে  
চেরে নি'এলুম বলে—দিয়ে আসব। শুনেছি আপনিথোরেরা  
আপনি না খেলে মরে যায়। আহা বিষুর মা! এই কাজটি  
কর, আমাকে চুপি চুপি আপনি এনে দাও।

বি মা। বেশ ত বেশ ত, এই তোমায় খাবার দিয়ে যাই। তুমি টাকা  
বার কর।

কি। আহা! তুমি আগে যাও, আমাকে খাবার আধ ঘণ্টা বাদে  
হলে ক্ষতি কি হবে, বল। উদিকে একটি বুড়ো বামনের  
মেয়ের প্রাণ যায়।

বি মা। আচ্ছা যাই। এক ভরি? কত নেবে?

কি। এক টাকার ভেতর, তা যতই নিক। চল আমিও একবার  
নীচে যাব।

( উভয়ের প্রস্থান )

## ষষ্ঠ দৃশ্য।

কর্ণওয়ালিস্ ট্রাট—শ্যামবাজার।

তারক বাবুর কলিকাতার বাটী।

তারক বাবুর বসিবার ঘর।

সারদা আসীন।

সা। শম্ভুকে নে'আসা হয়েছে সাক্ষী হবার জন্তে! শম্ভু তার সম্পর্কে মেসো হয়, এই সুবাদে আমার পরিবার আরও জোর করে শম্ভুকে নি'এসেছে। এ সব কারদানী যেন আমি বুঝতে পারিনি। দেখি বাবা! সারদা ত মুখখু, তার সমান তোমরা কোন ব্যাটা বেটী বুঝি ধর? বেজা বেঁচে থাক, বেজা ওর মতন সাতলৈ বুড়াকে আর আমার মাগ বেটীর মতন সাতাশীটা মাগীকে দশ বার বেচে কিনে আনতে পারে। বেজাই ত আমার চোক ফুটিয়ে দিলে। সেই ত বল্লে যে সারু! কেবল তোমাকে রেখে গেল কেন? সবাই যদি কল্কেতার বাড়ীতে গেল, তোমাকেও নে গেল না কেন? বোধ হয় তোমার আড়ালে নিঃস্বাক্ষাটে উইলটা করে নেবে। সেই বলা, অমনি বেজাকে নে রেল উঠা—এই ত এসে প'উচুচ্চি, এখন দেখি কে কি করে।

( বিকাশ বাবুর প্রবেশ )

বি। এই যে সারদা বাবু—কখন এলেন?

সা। এই ঘণ্টা ধানেক হল এসেছি। উকিল বাবু! আপনি ভাল আছেন ত?



বি। আজ্ঞে হাঁ—আপনি ভাল আছেন ?

সা। উকিল বাবু! দাদা আমাকে বঞ্চিত করে উইল কচ্ছেন, এটা কি তাঁর উচিত ?

বি। আমরা যে ব্যবসা করে খাই, সারদা বাবু!.. তাতে আগে আমাদের 'উচিত অনুচিত' গঙ্গায় ভাসিয়ে দিতে হয়।

সা। উইল কি হয়ে গেছে ?

বি। ( ইতস্ততঃ করিয়া ) প্রায় হয়ে গেছেই ধরুন। আর ৫।৭ দিনের মধ্যেই হয়ে যাবে।

সা। তা হলে এখনও একেবারে হয়নি ? আমি জিজ্ঞাসা করছি কেননা, যদি না হয়ে গিয়ে থাকে তো দাদাকে বুঝিয়ে তাঁর মত যদি ফেরাতে পারি।

বি। বেশ ত চেষ্টা করুন না।

সা। দাদা এর পূর্বে একখানি উইল করছিলেন জানেন ?

বি। আমাদের আপিস থেকে সে উইল তয়ের হয়েছিল।

সা। তাতে যথাসর্বস্ব আমাকেই দিছিলেন। এ নতুন উইল দাদা যদি যতদূর হয়েছে হোক গে—আর না করেন, তা হলে সেই আগের উইলই বাহাল থাকবে ?

বি। নিশ্চয়ই।

সা। ( স্বগত ) যাই, বেজাকে বাইরে খপর দিইগে। আচ্ছা উকীল বাবু! বসুন, বাইরে আমার একটা বন্ধু আমাদের দেশ থেকে আমার সঙ্গে এসেছেন, তাঁর জলটল খাওয়ার ব্যবস্থা করিগে।

বি। আনুন।

( সারদার প্রস্থান )

( তারক বাবুর প্রবেশ )

তা। এই যে বিকাশ বাবু! আপনি একলা যে? এ ঘর থেকে কথার শব্দ পাচ্ছিলুম না?

বি। আজে হাঁ—সারদা বাবুর সঙ্গে কথা কচ্ছিলুম।

তা। সারদাবাবু? সে কখন এল?

বি। এই খানিকক্ষণ হল এসেছেন, বল্লেন। তিনি, আর তাঁর একজন কে দেশীয় বন্ধু তাঁর সঙ্গে এসেছেন।

তা। বটে। আপনাকে কি বলছিল?

বি। এই উইলের কথাই হচ্ছিল। আমাকে জিজ্ঞাসা কচ্ছিলেন, উইল কি তৈয়ের হয়ে গেছে? আপনার আমার উপর অনুমতি ছিল, উইল রেজেষ্টারী হয়ে গেছে কেউ জিজ্ঞেস করলে, আমি না বলি। কাজেই আমাকে সারদাবাবুকে বলতে হল, যে এখনও ৫।৭ দিন উইল শেষ হবার বাকী আছে।

তা। বেশ করেছেন। উইল রেজেষ্টারী অফিস থেকে ফিরে পেয়েছেন?

বি। কাল বিকালে পেয়েছি। এই নিন।

তা। (উইল গ্রহণ করিয়া) আপনি আবার ব'য়ে আনতে গেলেন কেন?

আমি, কি আমার লোক, গিয়ে আনত।

বি। তাতে ক্ষতি কি হয়েছে? এ সব জিনিষে অপর লোককে বিশ্বাস নেই।

তা। তা ঠিক। যাক, এখন নিশ্চিত। আর কোন ফঁাসাদ নেই?

বি। কিছু না। তবে বসতে আজ্ঞা হোক। আপনাদের এ পাড়ায় অর্থাৎ শ্রামবাজারে, আমার আর একটু দরকার আছে। সেটা সেরে ফেরবার সময় যদি সময় থাকে, তো দেখা করে যাব।

তা। আচ্ছা—আর কি বলব। তামাকটা পর্য্যন্ত খান না, সেই যে উপ-

লক্ষ্যে একটু বসিয়ে রাখব । একটা কথা—আমার মৃত্যুর পর মণীন্দ্রনাথ রায়ের যদি সন্ধান পাওয়া যায়, তা হলে তৎক্ষণাৎ তাকে তার প্রাপ্য বিষয় ও টাকা যেন বুঝিয়ে দেওয়া হয় । নচেৎ আমার মৃত্যুর দুই বৎসর পরে, তাহার স্ত্রী কিম্বা পুত্রকে এ বিষয় জ্ঞাপন করা হয় ।

বি । আপনি বলেছিলেন । আমার নোট করা আছে ।

( ঈষৎ হাস্যের সহিত বিকাশ বাবুর প্রস্থান )

( নবাব প্রবেশ )

তা । নবা—শম্ভুবাবু কোথায় রে—তঁাকে আজ সকালে দেখতে পাচ্ছি না ?

ন । বাইরে কোথায় বেড়াচ্ছেন ! আমার স্মৃতিতে ত.বেরোন না বাবু । আমাকে দেখলেই শিউরে কোথাও সরে যান ।

তা । কাল রাত্তিরে পড়ে গিছিলেন, কোথাও লাগেনি ত ?

ন । খুব সামলে গিছিলেন । রাত্তিরে পাথুরে কাণা হয়, কিছু দেখতে পার না ।

তা । বড় বাবু এসেছে নাকি ?

ন । আজ্ঞে হাঁ, বড় বাবু আর ব্রজ বাবু । এই তাঁরা দুজনে পাইচারী কত্তে কত্তে রাস্তার দিকে গেলেন ।

তা । মোক্ষদাকে ডাক ।

ন । যে আজ্ঞে ।

( নবাব প্রস্থান )

তা । হরেন মৈব কেবলম্ ।

( মোক্ষদার প্রবেশ )

এস মোক্ষদা ! এ কাগজ খানি আমার শেষ উইল । যত্ন করে পোড়ো । তুমি পড়বে বলে, আমি উকীলের বাড়ী হলেও, বাংলার

- তৈয়ের করিয়েছি। এখানি যত্ন করে রেখে দিও। এর দুই এক জন শত্রু আছে। অতএব বিশেষ সাবধানে রক্ষা কোরো।
- মো। যে আজ্ঞে।
- তা। তুমি কাল বেড়াতে গিয়েছিলে ?
- মো। আজ্ঞে হাঁ, পরেশনাথের মন্দির দেখতে গিছলুম। ঐ ভেবেই ত মেশো মশাইকে নি'এসেছিলুম, তাঁকে যখন যেথায় বলি, তিনি নিয়ে যান।
- তা। শত্ৰু বাবু যে তোমার সম্পর্কে মেশো মশাই হন, তা আমি ভুলে গিছলুম। এখন স্মরণ হচ্ছে, তোমার বাবা বলতেন বটে।
- মো। স্নানের উদ্যোগ করুন না। কলকোতায় এসে আপনি একটু ভাল আছেন বলে বোধ হচ্ছে।
- তা। বুকের অমুখটা পরশু থেকে এক একবার টের পাচ্ছি। তা ওত সঙ্কের সাথী; তবে অণু হিসেবে বেশ আছি। শরীরে কোনই মানি নাই। ওই শরীর ভাল থাকে বলেই ত কলকোতাবাসী হয়েছিলুম। তবে নেহাত পৈতৃক ভিটেটা শ্রীল কুকুরের বাসা হয়, এই জন্যে এই শেষের ক'বচ্ছর—ছ'বচ্ছর বুঝি ?
- মো। হ্যাঁ, ছ'বচ্ছর।
- তা। এই গত ছ'বচ্ছর দেশে ছিলুম। আর যে ক'বচ্ছর পরমায়ু আছে, এইখানেই কাটাতে হবে। কালী আছেন, গঙ্গা আছেন, বয়সও বিস্তর হল, কবে কি হবে,—না, আর অগঙ্গার দেশে যাব না আমার মৃত্যুর পর তোমার যা ইচ্ছে হয় কোরো।
- মো। আপনি ও কথা বলে আমাদের কষ্ট হয়।
- তা। তুমি ভেতরে যাও। আমি একটু বাদে স্নান করব। দেখো উইল সাবধানে রেখো।

মো । লোহার সিক্ককে রাখিগে ।

তা । নবাকে দেখতে পাওতো ডেকে দিও ।

মো । আচ্ছা ।

( প্রস্থান )

তা । নব ! বড় বাবু এলে আমার কাছে পাঠিয়ে দিস ।

ন । যে আজে ।

( নবাব প্রস্থান )

( সারদার প্রবেশ )

তা । তুমি কবে এলে ?

সা । আজ এসেছি—এই ঘণ্টাখানেক হল ।

তা । আমি কি তোমাকে আসতে বলেছিলাম ?

সা । না ।

তা । তবে কেন এলে ? সেখানে বাড়ীতে কে রইল ?

সা । বী আছে, দরওয়ান আছে ।

তা । তবে ত ঢের আছে । তোমার এখানে আসবার প্রয়োজন কি হল ?

ন । আমি কি সেখানে একলা থাকব ?

তা । আমরা থাকলেই কোন তুমি আমাদের কাছে থাক ? এখনি খেয়ে দেয়ে তুমি ফিরে যাও ।

সা । আর এখানে আমার আড়ালে বেশ সুবিধেয় উইলখানি তোমের হোক ।

তা । কি ?

সা । কি আবার কি ? এখানে আমার পরিবার হারামজাদি আছে, সে বেশ ফুসলোনি দেবে—বস, আমাকে তাড়িয়ে নিঃস্বপ্নাটে উইল তৈয়ের হোক, আর মগে ব্যাটাচ্ছেলে সব পাক ! কেমন

ও ঔষধের শিশি তারক বাবুর বুকের উপর ফেলিয়া দিয়া, উচ্চৈঃ-  
 স্বরে ) নবা ! নবা ! ওরে নবা ! ওরে কে আছিসরে—শিগগির  
 আর, শিগগির আর, দাদার ব্যথা লেগেছে—কেমন ধারা কছে—  
 ( দ্রুত নবার প্রবেশ, মোক্ষদার প্রবেশ. শঙ্কর প্রবেশ, ব্রজর প্রবেশ ।  
 সকলের গোলমাল, চীৎকার, ক্রন্দন ও দুই চারিজন পথিকের  
 প্রবেশ, ডাক্তার আনিবার পরামর্শ ইত্যাদি )

( দ্রুত বিকাশ বাবুর প্রবেশ )

বি। অ্যা ! এ কি ? কি সর্বনাশ হয়ে গেছে ? এই যে আমার সঙ্গে  
 কথা কইলেন—

সা। ( কাঁদিতে কাঁদিতে ) আমার ওপর রেগে উঠতেই ব্যথা ধরল ।  
 আমি দেবাজের ভেতর থেকে ওষুধ বার করে দিতে যেতেই, নিজের  
 কেড়ে নিয়ে মুখে ঢেলে দিলেন, আর অমনি শিশি বুকের ওপর  
 পড়ে গেল, আর সব স্থির । উকিলবাবু এখানে ভাল ডাক্তার কে ?

বি। আর কার জন্তে ডাক্তার ? এখন বিধাতা পুরুষ এলেও ফল নেই ।  
 এখন ডাক্তার না ডেকে ওয় সদগতির ব্যবস্থা করুন । হা  
 ভগবান ! কেবল উইলখানির জন্যই যেন বেঁচেছিলেন ।

সা। ( সোৎকণ্ঠায় ) উইল ত এখনও তৈয়ের হয়নি ?

বি। এই এক ঘণ্টা হল শুঁকে দিয়ে গেছি ।

সা। তবে আপনি আমায় বল্লেন—

কি। আপনাকে বলতে বারণ করে দিচ্ছিলেন । আহা, এই মানবের  
 জীবন ! এখন সব বাইরে আনুন, অন্য ব্যবস্থা দেখা যাক ।

( সারদা ও মোক্ষদা ব্যতীত সকলের প্রস্থান )

( পটক্ষেপণ )

অ । ( স্বগত ) বিষের পরে আবার পুকুর কেন ? ( প্রকাশ্যে ) মনু কোথায় ? খাবার সময় তাকে দেখিনি ।

কি । তাকে আজ সকাল সকাল খাইয়ে তার দরওয়ান এই কাছেই কোথায় কি তামাসা হচ্ছে, দেখতে নেগেছে ।

অ । তুমি আজ স্নান করনি ?

কি । করেছি ।

অ । তেল মাখনি ? অত রুক্ষু রুক্ষু দেখাচ্ছে ?

কি । বলতে পারি না, তেল মেখেছিলুম ।

( জনৈক পরিচারকের প্রবেশ )

অ । ( পরিচারকের প্রতি ) কি রে ?

প । সদর দোরে গাড়ীর ভেতর কে একজন মেয়ে মানুষ এয়েছেন, দাঁদবাবুর সঙ্গে দেখা করতে চান ।

অ । কে—তুই চিন্তে পারি নি ?

প । আজ্ঞে না, ঘোমটা দেওয়া ।

অ । কারও আসবার কথা ছিল কিশোরি ?

কি । আমার ত মনে হয় না ।

অ । জগদীশ দিনকতক হল একদিন আমায় বলেছিল, তার পিসীমা তোমাকে দেখতে আসতে চান । তিনিই বা । আর স্ত্রীলোক, যেই হোন না । ( পরিচারকের প্রতি ) ঝীকে সঙ্গে করে তুই তাঁকে যত্ন করে এই ঘরে নে আয় । আমি সরে যাচ্ছি ।

প । যে আজ্ঞে । ( পরিচারকের প্রস্থান )

অ । কিশোরি ! আমার একজন বন্ধু ১০।১৫ দিনের মধ্যে সপরিবারে হরিদ্বারে বেড়াতে যাবেন, আমাকেও অনুরোধ করেন তোমাকে নে তাঁর সঙ্গে যাই । তোমার কি মত ?

কি । আমাকে যেমন আচ্ছা কর্বেন আমি তেমনি কর্ব ।

অ । আচ্ছা, এ বিষয়ে সমরাস্তুরে কথা কইব । আমি বাহিরে চন্দ্রম ।  
অই বুঝি সেই স্ত্রীলোকটি আস্চেন ।

( এক দ্বার দিয়া অন্নদা বাবুর প্রস্থান, অন্য দ্বার দিয়া মোক্ষদার,  
পরিচারক ও পরিচারিকার সহিত প্রবেশ )

কি । ( মোক্ষদাকে বসাইয়া ) আসুন—বসুন ।

মো । ( কিশোরীকে অনেকক্ষণ ধরিয়া অবলোকনাস্তুর, পরিচারক ও  
পরিচারিকার উদ্দেশে ) তোমরা যেতে পার । ( স্বগত ) মণিদা'র  
চক্ষের ভুল নয়, আমার অনুমানেরই ভুল । প্রাণ দে ভালবাসার  
রূপ বটে !

( পরিচারক ও পরিচারিকার প্রস্থান )

মো । ( কিশোরীর প্রতি ) আশ্চর্য্য হয়েছ—আমি কে, আমাকে কখন  
দেখনি তাই, না ?

কি । অপনাকে কখন দেখিনি বটে, তবে আপনি কে তা, ভাবি না ।  
আপনি নিশ্চয়ই আমার কোন আত্মীয়া হবেন ।

মো । ( স্বগত ) আস্তরিক নয় । ( প্রকাশ্যে ) আমি তোমার বড় জা—  
বুঝতে পাচ্ছ ?

কি । ( ঈষৎ বিলম্বে ) পেরেছি । ( মোক্ষদাকে প্রণাম )

মো । ( কিশোরীকে উঠাইয়া ) সম্প্রতি আমাদের সর্বনাশের কথা  
শুনেছ ?

কি । কাগজে দেখিছি । ক'দিন হ'ল ।

মো । আজ দিন দশ বার ।

কি । এখন কলকেশার বাড়ীতেই থাকা হবে ?



মনুকে না দিয়ে, প্রাণ আমার বেরোবে মা—কিছুতেই বেরোবে না—বেরুতে পার্কে না—এটা স্থির, নিশ্চয়। আমার প্রাণ যার-তার প্রাণ নয়, রাবণের প্রাণ—নিজের মৃত্যুবাণ ভিন্ন মরণ নেই। আমার মৃত্যুবাণ তাঁর হাতে।

মো। (স্বগত) আমি এক একবার ঘুণায় ভাবতেম, মণিদাদা সমুদ্রের পরিত্যাগ করে তড়াগে ঝাঁপিয়ে পড়ল গে; তা ত নয়—তাও আমার মস্ত ভুল। এ যে মহাসমুদ্র। ভাল, শেষ পরীক্ষাটা করে দেখি। (প্রকাশ্যে) আমি ও ভাবে বলছিলাম না। আমি বলছিলাম, আমরা ত পুরুষদের সংসারে কতকগুলো মাটির বাসন মাত্র। ষতদিন সংসার পাতা থাকে, ততদিন তারা আমাদের নাড়ে চাড়ে; সংসার গুড়ুলে যেখানকার হাঁড়ি কলসী সেইখানেই ফেলে রাখে, তুলে রাস্তায় ফেলবারও আবশ্যিকতা দেখে না, আমাদের এতই অসার ভাবে। আবার যে দেশেই সংসার পাতুক না, মেটে কলসীর অভাব হবে না জানে। তা এতদিন যখন এ সংসার মণিদাদা গুটিয়েছে, তখন আবার যদি কখন তার সঙ্গে তোমার দেখা হয়, তখন কি যে তোমায় দেখতে হবে, তার ত ঠিক নেই। ওর চেয়ে আমাদের—মাটির বাসনদের—আগে থেকেই আপনা আপনি চুরমার হওয়া ভাল না?

কি। আপনি পাগল—আমার সে ভাবনা মোটেই নেই। তিনি সাধারণ মানুষের চেয়ে অনেক উঁচু। আর সাধারণ মানুষ হিসেবে ধল্লোও, যে কারণে তিনি দেশান্তরিত, সে কারণ তাঁর আমরণ বিশ্বৃত হবার নয়; আর সে কারণ বিশ্বৃত না হলে, আমাদের অধম জাতিকে তিনি নরকের অপেক্ষাও অধিক ঘুণা করবেন—জীবনে কখন জীজাতির মুখ দেখবেন না।

• নয়, আমাদের বংশ-পরম্পরা-গত একটি ইতিহাস ; এ বংশ সংশ্লিষ্ট সকলেরই জ্ঞাতব্য । ( কিশোরীকে কাগজ দান ) আমি তবে এখন আসি ।

কি । একটু জলটন খেয়ে যান ।

মো । না বোন ! এখন না, সময়ান্তরে খাব । ( স্বগত ) পাপের তো আমার বিশেষ টানাটানি নেই, আর তোমার পরিচর্যাটা গ্রহণ করি কেন । ( প্রকাশ্যে ) আসি ।

কি । ( প্রণাম করিয়া ) চলুন । আপনাকে রেখে আসি । আবার আসবেন ।

মো । আসব বৈকি । ( স্বগত ) যদি আসতে দাও, যদি এ মুখ দেখ ।  
( উভয়ের প্রস্থান )

পটপরিবর্তন ।

চোরবাগান—

( রাজা রাজেন্দ্র মল্লিকের সদর । )

মহু ও মণীন্দ্র ।

মহু । ( ঘুঁড়ি ও লাটাই দেখিতে দেখিতে ) উঃ ! কত স্ততো—কত গুলো ঘুঁড়ি । বাঃ ! একটু কাই চেয়ে আনেন নি ? ঘুঁড়ি ছিঁড়ে গেলে জুড়ব কেমন করে ? আচ্ছা, বামুনঠাকুরকে বলব, একটু তৈএর ক'রে দেবে । আপনি ঘুঁড়ি ওড়ান না ?

মণি । বাবা ! আমি ঘুঁড়ি ওড়াতুম । শেষে ওড়াতে ওড়াতে একদিন

হাতের গোড়া থেকে উখড়ে গিয়ে, স্ত্রীতো ঘুঁড়ি সব কোথাক  
চলে গেল । আমিও সেই দিন থেকে লাটাই পুড়িয়ে ফেলিছি ।

মহু । হাতের গোড়া থেকে উখড়ে গেল ? আহা, কেউ ধরতে  
পাল্লে না ?

মণি । কেউ ধল্লে না ।

মহু । অত পল্কা স্ত্রীতোয় ওড়াতেন কেন ?

মণি । স্ত্রীতো অত পল্কা, আগে বুঝতে পারিনি ।

মহু । কার সঙ্গে পাঁচ খেলতেন ?

মণি । ভাগ্যের সঙ্গে ।

মহু । সে বুঝি আপনাদের পাড়ার লোক ?

মণি । হ্যাঁ, সে আমার পেছু পেছু বরাবর ঘুরত । মহু ! তুমি আমার  
মত পল্কা স্ত্রীতোয় কখন ঘুঁড়ি উড়িও না ।

মহু । কখন না । আমি নতুন স্ত্রীতো বই কখন ওড়াই না ।

মণি । মহু ! এইবার একবার তুমি আমার কোলে এস, এইবার আমি  
চলে যাব ।

মহু । এই ত আমি কোলে গিচ্ছলুম ।

মণি । আর একবার এস ( মহুকে কোলে লইয়া মুখচুষন )

মহু । আপনি কাঁদছেন কেন ?

মণি । কই কাঁদি নি ত ।

মহু । আপনার চখের জল যে মুখে লাগল । কি ভাবছেন ?

মণি । আমারও তোমার মত একটা ছেলে আছে, তার কথা ভাবছি,  
মহু !

মহু । তার নাম কি ?

মণি । তার নামও মহু ।

মহু। বাঃ বাঃ! ভারি মজা। সেও ঘুঁড়ি ওড়ায়? ঐ দরওয়ান আসচে, আমি যাই।

মণি। (মহুকে আলিঙ্গন ও পুনর্বার মুখচুম্বন, পরে নামাইয়া দিয়া)  
এস বাবা? আমিও যাই। আমাকে মনে রাখবে?

মহু। হু। আপনি আবার কবে আসবেন?

মণি। আর আসব না—শিগ্গির আসব না (স্বগত) বাপরে! তোর এক গণ্ডুষ জল আমার কপালে নেই।

মহু। আসবেন বৈকি, শিগ্গিরই আসবেন—আমি বলছি, দেখে নেবেন। এবার আমার জন্তে যখন ঘুঁড়ি আনবেন, তখন একটু লেই চেয়ে আনবেন। তেঁতুলের আঠায় ঘুঁড়ি ভাল দোড়া যায় না।

( দরওয়ানের প্রবেশ )

দ। ( মণির প্রতি ) কেয়া বাবুজি! খুসি হুয়া?

মণি। হাঁ দরওয়ানজি! খুব খুসি হয়েছি।

দ। এইবার হামাকে খুসি করবে।

মহু। দরওয়ান! তুমি আমার লাটাই আর ঘুঁড়ি নি'এস, আমি হাড়গেলাটাকে ধরি। কাখ্খেও যদি একখানা ঘুঁড়ি দাও, তো  
মেয়ে ফেলব। ( ছুটিয়া প্রশ্নান )

মণি। ( মহুর দিকে তাকাইয়া ) দরওয়ানজি! মহুকে একলা রাস্তায় যেতে দিও না। ও আমার অনেক কষ্টের ধ—ন। আ, হতভাগা মন!—এই নাও দরওয়ানজি।

দ। বাবু! আমি একটি টাকার কম নেবে না।

মণি। এই দুটা টাকা নাও। যাও, মহুবাবু কোথা একলা ছুটে গেল, দেখগে।

দ । বন্দেগি, বহুত বহুত বন্দেগি । বাবুজি ! আবার কবে আসবেন ?

মণি । বলতে পারি না । তুমি যাও, সে কোথায় ছুটে গেল ।

দ । বন্দেগি, বাবুজি, বন্দেগি । ইল্লত সিং, হামার নাম ইল্লত সিং,  
বাবুজি যব্ আসবে, ইল্লত সিংকে বোলায়বে ।

( প্রস্থান )

মণি । আর কেন, উদ্বেগ পূর্ণ হয়েছে—প্রাণ জুড়িয়েছে ! এইবার  
প্রস্থান । আর জগদীশের অনুরোধ শুনব না । চিড়িয়াখানায়  
দেখা, নিশ্চয়ই তার সঙ্গে শেষ দেখা হবে । কোথায় যাব ? হু' চকু  
যেথা যেতে চাইবে !

( প্রস্থান )

## দ্বিতীয় দৃশ্য ।

আলিপুরের চিড়িয়াখানা ।

জগদীশ ।

জ । অনেকক্ষণ ধরেই ত বেড়াচ্ছি, কই এখনও আসে না কেন ?  
পালান নাকি ? ঠিকালে ? না মিথ্যা সে বলবে না. তার পরম  
শত্রুও তাকে সে দোষে দোষী কত্তে পার্কে না । শিবদাস আগর-  
ওয়ালাদের কাছে লোক ত পাঠিয়েছিলুম, তারাই বা কত দূর  
কি কল্পে বুঝতে পাচ্ছি না । কাল একবার তিনকড়িকে পাঠাব ।  
আর ত সময় নেই—বড় জোর তিন দিন কি চার দিন । সব ঠিক  
থাকবে, যেই আমার বাগান থেকে বেরোবে, অমনি কঁয়াক করে  
ধরা ।

( মণীষ্মের প্রবেশ )

- স। এই যে! কতক্ষণ এয়েছ? আমার একটু দেবী হয়ে গেছে, সময়টা ঠাণ্ডর পাইনি। তোমার পারে পড়ি, এইবার আমার ছুটি দাও। পোড়া পেট ত চিরদিন সজ্জের সাথী জান, সুতরাং যে লোকের রূপায় পেটটা চল্চে, তাঁর অবাধ্য হয়ে পেটের যোগাড়টা খোয়ান উচিত কি? আজ সকালে আবার তাঁর চিঠি পেয়েছি।
- জ। ( স্বগত ) ছুটি একেবারেই দেবার যোগাড়ে ত ঘুচ্ছি, এখন ভগবানের হাত। ( প্রকাশে ) বেশ ত গো, যাও না ভাই। কোন এখানে থেকে বাহারবন্দের তালুকখানা আমার কিনে দেবে তোমার ও আছুরে ঢং আমার ভাল লাগে না।
- স। রাগ কর কেন? আমি অন্তায় কিছু বলিছি?
- জ। আর আমায় কি ডাম সুরার বলবে? বিলক্ষণ ছ' কথা বলচ। তোমার পেটের উপায় আমি ঘুচ্ছি, তোমার যে উপকারী তার কাছে তোমায় নেমথারাম বানাচ্ছি, আর কি বলবে বল ভাই! তোমার থাকার না থাকার আমার সত্য সত্যি ক্ষতি বৃদ্ধি কি বল? তবে অনেকদিনের পর এলে আত্মীয় বন্ধু বান্ধবে একটু পেড়াপিড়ি করেই থাকে। আর থাকলে যদি সত্য সত্যই তোমার কোন ক্ষতি হয়, তা হলে কোন বিবেচক লোকে তোমাকে থাকতে বলবে বল? তা এক কাষ কর, আজ হ'ল কি বার? সোমবার—এতদিন যখন গেছে, এই শুক্রবারে আমার পরিবারের কি ব্রত নাকি আছে—তার একান্ত ইচ্ছে, তুমি সেই দিন আমার বাড়ীতে পাতটা পাড়ো। শনিবার দিন তোমায় যদি থাকতে বলি, তো আমায় যে কটু শপথ কর্তে বল

আমি প্রস্তুত আছি । বাস্তবিক, তোমার ক্ষতি করবার কি আমার ইচ্ছা ? আর এক কথা, আমার ছেলেপুলেরা এখন আমার বাগানেই থাকে । আমি বাগান কিনিছি, তুমি দেখও নি । আমারও ইচ্ছা, তুমি বাগানটা একবার দেখ, তা এক কাজে দুই কাজ হবে ।

ম । অনেক দেৱী হয়ে পড়ে জগদীশ !

জ । ষাট হয়েছে, আমার কান মলে দাও । তোমার মত লোককে আবার লোকে অনুরোধ করে ? যাও ভাই ! আজ সন্ধ্যার গাড়ীতেই তুমি রওনা হও ।

ম । রাগ কর কেন ? তোমার কথা কি কখন আমি এড়িয়েছি, না কখন এড়াতে পারি ? একটা কথা বল—তার পর আর বলবে না !

জ । শপথ করুন, বিশ্বাস হল না ।

( শঙ্কর প্রবেশ )

শ । মণিবাবু না ?

ম । ( শঙ্করকে নিরীক্ষণ করিয়া ) কি গো শঙ্করবাবু ! ভাল ত ? অনেক দিনের পর দেখা, ঠাণ্ডর পাইনি । তার পর এখানে ?

শ । বল্চি, একবার উঠতে হবে—সারদার স্ত্রী আমার সঙ্গে আছে—সেই আমাকে তোমার দেখিয়ে দিলে তোমার কাছে পাঠালে । একবার তার সঙ্গে দেখা কল্পে ভাল হয় ।

ম । মোক্ষদা ? বউ ? আচ্ছা যাচ্ছি আপনি যান ।

জ । আর তোমায় যেতে হবে না, আমিই যাচ্ছি । অনেকক্ষণ থেকে এখানে তোমার অপেক্ষায় ছিলাম, দেৱী হয়ে গেছে । মনে থাকবে ? শুক্রবার দশটার ভেতর যাওয়া চাই । ঠিকানা জান ?

মো । বিশেষ দরকারী কথা, যেতেই হবে । এখানে দাঁড়িয়ে সে কথা  
হতেই পারে না ; কাল বিকেলে যেও, আমার মাথা খাও । সন্ধ্যা  
হয়ে এল, আমি বাড়ী চলুম । আমার মাথার দিক্বি—যাবে ?

ম । দেখি—

মো । দেখি না—যেও—আমার মাথা খাও । এস, মেসোমশায় !

( প্রস্থান )

ম । যত ঝঞ্জাট এড়াতে যাই, ততই গজায় ।

( প্রস্থান )

### তৃতীয় দৃশ্য ।

অন্নদা বাবুর বৈঠকখানা ।

( জগদীশ ও তিনকড়ির প্রবেশ ) ।

তি । আমি আর বসি কেন, তবে যাই ।

জ । হাঁ, তুই যা—শিবদাস আগরওয়ালার গদী হয়ে যাবি । বলবি,—  
পরশু ঠিক বেলা ২টার সময় আমার বাগানে—প্যান্দা সঙ্গে  
করে—বুঝলি—

তি । বুঝিছ কিম্ব মশায় ! মণিবাবু বড় গরীব, এ সর্বনাশ—হলে—

জ । তুই বাবু বেঙ্গ সভায় বক্তৃতা করগে, আগরওয়ালাদের গদীতে  
আমি নিজে যাব অখন । আমি কার মন্দ করি ভাল করি, তোর  
বাবার কি ?

তি । আজে হয়েছে, আমল্লু বি চা

( প্রস্থান )



- জ । সময় পেলেও তা কব'না । সে দিন থেকে মনে করেছি, কিশোরী ,  
সব্বন্ধে কথাবার্তা তোমার সঙ্গে আমার অমুচিত । কেন না, সেটা  
উভয়তঃই অপ্রিয় দাঁড়ায় ।
- অ । কিশোরী সব্বন্ধে কথাবার্তা নয় ।
- জ । কিশোরী সব্বন্ধে কথা শুরু কল্লেই, অল্প কথা আপনাপনি এসে  
পড়ে ।
- অ । তা ত নয়, তুমি ভক্তিয়াত্রা আরম্ভ করে একটা লক্ষ্মীছাড়া প্যালা  
গাইতে থাক, তাই অপ্রিয় দাঁড়ায় ।
- জ । তাই প্রতিজ্ঞা করিছি আর গাইব না, তোমার প্যালা বেঁচে গেল ।  
আর যখন—
- অ । ( জগদীশকে বাহুবন্ধ করিয়া ) জগদীশ ! জগদীশ ! একটা কথা  
বলবে ? সে ছোঁড়া এখানে এসেছে ? সত্যি বোলো, ঠিক  
বোলো ।
- জ । মধ্যে একদিন তার সঙ্গে আমার ঝাঝা হয়েছিল, তার পর আর  
দেখতে পাইনি । বলেছিল, ৩৪ দিনের ভেতর চলে যাবে, কোথায়  
ছেল বা কোথায় যাবে, তা বলেনি ; বোধ হয় গেছে—
- অ । ওঃ—তাই !
- জ । কি তাই, অন্নদাবাবু ?
- অ । তাই ঘুনিয়ে ঘুনিয়ে তোমাদের খোসামোদ করে বেড়াচ্ছে ।  
কিশোরী এখন বড়মানুষের মেয়ে, খণ্ডরের আর কেউ নেই, যদি  
দাঁড়াটা লাগে । না ?
- জ । মণি ! মণি ! এও তোমার ভাগ্যে ছেল রে ! অন্নদা বোস !  
তুমি ছোটলোক—তুমি ছোটলোক—তুমি হাড় ছোটলোক—আর  
আমি ব্যাটা ছোটলোক, তোমার সঙ্গে কথা কইতে আমি যেম্না

হবে। আনার সঙ্গে দেখা হয়েছে—তার প্রাণের তার ছিঁড়ে গিয়েছে বুঝতে পেরেছি, মনু কেমন আছে জিজ্ঞেস কর্তে ; তবু সে তা করে নি। আমি ঘুরিয়ে ও কথা পাড়তে গেছি, অন্য কথায় চাপা দিয়ে, আমাকে পাড়তে দেয়নি। ছি!

( প্রস্থান )

( অনন্দাবাবুর চিন্তামগ্ন, হস্তে মুখ লুকায়িত অবস্থায় অবস্থিতি )

( কিশোরীর প্রবেশ )

কি। বাবা! কি ভাবচেন? আপনি ও রকম করে বসে কেন?

অ। কিশোরী! তুমি প্রস্তুত হও, আমি কাল,—না পরশু—দিন পশ্চিম বেড়াতে যাব। তুমি যাবে, না যাবে না?

কি। এমন কথা আমার জিজ্ঞাসা কচ্ছেন কেন? আমি কেন যাব না?

অ। বেশ, বাড়ীর ভেতর গে আমার জলখাবার দিতে বল, আমি বেড়াতে বেরুব।

( কিশোরীর প্রস্থান )

( জগদীশের পুনঃপ্রবেশ )

জ। ( অনন্দার হস্ত ধরিয়া ) রাগ চণ্ডাল! কথায় কথায় কথা বেড়ে গেছে—আমার অনধিকার অনেক কথা তোমাকে বলিছি। অনন্দা বাবু! আমার ক্ষমা কর।—ভবিষ্যতে ও কথা তোমাতে আমাতে আর কখন না হয়, আমি তার ব্যবস্থা করব।

অ। না, তাতে কি হয়েছে? আমার বিশ্বাস, ভাষায় এমন কথাই নেই, যা আমার সম্বন্ধে তোমার অপ্রযুক্ত্য। ক্ষমার কথা যদি তোল, তো সেটা উভয়তই প্রার্থনীয়। যাক, ও কথা আর মনেই রেখে কাজ নাই।

করি না। তুমি পরের কতকগুলো টাকা পেয়ে, আপনার স্বভাবতঃ সঙ্কীর্ণ মত সঙ্কীর্ণতর করে তুলেছ। জ্ঞান, তোমাতে আমাতে স্বর্গমন্ত তফাত, তোমার চেয়ে আমি ঢের বড়লোক। কেন না, আমি রোজগার করে খাই, নামার টাকার জুড়ি হাঁকাই না। রোজগারের এক টাকা কত মিষ্টি, লক্ষ টাকাওলা পুষ্টি পুত্রের দল! তোমাদের তা কল্পনায় আসবে না। আমি তোমার চেয়ে উঁচু, আর আমার অপেক্ষা শত শত, সহস্র সহস্র, লক্ষ লক্ষ গুণ উঁচু সেই হতভাগা লক্ষ্মীছাড়া ছোঁড়া, তোমার জামাই, কিশোরীর স্বামী, আমার প্রাণের বন্ধু মণীন্দ্রনাথ রায়। কি তার অপরাধ বাবু বল ত? এক অপরাধ সে গরীব। যে ছেলেটির জন্তে সে সর্বস্বান্ত, যে ছেলেটি তার চক্ষের তারা, তার অর্থ-সর্বস্ব এবং সামর্থ্য দাম দিয়ে, যখন সে ছেলেটির রোগমুক্তি প্রায় ক্রয় করে আনলে, তখন তুমি তার স্ত্রী পুত্রের বন্ধু হয়ে, চলে ছেঁ। মারার মত তার অবর্তমানে তাদের তুলে নে এলে। অপরাধী সে? না, তুমি অন্নদা বাবু? পথক্লিষ্ট, মনঃক্লিষ্ট, অনাহারক্লিষ্ট, অভাগ্য, তার প্রাণের প্রাণ পুত্রটি যখন তোমার কাছে ভিক্ষা কত্তে এয়েছিল, তখন তুমি তাকে মেরে রক্তগঙ্গা করে তাড়িয়ে দিছিলে—পশু-ব্যবহার তার না তোমার অন্নদাবাবু? তার যথাসর্বস্বের মূল্য, তার প্রাণের প্রাণ, নয়ন-নন্দন একটীমাত্র পুত্র-রত্নকে ছিনিয়ে নিয়ে,—তাকে পথের ভিখারী, পাগল করে—দেশে দেশে—পথে পথে, তাড়িয়ে নে বেড়াচ্—পাপী কে? মণীন্দ্র রায়, না অন্নদা বাবু? সে তোমার অর্থলোভী? তুমি চেন না, তাকে চেন না, তাই ও কথা বলে। ব্রহ্মহত্যা কত্তে মতি হয় বরং কোরো,, কিন্তু মণি রায় নীচ-প্রকৃতি বোলো না, অধিকতর পাতকী

মো । আচ্ছা, তুমিও বাড়ী যাও—নবকে বলে যেও, মণিবাবু—আমার  
দ্যাওর—এলে ভেতরে পাঠিয়ে দাও ।

● মণীশ্চের প্রবেশ ।

ম । আমি এসেছি, আর বলে পাঠাতে হবে না । ( মণির উপবেশন )

মো । ( বীর প্রতি ) আচ্ছা, তুমি যাও ।

( বীর প্রস্থান )

ম । দাদা কোথায় ব-উ ? না, বউ তোমায় বলতে পারি না, কেমন  
কেমন ঠেকে ।

মো । ( হাসিয়া ) কেন বলতে যাও ? তাঁরা এই কোথায় বেরুলেন ।

ম । তার পর, কি বলবে বলেছিলে বল !

মো । তুমি কবে এখান থেকে যাবে ?

ম । বোধ হয় শনিবার ।

মো । কোথায় যাবে ?

ম । বলতে পারি না । যেথায় ইচ্ছা, পেছু ডাকবার কেউ নাই ।

মো । কেন যাবে মণিদা, আমার মাথা খাও যেও না । স্ত্রী পুত্র—

ম । তা হলে উঠলুম—এই কথার জন্যে ডেকেছিলে ?

মো । না, বোস । স্ত্রী অল্পবুদ্ধি হতে পারে, কিন্তু তাই বলে তাকে  
পরিত্যাগ করতে হবে ?

ম । পাঁচ বৎসর আগে আমার স্ত্রীর মৃত্যু হয়েছে, আমার স্ত্রী নাই ।

মো । সারা জীবনটা এমনি ঘুরে ঘুরে বেড়াবে । আবার কত দিন পরে  
আসবে ?

ম । এ জনমে আর নয় । একটা বিশেষ আবশ্যকে এবার এসেছিলুম ।  
যে কাজে এসেছিলুম, সে কাজ হয়ে গেছে । মোক্ষদা ! আর  
আমার আসবার দরকার নেই । একটা আমার মহা আনন্দের

কথা এই মিথু! এখন কাকেও ফেলে রেখে যাচ্ছি না, যে আমার  
জন্তে ভাবে বা—

মো। কি করে তুমি জানলে? যারা তোমার সর্বনাশ করেছে, তোমায়  
পথে বসিয়েছে, তারা তোমার জন্তে ভাবে না বটে; কিন্তু তুমি  
হয় ত যার সর্বনাশ করেছ, সে তোমার জন্তে মর্মান্তিক ভাবে—  
ছনিয়ার গতিক এই!

ম। আমি কারও কখন কল্পনারও অমঙ্গল করিনি।

মো। অনেকে না ছেনেই সর্বনাশ করে। মণিদা! আমাকে তোমার  
সঙ্গে নে যাবে?

ম। (হাসিয়া উঠিয়া) সঙ্গীটি বেশ! ভাগ্যা, অবস্থা, বয়স ইত্যাদি,  
বৈরাগ্যেরই উপযুক্ত বটে।

মো। আমার নে যাবে মণিদা? আমি নয় দুদিন তোমার সেবা কি  
পরিচর্যা করুমই।

ম। দাদাকে বলব, তোমার চিকিৎসা করাতে। তোমার মাথার  
বিকার জন্মেছে।

মো। তোমার পায়ে পড়ি, আমার সঙ্গে করে নাও তুমি। তোমারও  
যে অবস্থা—আমারও সেই অবস্থা—তোমার স্ত্রী যদি না থাকে,  
আমারও স্বামী নাই—আমার তুমি সঙ্গে করে নাও। (কম্পিতস্বরে)  
তবে তোমাতে আমাতে প্রভেদ এই—না সে কথা বলতে পারি  
না। কেনই বা বলব না? আর কবে বলব? আজ যদি না  
বলি ত আর বলা হবে না যে? (মণির নিকটবর্তিনী হইয়া)  
চিরটা দিন অন্ধকারে ডুবিয়া রেখেছ, চিরটা দিন একটা আকা-  
শের যতন ফাঁকা মন নিয়ে ঘর কচ্ছি,—একদিন আলোর মুখ  
দেখাও। বিনা অপরাধে সুন্দর পরিমাণ চক্ষের জল আমার

• ফেলিয়েছ, হুঁদিন চোক যদি শুকন হয়, আপত্তি কর কেন ?  
আমায় সঙ্গে নাও ।

ম । ( সাস্চর্য্যে ) মোক্ষদা । তুমি কি বলচ, আমি বুঝতে পাচ্ছি না—  
পরিহাসেরও তো কোন কারণ দেখছি না । তবে কি পাগলের  
অনুরোধ কচ্চ ?

মো । পাগলের মত নয়, মানষের মতই অনুরোধ কচ্ছি—খুব সত্য  
সত্যই অনুরোধ কচ্ছি—আমাকে নিয়ে যাও । আর মিথ্যা  
বলব কেন ? আর মিথ্যা বলবার আমার সময় নেই । সত্য  
সত্যই অনুরোধ কচ্ছি—দুটো দিনও আমাকে তোমার ছাওয়ার  
রেখে পৃথিবীর উত্তাপ ভুলতে দাও ! কোমার থেকে জলে  
আসি—কোন অপরাধ করিনি—অকারণে, অদোষে, অপাপে  
তুমি আমায় অগ্নিকুণ্ডে ফেলে দিয়েছিলে ;—জলিছি, জলতে  
জলতেও তোমার পথ চেয়ে থাকতুম ; ভাবতুম, কবে তুমি এসে  
আমায় সে আশুগ থেকে তুলবে,—যখন তুলবে, তখন কত আমার  
শক্তি হবে । তুমি আপনার ধ্যানে মগ্ন রইলে ; যাকে পোড়ালে  
তার দিকে একবার তাকালেও না ; যে পুড়ল, সে যত পুড়তে  
লাগল, তার ততই তোমার কথা মনে আগতে লাগল । আর  
পুড়িও না—আমায় সঙ্গে নাও । মনে করে দেখ, এক ভুল করে  
আপনার সর্বনাশ কলে, আমারও সর্বনাশ কলে ; যে সাত  
সুন্দুর পরিমাণ ভালবাসা তোমার জগ্রে বুকে করে রেখে ফুলে  
ফুলে মলো, তার দিকে চাইলে না, যে দিকে চাইলে, সে  
তোমার—

ম । ( উঠিয়া দাঁড়াইয়া ) মোক্ষদা ! মোক্ষদা । চূপ কর । ও সব কথা  
আমার তোমার কাছ থেকে শোনবার অধিকার নাই ; তুমিই বা

কোন সাহসে ও সব কথা আমার বলছ, আমি বুঝতে পাচ্ছি না ।

আমার বোধ হচ্ছে—

মো । কোন সাহসে ? সাহস অসাহস কি ? ইহকাল পরকালের ?  
লোক-লৌকিকতার ? ( হাসিয়া ) যারা ভালবাসে, তারা ও সকল  
ভাবে না, ও সকল ভয় করে না । যারা ভালবাসার ভান করে,  
তাদের ঐ সকলে ভাবনা, ঐ সকলে ভয় । ইহকাল পরকালের  
তউলে, লোক-লৌকিকতার বাটখারা দিয়ে, ভালবাসা কি ছটাক  
কাঁচা মেপে দেবার জিনিষ ? পাগলের ভয় ভাবনা আছে, না  
থাকে মণিদা ? মনের ভিতর যদি হিসেবই রইল, তবে ভালবাসনুম  
কখন ? আকাশের নক্ষত্র আকাশ ছেড়ে, নক্ষত্ররাজ্য ছেড়ে,  
বুকভরা প্রেমের বেগ সহিতে না পেরে, চারদিক আলো করে,  
যখন সাগরবক্ষে ঝাঁপিয়ে পড়ে চিরকালের মত ঠাণ্ডা হয়, তখন  
জানবে, সেই বটে ভালবাসার স্বাদ পেয়েছিল । অসহ্য কষ্টে  
গগনভেদী চীৎকার করে, বিছাৎ যখন তার, সুকুমার দেহ পর্বতে  
আছড়ে চুরমার করে, তখন বুঝবে, ও অমৃতের নেশায় সে পাগল  
হয়েছিল বটে । একদিন তোমার যদি চরণসেবা কন্তে দাও, তা  
হলেই ত লক্ষ স্বর্গ আমার হাতে দিলে—আমি স্বর্গ নরক ভাবতে  
যাব কেন বল দেখি ? মণিদা ! আমার সঙ্গে নাও ।

ম । ছি ছি ! ছি ছি ! মোকদা, এইটে বাকী ছেল ; তুমি কখন  
আমার অপমান করবে, আমি ভাবিনি ; তাও আজ হ'ল ।  
দারিদ্র্যের এতট দোষ । বেশ । এখন অনুমতি কর ত বাই ।

( নিঃশব্দে প্রস্থান )

মো । ( অগ্র দিকে মুখ করিয়া ) নিতান্ত আমার কথা না রাখ, যাও ।  
আমিও যাব—তোমার আগেই বেরব—তোমার হাতে ধরে

‘ কাঁদলুম তুমি আশ্রয় দিলে না, কিন্তু আমার এমন বন্ধু আছে, তার আশ্রয় চাইলে সে আনন্দে তখনি তা দেবে । ( চারিদিক দেখিয়া ) চলে গেছ ? বেশ । ( দেয়াল হইতে মদের বোতল বাহির করিয়া পান,—উপাধান নিয়ম হইতে বিষের শিশি বাহির করিয়া ও তাহাকে সম্বোধন করিয়া ) প্রিয়তম ! তুমি আমার মুখ রেখো—মণির আগে আমি বেরুব প্রতিজ্ঞা করেছি, আমার সে প্রতিজ্ঞা বজায় রেখো । তার মত তুমিও যেন তাচ্ছিল্য কোরো না ; ( বিছানার উপর বসিয়া মদ্যপান ) গেছে, যাক—যেতে দাও । উঃ ! বুকের ভিতর জলে গেল—জ্বালা ত আজকের নয়—(মদ্যপান) এ যে চিরকালের জ্বালা । মণি ! মণি ! আমার প্রাণের নিধি ! তোমায় কি বলতে গেলুম, বলতে পারলুম না—এক বলতে, আর বললুম । ( মদ্যপান ) ।

( পানোন্মত্ত সারদা, এবং শব্দুর প্রবেশ )

সা । হারামজাদি ! কে তোমার ঘর থেকে বেরিয়ে গেল বল বলচি ?  
নইলে খুন কর্কে—

মো । হোঃ হোঃ হোঃ ! খুন কর্কে—বটে ? সে শক্তি তোমার নাই ।—  
এস একটু খাও—

সা । আমি যে এত মাতাল, বেটি আমার বাবা !

মো । অমৃতভাষী স্বামিন্ ! আমার দুর্ভাগ রত্ন ! তুমি একটি ছাড়া আমার জীবনে কখন কোন অনুরোধ করনি—তা সেটি আমি শরীর পাত করেও পালন কর্কে না ? কেমন করি ? ( মদ্যপান ) ।

সা । আজ তুমি আছিস কি আমি আছি—তোমাই একদিন কি আমারই একদিন । ( পকেট হইতে ফ্লাস্ক বাহির করিয়া পান ) ভাল চাস, বল কে তোমার ঘর থেকে বেরিয়ে গেল ? আমার মাথার ভেতর খুন নাচে—শিগ্গির বল—



শ। সারু—কর কি ? চুপ কর—ছিঃ—

মো। উঃ— ( দীর্ঘ নিশ্বাস )

সা। বুকের ভেতর, জলে যাচ্ছে, না ?

মো। জলে যাচ্ছে বলে যাচ্ছে ? কি জলচে তা বলতে পাচ্ছি না।  
আগুন খাওয়াতে শিথিয়েছিলে কি বরফের মত ঠাণ্ডা হব বলে ?  
না এই রকম ধু ধু করে জলবার জগ্গে ? কি জিজ্ঞেসা কচ্চ ?  
আ্যা—কি জিজ্ঞেসা কচ্চ ? ভুলে যাচ্ছি—মনে করে দাও—  
আমার গোলমাল হয়ে যাচ্ছে। ওঃ ! মনে পড়েছে—কে গেল ?  
কে গেল শুনবে ? শুনবে খুসী হবে ? উঃ ! জলে গেল—যার  
জন্যে দশ বার বছর দিন রাত্তির জলচি, দিন রাত্তির পুড়ছি, দিন  
রাত্তির কাঁদচি,—শুনবে ?

সা। চুপ হারামজাদি ! ( লক্ষ্য দিয়া মোক্ষদাকে ধরিবার উত্তম ) ( শব্দে  
নিবৃত্ত করণ )

শ। সারু ! তোমাদের রকম দেখে আমার ভয় কচ্ছে, আমি যাই।

মো। (হাসিয়া) খুন করবে ? কেন করবে ? কখন ত বন্ধুর কাজ করনি ?  
আজ একেবারে পরম বন্ধু কেন হবে ? হও হবে—একটু খাম।  
আগে শোন—হু' তিনবার জিজ্ঞেস করেছ, আগে শোন—কে  
গেল তারপর যা ইচ্ছে কোরো। উঃ ! জলে গেল ! যে  
উইলের রোজ তুমি তাগাদা কর—যে উইলে দাদা তোমার  
সর্বস্বান্ত করে, আমাকে—আর এক জনকে—তাঁর সর্বস্ব দিয়ে  
গেছেন—আর আমার অংশ আমি যাকে লিখে দিইচি—সেই  
গেল। যার উপর অভিমান করে দাদা বানরের গলার মুক্তার  
মালা পরিয়েছিলেন, সেই গেল। আরও শুনবে ? যার জন্তে  
দাদাকে খুন—

পা । বহুত আচ্ছা ।

( পাহারাওয়ালার প্রস্থান )

ই । লাসকা উপর কাপড়া দেনা । ( তথাকরণ ) ছনো আদমীকা হেপাজত করকৈ, ইয়ে চৌপায়া বাহারকা কামরামে লেআনা, সব তক্ কমিসনর সাব নেহি আওয়ে !

( তথাকরণ )

পঞ্চম দৃশ্য ।

( শিবদাস আগরওয়ালার বাটীর সন্মুখ । )

শিবদাস ও তিনকড়ি ।

তি । তবে এই ঠিক রইল, বাবুকে বলব । ( স্বগত ) কিছু বুঝতে পারুম না, বাবুর আমার কেন এমন কুমতি হল ? হা ভগবান ! যে মরা, তাকে মারা কেন ?

শি । ঠিক রইল, তিনকড়ি বাবু ! তুমি জগদীশ বাবুকে আমার নমস্কার দিয়ে বলবে যে, ঠিক শুক্রবার দিন, তাঁর বাগানের ফটকে আমার লোকজন পেয়াদা সঙ্গে হাঙ্গির থাকবে; যেই জুরোচোর বেটা বেরবে, অমনি তাকে ধরে নি'এসে জেলে পুরবে । জগদীশ বাবু আমার বড় উপকার করলেন, তাঁর কাছে আমি ঋণী রইলুম ! তোমার বাবুর মত উমদা লোক, তিনকড়ি বাবু ! এ সহরে ছটা নেই ।

তি । ( স্বগত ) আহা ! সে যে বড় ছঃখী ! সে যে খেতে পার না, পথের

( জগদীশ ও তিনকড়ির প্রবেশ )

জ। ( তিনকড়ির প্রতি ) তাদের দু'টোর সময় আসবার কথা, এখন ( ঘড়ি দেখিয়া ) আড়াইটের আমল। বাগানের বাইরে শিবদাস আগরওয়ালার লোকেরা এতক্ষণ পেয়াদা টেয়াদা নিয়ে ঠিক আছে। মণির খাওয়া হয়ে গেছে আমি দেখে এইছি। এতক্ষণে সে বাড়ী থেকে বেরিয়েছে, এসে পড়ল বলে। তুই দৌড়ে যা—শিবদাসের লোকজনকে হুঁসিয়ার হতে বলগে। যেই বেরোবে আমি গেরেপ্তার। বলে কইলে—সে বলবে কইবে না জানি—তবু বলে রাখিস,—হাজার বলে কইলে কিছুতে না ছাড়ে। একেবারে হাজত—বুঝলি ? যা—

তি। আজ্ঞে—

জ। যা যা, আর দেরী করিসনি, সে এল—

তি। আজ্ঞে আমায় ক্ষমা করুন, আর কাকেও অনুমতি করুন। এ নৃশংস কার্য আমার দ্বারা অসম্ভব।

জ। কি ? কার সঙ্গে কথা কচ্চিস তুই—

তি। জানি কার সঙ্গে কথা কচ্চি। আপনার সঙ্গে—আমার পৈতৃক মনিবের সঙ্গে—আমার সর্বোচ্চ মুহূদেবের সঙ্গে—আমার ভাগ্য-বিধাতার সঙ্গে—কিন্তু তথাপি বলচি, এ কার্যে আমি অক্ষম। সে গরীবের বুকে এ ছুরী বসাতে আমি পার্ক না। বাবু! আমায় ক্ষমা করুন। আমার চাকরী নেন নিন, তাতেও আমি ক্ষতি বিবেচনা কর্ক না—

জ। কেন কর্ক বাবা ? তোমার স্বর্গীয় বাবা আমার স্বর্গীয় বাবার চিরটা কাল যথাসর্বস্ব গ্যাড়া দিয়ে স্বর্গে গিয়েছেন। তুমি সেই স্বর্গীয়ের সুপুত্র—দিন দিন আমার গ্যাড়া দিয়ে সেই স্বর্গস্থ

জ। মণির মত বন্ধু আর তিনকড়ের মত চাকর, সচরাচর মেলে না ।

যাই, আমার অংশ আমি অভিনয়ের চেষ্টা দেখিগে । ( প্রস্থান )  
কিশোরী । (নিকুঞ্জ হইতে নিষ্ক্রমণান্তর ) যা চোখে পড়্চে তাই মনোহর ।

এমন সুন্দর—

( মণির প্রবেশ )

ম। কোথা গেল জগদীশ ? বল্লে এই দিকে এয়েছে ; এখানেও  
তো নেই । তবে বোধ হয় ফটকের দিকে গেল—তাই ত  
যাবার সময় দেখাটা হবে না ? ( চতুর্দিকে নিরীক্ষণ করিতে  
করিতে, কিশোরীকে অবলোকন করিয়া ) এ কে ?

( প্রস্থানোত্তম )

কি। এ আমি—তোমার প্রাণহন্ত্রী আমি ! কোথা যাও ? দাঁড়াও,  
তোমার পায়ে পড়ি । ( মণির হস্ত ধরিবার উপক্রম ) দাঁড়াও  
চোমকো না ; আচ্ছা, তোমার স্পর্শ কর্ব না । একটা কথা  
বলি শোন—কি বল্ব—আজ কত দিনের পর—কত দিনের  
পর ? দাঁড়াও ( স্বগত ) হায় ! হায় ! এমন সময় আমার  
কথা বেরুচ্ছে না কেন ? ( প্রকাশ্যে ) আমার দিকে ফের,  
একবার ফের, একবার ফের, তোমায় দেখি, তোমার পায়ে  
পড়ি, আমার মাথা খাও ।

ম। ছি ছি ! জগদীশের এই মতলব ? এ দেশের সকলেই আমার  
অপমানে বন্ধ-পরিষ্কর । ( কিশোরীর প্রতি ) আমি যাই—

( প্রস্থানোদ্যম )

কি। কোথা যাবে—আমাকে নিয়ে যাও । কেন আমি এখানে  
থাক্ব ? কেন আমাকে এখানে রেখেছ ? আমাকে নিয়ে যাও ।  
কোনু অধিকারে আমি বাপের বাড়ী থাকি ? কোনু অধিকারে

তুমি আমায় পরিত্যাগ করে উদাসীন হও ? স্ত্রীহত্যার পাতকে তোমার ভয় নাই ? না,—না, কি বলছি, কিছু মনে কোরো না। ( মণির চরণে পড়িয়া ) কিছু মনে কোরো না, আমার কথায় রাগ কোরো না ; এক রাগে—এক অভিমানে—আমার যথেষ্ট করেছ, আর কোরো না—

ম। (স্বগত) হা নিলজ্জ মানব হৃদয় ! এই তোমার কাঠিন্য ? এই তোমার তেজ ? এই তোমার শক্তি ? এক কথায় আর্দ্র ? এ দীর্ঘ কালের প্রতিজ্ঞা একটা কথার ভরও সহ্য করতে পারে না ? ( প্রকাশে ) ছাড়—ছাড় ঐ তোমার বাবা আসছেন, জগদীশ আসছেন—তোমার বাবা তোমায় আমার সঙ্গে দেখলে ভৎসনা করবেন, আমায় ছাড়—

( দ্রুতগতি প্রস্থান )

কি। ( উঠিয়া আকাশ পানে চাহিয়া ) মা জননি ! স্বর্গবাসিনি ! আর আমার অপেক্ষা করবার কারণ নেই। আর আমার বাধন নেই ; আজই যাব, তোমার সঙ্গে দেখা করতে আজই যাব। দেখো মা ! তোমার কোলে রেখো। নরকের দুতেরা আত্মঘাতিনী বলে আমাকে তোমার কাছ থেকে কেড়ে নিতে এলে, আমার দিও না। সকলে ফেলে দিয়েছে, তুমি ফেলো না মা !

( জগদীশ ও অন্নদা বাবুর প্রবেশ )

জ। এই যে কিশোরী ? আমরা ভাবছিলুম তুমি বুঝি বাইরে বেড়িয়ে বাড়ীর ভেতর গেছ ?

কি। না মামা—এইখানে দাঁড়িয়ে দেখছিলুম।

অ। ( স্বগত ) কিশোরী কি কাঁদছেন ? চখের কোনে যেন জলের

তা স্বীকার কর্বেন না; আর আমাদের টাকার মুক্ত হওয়া অপেক্ষা মরণ তিনি মঙ্গল ভাবেন। জানেন ত তিনি কত বড় অভিমানী। মামা! আপনি এক কাজ করুন। যাবার সময় আমাদের বাড়ী হইবে যান। আমার ঘরের কাঠের দেয়ালের ওপরের তাকে কাপড়ে জড়ান একতাড়া কাগজ আছে, সেইটে সঙ্গে করে নে তাঁকে দেবেন; সেটা তাঁর মাতামহের উইল। আমাকে আমার বড় জা এসে দিয়ে গিয়েছেন। সে উইলে তিনি তাঁর যথাসর্বস্ব এঁদের দে গেছেন। তাঁকে বোঝাবেন তিনি আজ দরিদ্র, নিধন নন।

জ। যথাসর্বস্ব—তারক ঘোষের যথাসর্বস্ব? তা হলে তা দশ বার লাখের কথা। ভগবান! বিপদ যখন পাঠাও, পাহাড়ের ঝরণার মত—সম্পদ যখন পাঠাও, তাও নদীর বাণের মত। ধন্য তোমায়! মণি রায়ের জীবন-কাব্যে তোমার অনেক রকমের বিকাশ দেখলেম।

অ। (কিশোরীর প্রতি) আচ্ছা, তুমি এখন বাড়ীর ভেতর চল দেখি; আমাদের দেরী হয়ে যাচ্ছে।

কি। (জগদীশকে চাবি দিয়া) ওপরের তাকে আছে।

সকলের প্রস্থান।

সপ্তম দৃশ্য ।

প্রেসিডেন্সি জেল ।

জেল-সুপারিন্টেন্ডেন্ট ও ব্রজ ।

সু। You come to see the old Lunatic—do you ?

ব্র। Well, both of them.

শ । (কম্পিতাবস্থায়) সাহেব ! আমাকে ছেল দেবে ? খুন করিচি ? আমি না—আমি না—আমি না । তারকবাবু ! নবা বেটাকে মানা করুন, আমায় জেল দিচ্ছে—আমি যাব না । কল্যাণ ! দ্যাখ, আমার, খাওয়া হল না, আমাকে জেলে নে গেল—'

সু । ( রক্ষিদিগের প্রতি ) লে যাও, ডাক্তার সাব্ব্বাকো কামরামে লে যাও ।

( শব্দকে লইয়া রক্ষিদের প্রস্থান )

ব । Shall he be tried along with that other man ?

সু । Not for sometime anyhow. He shall wait here, so long as orders from Government for his removal to the assylum, are not to hand,

ব । And the other man ?

সু । Well, the next Criminal Sessions of the High Court will send him to the Hang-man's care !

ব । বিচিত্র তোমার চক্র পরমেশ্বর ! অভেদ, অনির্ণয় !! একমাস আগে সারদার, শবুর, মোক্ষদার, এ গতি কে বলনা কত্তে পেয়েছে ? Good-morning Sir.

( বজের প্রস্থান )

সু । Good morning, Babu ! Now for my morning round

( সুপারিন্টেণ্ডেন্টের প্রস্থান )

দিতে হবে না । এত মিথ্যেয় তোকে আজ ক্রোর টাকার মালিক  
করেছি, আর একটি অসময়ে-গুড়োন সংসার ফিরে পাতিইছি ।  
আমি মিথে; কথা ছাড়ব ?—দূর গাধা !

ম । মিথ্যে নয় । ঘাট হয়েছে । আচ্ছা, দাদার কি হবে ?

জ । খুন কলে যা হয়—তোষাখানার দাওয়ানী, আর নেপালের রাজ-  
কন্যার সঙ্গে বে ।

( অন্নদাবাবুর কিশোরীকে লইয়া প্রবেশ )

জ । ইঃ—তুই বেটা ত সাহেবের মেয়ে—ইদিকে বাবাব সঙ্গে গড়ের  
মাঠে বেড়াতে যেতিস, আজ একেবারে এক হাত ঘোমটা !  
ভট্‌চাজ্জির বউ !

অ । ( মণির করে কিশোরীর কর রাখিয়া ) বাবা ! আজ আমার একটা  
সুদীর্ঘ চঃস্বপ্ন ভেঙ্গে গেল । চৈতন্য পেয়ে বাঁচলুম । সজ্ঞানে  
তোমাদের সঙ্গে কথা করে বাঁচি । আজ আমার ঘর আলো,  
প্রাণ আলো, তোমার মুখ আলো, কিশোরীর মুখ আলো, আমার  
জগদীশের মুখ আলো ! ( কিশোরীর প্রতি ) মা ! তোমার  
মামাকে প্রণাম কর ।

( কিশোরীর তথাকরণ )

জ । আরে বেটা ! বাবা আগে না মামা আগে ?

( কিশোরীর অন্নদাবাবুকে প্রণাম )

অ । কিশোরীর মামা কিশোরীর ভগবানের আগে—বাবা ত তুচ্ছ ।

( কিশোরীর মনীষকে প্রণাম )

( তিনকড়ির প্রবেশ )

জ । ভারি প্যাঞ্জি, বুঝলি তিনকড়ে ?

তি । কে ?



জ। এই অনন্দা বোস—আর কে ?

তি। বাবা। ও তোমারা শালা ভয়ীপোত ছই ভায়েই সমান !

জ। এই ব্যাটা জুতো খেলে রে—

তি। হক্ কথা বলে জুতো খেতে হয়, নয় খেলুম ।

( মমুর প্রবেশ )

মমু। কালদা ! বাবা আর আমি একখান ঘুঁড়ি কিনতে যাব ; বাবা  
যাবে না ?

ম। বাব বৈকি ।

( নেপথ্যে গোলমাল,—ও 'আরে ইয়ে আদমি কি বাউরা হায় ?  
অন্দরমে কাঁহা যাওগে' ইত্যাকার ধ্বনির পর কমলাকান্ত ও  
পশ্চাতে দরওয়ানের প্রবেশ )

ক। ( দরওয়ানের প্রতি ) হাঁ আলবত চুকবো, তোর বাবার কি ?  
আটকা দিকিন আমার দেখি ? ( দ্রুত আসিয়া মমুকে কোলে  
লইয়া ) তোর বাবার বাড়ী যে চুকব না ব্যাটা ?

জ। কমলাকান্ত ঠাকুর যে গো ! এস—এস ( দরওয়ানের প্রতি ) ওরে  
বাবু ! কাকে রুখতে গেছিস ?—এ তোদের জামাই বাবুর  
বাবা। তুই যা ; আর দেখ, আজকের দিনটা ভেতরে যে আসতে  
চায়, আসুক ; কাকেও রুখিস টুখিস নি । ঠাকুর ! প্রণাম ।

( দরওয়ানের প্রস্থান )

ক। বাবা আশীর্বাদ করি, আমার মণির যা করেছ, মণির মতন অবস্থা-  
ক্লিষ্ট সকলের এই রকম কত্তে থাক ।

অ। ( ষোড়হস্তে ) ঠাকুর ! প্রণাম । তোমার সুমুখে আমি ঘুণায় লজ্জায়  
ঘাড় তুলতে পাচ্ছি না। আমার অহুগ্রহ করে তুমি কমা কর ।  
বিকারের ঝোঁকে অন্যায় করে রোগীকে সবাই কমাই করে ।

শ্রীরামলাল বন্দ্যোপাধ্যায় প্রণীত

## অন্যান্য গ্রন্থাবলী ।

পেয়ার	নাটক	মূল্য	২১ টাকা।
কমলা	”	”	৫০ আনা।
অনাথিনী	”	”	১০ ”
মাধবী	”	”	১০ ”
বিদেশী	”	”	১০ আনা।
অভিষেক	”	”	১০ ”
প্রেম-পাশ	”	”	১০ ”
নাচ	”	”	১০ ”
চাঁদের হাট	নাটিকা	”	১৭/০ ”
অপরিচিতা	উপন্যাস	”	১০ আনা।
প্রেমের চিত্র	গাথা	..	১০

কলিকাতা বুক ডিপোতে প্রাপ্য ।

■

■